

AFFECTIONUM  
Quæ dicuntur  
HYSTERICÆ  
ET  
HYPOCHONDRIACÆ

Pathologia Spasmodica vindicata,

Contra

Responsionem Epistolarem

NATHANAEL HIGHMORI. M D

Cui accesserunt

Exercitationes Medico-  
Physicæ Duæ,

1. *De sanguinis Accensione.*
2. *De Motu Musculari.*

---

STUDIO

THOMÆ WILLIS, ex *Adæ Christi* OXON.

M. D. & in ista celeberrima Academia Natu-  
ralis Philosophiæ Professoris *Sidlandi*.

---

Editio Tertia,

Ab AUTHORE recognita, atque ab eodem  
multiplici Auctario locupletata.

---

L O N D I N I,

Typis S. Roycroft, Impensis J. Martyn, ad Infig-  
ne Campanæ Commercio D. Pauli, MDCLXXVIII.

HYSTERICA

HYPOCHONDRIACA

Phrenologia & Morbida Imaginatio

Capitulum

De Morbo Hypochondriaco

MATHIAS WILHELMUS M.D.

Libri Medicini

Excitantibus Medicis

Partes Duae

Primum de Excitantibus

Secundum de Morbo

STUDIO

THOMAE WHITIS, M.D. & CHIR. OXON.

A. D. 1612. Editum Londini. Typis Johannis Iamsonii.

Imprimatur

AS ADTHORIS COMMENTARIIS AD EODUM  
CONSECUTUS AUGUSTUS IANSONIUS

LONDINI

Typis Johannis Iamsonii, in Curia Cantuariensi, 1612.





AMICO LECTORI  
*PRÆFATIO.*

**Q**UOD à pluribus, scripta mea  
subinde aggressis, impetitus,  
vindicias antehac nullas, jam-  
que has ita serò appa-  
raverim, id (Candide Lector) nostrâ  
utriusque causâ factum esse scias, ne sc.  
alienâ patientiâ, proprio utique orio  
abuterer, Magnâ quidem cum pompâ  
dici solet, veritatem ex disceptantium  
conflictu, tanquam ignem ex attritis si-  
licibus oriri: Scintillulas fateor aliquas  
fugaces, & evanidas ita interdum excuti;  
at si quis lumen, ignemque experat,  
nôn tam percussu, quàm blanditiis, &  
molli, benignoque afflatu opus erit, quo  
cœca flammæ rudimenta jubar induant,  
seque leniter explicantia, una aspiciant,  
& imitentur diem. Réverâ ingeniosæ  
aliquæ argutiæ, & captiuncule non in-  
gratæ, sæpè inter disputandum enascun-  
tur;

## *Praefatio.*

tur; sed frustra quispiam sobria rationum momenta, ac iusta rerum pondera speraverit, ubi non veritas, adeo quam fama, & triumphus spectantur.

Quandoquidem igitur Empirici nonnulli, arrepta tam quidlibet impone scribendi, quam ludendi de corio humano licentiâ, placita mea, quæ non satis intelligunt, passim dilacerant, & convellunt; & quo speciosius merces suas venditent, libellorum titulis *me triumphatum* prædicant; hos ego non aliter, quam silentio & contemptu redarguam, utpote quorum scripta, & responso indigna sunt, & spreta exolefcent. Nec majoris illos æstimô, qui argumentorum loco, tantum opprobria & convicia ingerentes, debacchari potius, quam philosophari videntur. Interea uti præter spem semper & votum fuit, Hypotheses nostras, usquam omnibus arrisuras, ita non est ut agrè feram, si quisquam circa abditas rerum causas, ubi tantum conjecturis locus est, in contraria versatur opinione, aut à nostra quavis dissensum suum aperte profiteatur; modo id candidè fiat, & non barbaris rixis jurgiisque purissimæ scientiæ deturpentur: Quocirca cum Doct. D. *Higbmarus* Pathologiæ nostræ circa Affectiones Hystericas & Hypochondriacas, suam etiamnum opponat, atque ad rationes conferendas provocet; lubens in Arenam descendo, eoque lubentius, quod proinde sperem, Doctrinam nostram Spasmodicam,

*Praefatio.*

cām, si post Fortissimi Adversarii insultus & Arietes nequicquam admotos, obistere valeat, stabilem prorsus & inconcussam in posterum permanfuram. Verūm ne solo controversiarum pulvere Lectorum oculos exciperem, visum est mihi, ex Arena ipsos paululū ad amceniora deducere, & Paradoxa quādam à me pridem tradita, nempe *sanguinem accendi, & Spiritus Animales quasi elasticos explodi*, jam demum fufius explicata, necnon rationibus & experimentis confirmata, responsioni nostræ adjicere. Revera exercitationes hæc duæ posteriores, ad *ψυχολογίαν* nostram, in lucem aliquando forsan prodituram, propriè spectant: quia tamen propter notiones quasdam insolitas, & non receptas, proles aliquatenus suspectæ habeantur, idcirco has per se prius educendas censi.

Vale.

THE HISTORY OF THE  
REIGN OF  
HIS MAJESTY  
CHARLES THE FIRST  
BY  
JOHN BURNET  
OF  
GLASGOW  
IN  
SCOTLAND  
BY  
JOHN BURNET  
OF  
GLASGOW  
IN  
SCOTLAND  
BY  
JOHN BURNET  
OF  
GLASGOW  
IN  
SCOTLAND

—————

AD 1649

(1)

A D

Virum Doctissimum

NATHANAEL. HIGHMORUM, M.D.



Espositionem tuam epistolam (Egregie Domine) de affectibus hystericiis, & hypochondriacis ad me datam atque adversus me scriptam eo animo perlegi, ut in quam partem graviora argumentorum pondera deducerent, ad eam inclinarem: neque enim propriae sententiae tam pertinaciter unquam adhaesi, ut ad veriore[m] a quocunque oblatam, non lubens transferim, verum libratia utrinque rationibus (cum me nondum moveri aut immutari sentiam) cuiusque in unam lancem, nostris in alteram impositis, utra demum pars praeponderet, aliis judicandum relinquo. Occurrunt fateor in Pathologia nostra phaenomenon quorundam solutiones conjecturali (prout res ferebant) modo, licet obiter tantum a me traditae, quas securius cavillari poteris, usque tamen immota perstant fundamenta, quae in vestra hypothesi plane vacillant, & invidis omnibus, quae nuper substituisti, fulcris prorsus corruent.

Prima inter nos orta est controversia de Passionis Hystericae natura, causis, & sede primaria, utpote quam Tu sanguinis & pulmonum, egomet cerebri potius, & generis nervosi affectum esse sentio: quanquam & ipse in recitanda hujus morbi historia, prima ac ultima symptomata ad caput, & functiones animales retulisti. Dicis enim paroxyfmi praenuntios esse magnos capitis, frontis maxime, temporum, quae dolores, aurium tinnitus, & pulsationes, ac cordis tremores: dein quod paroxysmo invasuro, cordis gravitas insignior, & animalium

Pag. 2.

Pag. 3

actionum omnium torpor excruciant, qui revera tum capitis, tum cordis affectus in fibris nervosis, aut nervis ipsis consistentes, ad genus nervosum potius quam ad sanguinem spectant. Insuper paroxysmi catastropham describens, asseris deliria, convulsiones, cum syncope, spumata nonnunquam per os profluente, tragœdiæ huic complementum addere. Veruntamen hæc omnia, quasi pro nihilo habenda penitus tibi exciderant; morbum per causam ejus postea te definiturum, professus dicis passionem hanc (hystericam dictam) esse strangulationem a nimio sanguinis subtilis, ac statulenti in pulmonum vasibus, cordisque thalamis infarctu ortam, quo pulmones motum sequi thoracis, ac diaphragmatis inhabiles, et cor suos sinus ab infarctu illo pleniori, per pulsus licet frequentiores, liberare ineptum, redduntur, atque hinc necessario insequitur, primo dyspnœa, & inde suffocatio, quam ut effugiat natura, facultatem invitat animale, quæ ne simul cum vitali pereat, spiritus suos copiose, licet, inordinate & irregulariter emittit, qui sic profusi motus tales irregulares, quos convulsivos vocant, excitant.

Hypothesin hanc Tuam (Vir Clarissime) si quo modo licuisset, intectam olim, atque illibaram reliqueram, neque enim aliorum placita, nisi coactus necessitate, unquam attingi. Sed dum propriæ sententiæ viam aperirear, Tuamque, quæ obsepichear, paululum tantum, & leviter amoverem, sensi tandem urticas, spinasque non tantum nocere auribus, quam si tenera manu demulceantur. Proinde liceat mihi (prou res nunc postulat) ætiologiam tuam paulo liberius exornare, quamque in prioribus scriptis solummodo minus esse verisimilem, modeste inuocabam, tandem diligentius examinatam, non tantum improbabilem, sed & impossibilem prorsus asserere :

rere: quod certe satis constabit, ubi hæc tria ostendero. Primo, sc. sanguinem, utut subtilem, & quantumvis flatulentum, nunquam ita turgescere, ut donec intra vasa continetur, ductus usquam sanguiferos, multo minus cordis thalamos, & vasa pneumonica nimis opalendo intarcat, ac penitus obstruat. Secundo, Affectiones istas pro pathognomicis a Te habitas, nempe suffocationis sensum, & dyspnoeam in multis hystericiis prius deesse, & cum adfuerint nec primas, nec præcipuas semper reperiri. Tercio, Prædictas istas in thorace passiones reliqua morbo hysterici symptomata, nempe quæ in abdomine, in capite, ac in membris contingunt, nullo modo producere posse. His solide ac breviter expeditis, postremo responsiones, objectionesque ad vestram pathologiam stabilendam, nostramque evertendam a Te allatas discutiamus.

1. Sanguinem particulis activis, aut (si malis) elasticis constare, ultro Tibi concedimus, hinc ut sponte ad turgescendum aptus, tum circuitu perenni facilius circumagatur, tum in effervescentias febriles, aut alias inordinatas proclivis existat, dummodo interea pariter concedatur, neque has, neque illum unquam fieri sine cordis & corporum impellentium actione, seu molimine animali. Quinimo sanguis quantumcunque intra ductus satis apertos effervescit nisi aut ipse coaguletur, aut partium a quibus impellitur, virtus motiva deficiat, eos nunquam ita inferciendo obstruit, ut sibi viam præcludat. Enimvero si hoc usquam omnino contingeret, saltem ubi sanguis maxime turgescit, sc. in febre Caulone, aliarumque acutarum paroxysmis, in quibus, sc. tota massa sanguinea velut in flammam acta, & plurimum rarefacta, ductus omnes, qua licet, rapidissime trajicit, atque rapido hoc cursu calorem intensissimum ubique diffundens, vasa valde implet, ac immaniter distendit, ita ut Cerebri claustra sæpe perturbans, functiones animales perturbet, & non ra-



ro penitus evertat : quapropter si omnino ab ulla sanguinis turgescencia cor , & pulmones periclitarentur , ab ista sane non tantum oppleri , sed plane obui oporteret , quod tamen ita evenire observatio communis nunquam testatur : nam cor & respirationis organa , magno labore & nixibus creberrimè repetitis , sanguinis impetuosissime sese ingerentis circulationem expediunt : si quando autem ab immodico febris aestu deliquium aut mors accidant , id propterea evenit , vel quod musculi pneumonici , & cor ipsum a vehementi ac diuturno exercitio , fractis tandem viribus fatiscunt , vel quia massa sanguinea insigniter depravata , & quoad crasin exoluta , ad fermentandum amplius , sive accendendum inhabilis evadit .

Quod vero instas sanguinem multis aliis modis turgescere , prout in hemorrhagiis , catameniorum fluxibus , subitis tumorum , dolorum , aliorumque affectuum translationibus , sine calore aliquo eminente præcurrente , quas in instanti , & dicto citius fieri statuis , haud inficias imus sanguinis fluxiones a parte in partem contingere , & materiam morbificam huc illuc varie transferre , tamen æquè certum est , hoc nunquam tam citò ac immediatè peragi , prout innuisti , sed trajecto prius corde , & sanguine per multiplicia ejus ostia minutatim , & partitè traducto , non aliter quam hominum cæerva per fores angustas viritim transeunte , adeo ut donec sanguis nondum extravaserit , periculum nullum sit a subita ductuum circa præcordia sitorum infarctione . Si quando autem obstructio circa vasorum extremitates contingit , sanguis arteriosus sese usque prorsum urgens , primo effluvia vaporosa , dein serum , & quævis alia recementa exuens , Venas ingreditur , sin amotis istis se expedire nequeat , sui portionem quandam extra vasa propellit , & seponit , quo reliquus latex in circulatione liberius pergat , adeo sanguis , quousque vegetus , & vigore plenus , ubique viam inveniet , aut faciet , neque ulla

ulla huic ex propria culpa remora contingit, nisi quando a maligno fermento profigatus subito coagulatur, vel effertus, aut nimis aquosus ad fermentandum, atque ad spiritus animales cerebro & nervis suppeditandos, inhabilis evadit.

Sed regeris Tu, \* incursum sanguinis in pulmones magis favere, quia in partem spongiosam, nimiumque capacem particula statulentam & elasticam (in cordis ventriculo quasi accensam) exploduntur. Miror Te hic causam eandem fulminantem pro sanguinis turgescencia explicanda adduxisse, quam a me pro elastico spirituum animalium impetu describendo assignatam in ipso epistolae tuae vestibulo irrifisti: porro admirari subest quare pulmones, tanquam nimium capaces, sanguinem autem, quoddam subtilis & statulentus sit, criminariis, quae conditiones utroque ab omni culpa potius eximere videntur, quam in ipsos morbi causam transferre, nam quo hic magis fluxilis est, inque istis spatium liberius, & apertius nactus fuerit, eo constipationi minus obnoxius evadit. Et profecto cunctis serio perpendenti cordis & organorum respirationi dicatorum actiones, & usus manifestum erit, has partes praequibuscumque aliis, immo omnino a sanguinis, modo sit fluxilis, insartu immunes esse.

Cor, musculus in toto corpore robustissimus, motu perpetuo, molendini hydraulici instar aggitatum, sanguinem duplici circuitu, nempe per pulmones ac per totum corpus impellit: in praecordiis quo melius cursus ejus regi, atque tum a stagnationibus, tum ab exundationibus inhiberi possit, ita cautum est, ut cordis sinus dexter sanguinem minutis tantum portionibus & velut cochlearim admittens, in pulmones ejiciat, atque eodem tempore, pari passu, & ferre dimenso, sinus sinister eum ex pulmonibus cochlearim excipiens foras tradat; in utroque cordis sinu bina constituuntur ostia, quae vicissim aperta, & statim occlusa, unica vice, unicam

dum sanguinis portionem, hic, illic inducitur, effunditurque, adeoque semper cavetur, ne istuc aut a tergo, aut a fronte ab altera obruatur, aliamve obruat.

Cæterum ob majorem circuitus sanguinis intra præcordia securitatem pulmones perpetuo agitati, & spiraculis instructi, sanguine pertranscuntis succutiantur, ac promoveant, simulque evacuant, & ciliatiorum decussatorum factibus liberant, quin & ipsam aeris inspirationem particulas imbuunt præde ut satisfactus, magisque effluat, sive seminatiscum eo venient & circulationi persurgenda prior reddatur. Enimvero siqua accensio sanguini (uti nostra fert sententia) contingit, omnino intra pulmones, & nequaquam in cordis sinibus peragitur, prout largere licet ex colore, & consistentia sanguinis ibidem, ac minime in corde immutatis, in quantum scilicet iste dum ex arteriis pneumonicis in venas transit ab atro purpureo, & cæssiori, in coccineum, & vividiores alteratur.

Ex his facis, liquere arbitror, sanguinem (qualis a Tetorificis habetur) nempe subtilem, & facultentum, atq; intra vasa coercitum, nullo modo vasis pneumonicis dissipari, aut præcordia ad rigiditatem infardire posse: proculdubio longe magis periculi imminet, quando sanguis vel extravasatur, utpote in peripneumonia, vel in corde, & vasis appensis coagulatur, prout in peste, & febribus malignis, vel in illidem concrevit, uti in polyto cordis, vel deniq; effusus in præcordiis nūmus, aut non omnino accendi, aut rarefieri potest, prout in pica, malacia, & distorto languore affectis, aut moribundis accidit: Attamen in hujusmodi casibus, nunquam strangulatio, aut Tabula præcordiorum oppletio, & immobilitas, sed primo nixus majores, postea crebriores, dein functionis motiva languor, & fatiscencia, ac ultimo conacidencia obliquant: horum instantias, & exempla quotidiana agnoscimus observantes aliunde suppleant.

Verum secundo præcordiorum, & dyspnoam, quas

quæ morbi hysterici proprias passiones habuisti  
 in quorundam paroxysmis scilicet modo alteram  
 modum utraque deesse culpam aut diversimodos  
 insulas uterini Typos observant, aut plures  
 appere super variis symptomatum risibus  
 sentiant facillime constabit. Sed adversi in  
 præsentis affectionem sum globi ascendens sensu  
 in hypogastrio incipientem, infra diaphrag-  
 maticis huius hypochondriorum tensionibus,  
 cumque magna eructatione, flatu, & non  
 satis citius terminatis novum in multis aliis pas-  
 sionem hanc supra thoracem inchorari, nempe  
 quatenus laborantes imprimis circa gustum ali-  
 quid sursum convelli sentiunt, (quod simul de-  
 glutitionem, & anhelitum impediens ne qua-  
 quam ad pulmones inflatos, sed ad quædam visce-  
 ros contractos referri debet): prælocatio autem  
 istæc interdum sine graviore præter vertiginem  
 symptomate transire solet, quandoque tamen  
 in cerebrum violenter resiliens, primo di-  
 sparetur, & mox membrorum, & totius corpo-  
 ris spasmos, & iactationes horrendas inducit:  
 quot ego feminas hystericas novi, quæ ex sub-  
 ita violentæ passionis occasione statim deorsum cor-  
 ruerunt, insultu proculdubio ab eclipsi facul-  
 tatum animalium incipiente? cui mox respira-  
 tio non difficilis & laboriosa, quasi a pulmone in-  
 flato, & infusio, sed illico suppressa, & pene  
 nulla cum aspectu: & aspectu cadaveroso suc-  
 cessit, dein post aliquod intervallum spasmi in  
 membris excitari, etiam viscera instar globi as-  
 cendens inflari, & præcordia immaniter agita-  
 ri ceperunt, proculdubio materis morbificæ ab  
 hysterice parte medullati, in nervorum origi-  
 nes decumbente: nec minus usitatum est (uti  
 prius ostendi) affectus paroxysmo ab imo ve-  
 tre exoriri viso) imprimis circa hypogastrium,  
 inflatione, seu molia ascendens sensu tentari,  
 quæ superius lata non nisi post aliquod spatium  
 thoracem invadens dyspnoeam, aliisque præcor-  
 dialeum pathomata inducit, quatenus abdo-  
 mine manu compresso, aut fasciâ contracto mo-  
 lia

lis ascensus inhibetur, Interdum præcaveri solent, clarissimo certe indicio, istam imi ventris molem nequaquam uti Tu supponis, a pulmone inflato procedere. Enimvero ut daretur tibi sanguinem præcordia *desiderant* irruentem eadem inflare, ac ad rigiditatem infarcire, attamen reliqua quæ huic catenæ annectis symptomata, minime cohærebunt.

2. Nam quod ad ventris globum spectat, cum interdum sine ulla dyspnœa oriatur, ac transeat ac sæpe etiam prior fuerit, certe huic causæ ascribi nequit. Usitatum est hystericas circa paroxysmi initia, postquam in ventre molem ascendentem sentiunt, adstantes alloqui, ab iis suppetias, atque ut comprimatur venter rogare, donec, affectu ad thoracem delato, cum respirationis organa laborare incipiant plerumque moles abdominis evanescit: porro quisquis molem istam cum imperu exilire & quasi aliquid fortiter arieter manum toto nixu deprimentem attollere sentiet, ipsam a visceribus propter diaphragmatis descensum conglobatis oriri nunquam putabit.

Nec minus incongruum videtur, a pulmonibus sanguine infarctis, aut motu impeditis affectiones spasmodicas in aliis partibus, aut in toto corpore excitatas deducere: Quippe adverrimus passiones istas solummodo a spirituum animalium, in cerebro aut nervoso genere scattentium irritatione procedere, atque ut plurimum aut a materia morbifica intra partes istas aggesta, aut a vellicatione insigni iisdem inflicta, pendere, quorum neutrius pulmones infarcti & immobiles facti causa esse possunt: Quæcunque enim pars per consensum partes alias in motus convulsivos rapit, necesse est ut ipsa primò convellatur; quod de pulmonibus, dum immobiles perstant, nec ipse statuis, nec fieri potest. Quod autem instas, naturam, ut præcordiis oppressis subveniat, facultatem animalem ad motus convulsivos invitare, id quidē a constanti ejus ritu & consuetudine abhorret, quam

sicubi insultu morbo, aut molestia premitur,  
 instinctu quodam quasi divino edocta angustiis  
 sese expedire, & non maioribus implicare so-  
 let. Si forsitan regeas, spasmos interdum  
~~exasperat~~ & immanis hæmorrhagis super-  
 venire, & non raro moribundis accidere: dico  
 hoc non ex naturæ invitatione, sed ex nimia  
 tum ipsius, tum facultatis animalis prostratione  
 fieri. Quippe in magnis languoribus, spiritus  
 animales plurimum distracti, aut absumpti, so-  
 litum in nervoso genere tensitatis sive irradiati-  
 onis suæ filum ac continuitatem sustinere neque-  
 unt, quare ab invicem divulsi, ac quasi in ma-  
 nipulos fracti, dum rursus aduniri quærent,  
 nixus motivos ubique divisos, & quasi per sub-  
 sultus, ineunt. At verò neque membrorum  
 nec aliorum viscerum spasmos ex molestia præ-  
 cordiis illata facile oriri, præter rationes modò  
 citatas, insuper observationes pathologicæ cla-  
 rissime evincunt. Qui asthmate, Peripneumo-  
 niâ, Anginâ, Pleuritide, horrendis aut fune-  
 stis laborant, inter diros paroxysmorum cruci-  
 atus aliarum partium motus convulsivos haud fa-  
 cile incurrunt. Memini in Adolescentula poly-  
 pum cordis post morbillos accretum, & in ar-  
 terias pneumonicas illapsum, eas fere in totum  
 (uti ex cadavere postea dissecto constabat) ob-  
 struxisse, ut hinc sanguis intra dextrum cor-  
 dis sinum aggestus, & ultra progredi non va-  
 lens, maximum illic gravamen & oppressio-  
 nem, cum respiratione difficillima, & maxime  
 laboriosa intulerit: puella autem postquam tres  
 dies continuo hujusmodi agone afflicta jacuerat,  
 facultate animali sensim fatiscente, & demum  
 attrita, expiravit, nec tamen ulla interim ab  
 hoc morbo invincibili præcordia infestante, ali-  
 arum partium symptomata quasi hysterica, aut  
 convulsiva oriebantur.

Dum hæc Typis mandarem, Filiolus Nobi-  
 lissimi Comitæ circiter decem menses natus, an-  
 tea satis sanus, eodem morbo obijt: post-  
 quam ille per quatuor aut quinque dies rufi cum  
 febricula



febricula laborasset, subito deterior factus respiratione crebra, & laboriosa, lingua licca, magna inquietudine, & jactatione totius corporis afficiebatur, quibus symptomatis fere continuo instantibus, intra biduum extinctus est. Cadavere aperto, viscera imi ventris sine culpa, Thorace inspecto, pulmones sanguine stagnante infarcti, discolors, scilicet purpurei, inque multis locis nigricantes apparebant, erant tamen abscessu, tumoribus, aut ichoris suffusione satis immunes, ut illorum affectio, febris productum, potius quam causa videretur: dum vero hanc, & lethi adeo subiti occasionem sedulo rimamur, tandem corde dissecto in sinibus ejus polypi ingentes, concretionibus adiposis similes, inque omnes artérias exporrecti, sarumque cavitates obstruentes reperiebantur. Novi insuper ante aliquot annos, paucum alium triennalem propter eandem causam morbiicam subito, ac fere improvise diem obiisse. Quia etiam suspicari fas sit, plurimum aliorum morbos, aut mortes vulgo dentitioni, aut lumbricis imputari solitas, a tali cordis affectione procedere, in cujus naturam, causas, & curationem non otium erit nunc inquirere: attamen observare est in hujusmodi casibus, naturam circa præcordia, gravissime licet affictam, non propterea functionem animalem ad motus convulsivos invitasse. In promptu hic esset (Vir Doctissime) plures adhuc rationes, & argumenta proferre, quæ hypothesein vestram plane erroneam esse demonstrent. Sed tam facili nodo melioribus cuneis non opus est, nec majore machinarum apparatu structura oppugnanda est, quæ concussis fundamentis, & compagibus solutis, sponte corruit. Itaque receptui canam, & responsiones tuas, & objectiones contra me intortas, jam proxime discutiam.

Cum obieceram ego in hystericis frigidis, atque etiam pica, & malacia affectis, sanguinem utpote effortum, & stagnare aptum, tam immodice in pulmonibus ebullire non posse, sine



sine aliquibus effervescentiis, notis alibi conspi-  
 cuit. Regeris Tu, sanguinis incursum, & in-  
 fectum in pulmones, non à frigiditate, nec Resp. P. 21  
 calore solummodo dependere, sed à fermenta-  
 tione, ex salum diversarum naturarum commistio-  
 ne, mutuæque pugna, sine caloris aut frigoris  
 excessu; & rursum à succis elasticis & fer-  
 mentisibilibus sanguini communicatis, æstum  
 & motum inordinatum, & quasi ebullitionem  
 excitari, sine calore aliquo eminenti præ-  
 eunte. Quamquam hic satis esset Te Tibimet-  
 ipsi in sequenti pagina contradicentem oppo-  
 nere, ubi dicitur periculis morbositas elasticas  
 in cordis ventriculo quasi accensas, in pulmo-  
 nes explodi, (cujusmodi certe causa fulminans  
 absque calore satis intenso intelligi nequit.) Pag. 41  
 ut tamen aliunde etiam appareat, quam suspec-  
 ta nobis esse debeat tua ratiocinatio, sponte  
 concedes (opior) sanguinem fermentescen-  
 tem, & cum ebullitione, ac æstu (uti prius  
 denotavi) in pulmones inuentem, pervenire il-  
 lūc omnino non posse, nisi dextere cordis  
 sinus, quo ipsum rapidius transmittat, crebris  
 ac fortius vibret. Quod si fiat, an non eodem  
 tempore, & pari passu etiam sinister cordis si-  
 nus, æque crebro ac fortius vibrans, sangui-  
 nem in totum corpus cum pulsu vehementi &  
 calore ducto ejiciet? Animadverti perperua obser-  
 vatione constare, quodcumque pulsus sit cre-  
 ber & vehemens, calorem intendi. (cujus ra-  
 tionem postea subdemus.) Quare cum necessum  
 fuit, Te hujusmodi pulsus pro subito pulmonum  
 infarctu supponere, hæud rectè incalescentiam  
 exclusisti. Nec quicquam pro Te facit, quod  
 nonnunquam in febribus anomalia aliisque mor-  
 bis calor internus magis urgeat, dum extrema  
 frigent; id enim sanguini dum libere intra vasa  
 circulat, ascribi non debet, verum aut ob viscera,  
 (vel membranas) torrefacta, phlegmone ob-  
 fessa, & non raris bile aut humore acri suffusa  
 accidit, aut quoniam cor debile & elanguescens  
 sanguinem æstuantem à se longius propellere  
 nequit. Quod

Quod spectat ad Sales diversæ naturæ & fermentiscibiles, à quibus sanguini communis, æstum & ebullitionem ejus excitari putas, declarasse oportuit, quo transitu, & per quos ductus in sanguinem feruntur, an per vasa chylifera, aut per venarum oscula excipiantur; utrovis modo aut vis elastica infringetur, aut particule fermentiscibiles ab invicem dividuntur, priusquam ad pulmones perveniunt: Porro (quod ad rem præsentem haud parum pertinet) cur locum non assignasti ubi sanguis, insiliente paroxysmo hysterico, ebullire incipit? utrum ante cordis ingressionem, vel intra ejus sinum, vel in ipsis pulmonibus? certè nulli horum Pathologium tuum accommodare poteris.

Quod asseris ob ~~exangues~~ exangues sanguinem fluxilem, elasticum, ideoque movere, ac in fermentatione immodicè concitari promptiorem, habere, à vero maximè alienum videtur. Quippe observatione vulgari constat, earum sanguinem maximè aquosum, & particulis activis adeo destitutum esse, ut calori vitali per totum corpus diffundendo vix sufficiat. Quare pro his curandis, medicamenta quæ sanguinis fermentationem promovere, ac adaugent, uti salina & sulphurea, ac imprimis chalybeata exhibemus, quæ certè sanguini ex se nimium fermentiscibili valde officerent. Nec minus aberras asserendo tales anhelosas fieri propter copiam sanguinis in pulmones infarctam: Hoc enim si ita se haberet, copiosa sanguinis missio iis emolumento esset, cujus contrarium semper experimur: quænam sanus quispiam & robustus, post ingentem hæmorrhagiam, statim anhelosus evadit, indicio quidem certissimo, hunc affectum non à sanguinis copia procedere, sedè contra symptomatis hujus causa in eo potius consistere videtur, quod sanguis depauperatus & proinde copia imminutus non facillè rarefieri, aut sponte turgescere aptus existit, quin gravis, & segnis, merè cordis & partium

partium impellentium operâ circumducitur: hinc à motu aut exercitio corporis, cum membrorum musculi agitati vasa comprimunt, adeoq; sanguinem versus Præcordia paulò citatius impellunt, iste ponderosus, ac hebes è cordis sinubus, ubi plus solito aggeritur, non ita promptè exilit: quapropter & cor ipsum, simulque respirationis organa nixibus creberrimis adnuntur, ut lacum hunc semi-mortuum sine stagnationis periculo per pulmones traducant.

Quod circa *peripneumoniam* replicas, contra te facit; quoniam ut nodum istum solveres, sanguinem hystericum, quem immodicè ebullire supposueras, usque intra *vasa pneumonica* continere cogeris, unde hypothesis tua difficultate majori premitur: quippe si ipsum, aut serosam ejus partem ibidem extravasari sineres, exinde pulmonum infarctio minus improbabili videretur.

\* Sanguinem cerevisiæ novellæ lagenis inclu- Pag. 5:  
\* sa conterens, proximali fere verbis particulas  
\* ejus in corde accendi, ac in pulmones exilire  
\* statuis: Quod si verum esset, quid ad rem  
tuam faciat non video, nisi ebullitio sanguinis ad  
paroxysmum hystericum à Te requisita univer-  
salis foret, ipsique à frigore incipienti, mox,  
febris intermittens ritu, calor intensus succe-  
deret, cujusmodi omnes affectus superius à Pa-  
thologia tua penitus exemisti,

Nec minus à proposito est, quod \* sangui- Pag. 6.  
\* nem aequè ac succum (uti ais) merum nutri-  
\* tium (puto velles nervosum) in motus vio-  
\* lentos explodi posse contendis: quippe nullam  
ego latici huic vim elasticam, sed solummodo  
irritativam, assignavi. Ipsi sunt spiritus ani-  
males, quibus succus ille tantum pro vehiculo  
est, qui impetus motivos, seu potius explosi-  
vos, à sanguine quantumvis effervescente, in-  
imitabiles exerunt.

\* Ad Hystericarum experientiam provocasti,  
\* utrum in ipsarum paroxysmis præcordiorum  
affectus primarii non sint, atque præcedant  
reliqua

reliqua symptomata? Quæ si fortè se aliis in locis primo convelli fateantur. Tu interim (provisio ante subterfugio) securus respondes, in hoc casu morborum complicationem adesse. & affectum hystericum cum spasmo uniri. Quæcunque adeo hystericiis accidunt, si tuæ non quadrant hypothesi, sub novo morbi genere collocanda sunt, non amplius hysterica, sed convulsiva appellanda: Sed neque licebit surus es (*Vir Doctissime*) Nam ex illis pathematibus, quæ hysteriæ classi pathologia tuæ non satis caute accensuit, sc. cordis anxietas, palpitatio, pulsus frequentia, anhelus gravis, suspiria alta, & similia, ex his inquam pleraque ad nervosum genus præcipue spectant, & merito convulsiva habentur, prout ex sequenti experimento colligere licebit, nempe si in vivo quopiam animali nervorum (sc. pars vagi ac intercostalis, ad præcordia pertinentium, truncos digaveris, statim prædicti affectus cum dyspnoea & suffocationis sensu, quin & aliis symptomata, insultus hysterici Typum imitantis oriuntur. Gloriam in abdomine alendum, a septi depressione non procedere arguebam, ex eo quod in paroxysmo sensum hanc semper versus interiora deprimitur, sed convulsio interdum versus superiora contingit, ac pulmones sursum impellens, Thoracis systolen violentam, & diutius quam par sit protractam, inducit. Argumentum hoc cum diluere nequeas, quo melius saltem eludas, occasionem arripis me convitio quodam insectandi propter diaphragmatis motum minus rectè (ut innuis) à me expositum, nempe quod in affectibus spasmodicis, systolen eius versus superiora, & Diastolen versus inferiora contrahere posse affirmarim: hic genuinum dentem infigens, simul illudis, & quantum in Te est acriter mordens, nostramque incitiam videris tibi eo falsius irrisisse: ubi ignorantiam tuam tam libere prosteris: in omni motu (*inquas*) est pars mobilis, & altera immobilis, nullaque sit alicujus contractio nisi pars

pars mobilis ad immobilem trahatur. [Quam  
 egregie, & xolomanice huc, mox ostendetur.]  
 Septum autem (vis) infinite thoracis parti,  
 tanquam ad immobilem affixum, ipsum autem  
 in omnibus suis partibus mobile, & quid  
 costis quasi appensum est: cum vero contra-  
 huntur fibræ, totum ad partem fixam attra-  
 hitur, ac censum magis, ad inferiorem costarum  
 finem deprimitur, ultra vero metam istam  
 transire nequit, &c. Quomodo igitur (*Diffi-*  
*cultas Viri*) ut *glitta* *Exhalationis* *nam*, globi  
 ascensum efficiat, ad inferiora se contrahit, ac se  
 in abdominis cavitatem qualibet contractione  
 altius deprimit, prout asseruisti, *Exhalat* p.  
 392. Natus contra inferiorem costarum finem, quo  
 quidem in omni systole desertur, transire ne-  
 quit, cetero in abdominis cavitatem, ut contenta  
 ejus depellat, se minime deprimit. Ne quid  
 non dicas contra meam hypothesein, hic plane  
 everristi tuam.

Verum ut ad summum controversie revertar,  
 vocabula huc *Systole* & *Diastole*, neque ad *di-*  
*aphragma* per se, nec propriè ad Cor, cum sit  
 musculi, pertinent, ac tamè usque apud omnes  
 Anatomicos obtinente, ad respirationis organa,  
 quæ talia, applicata, Thoracis ampliationem,  
 & constrictionem denotant: cum autem reci-  
 procos hosce pectoris sitas diaphragma, non  
 tantum exactè observat, sed ad eos excitandos,  
 aut cooperatur, aut ad coagendum rapitur,  
 eoquid absurdè implicat eundem quæ totius pe-  
 ctoris est, etiam diaphragmatis *Systole* appel-  
 lare? idque potius, quoniam in pectoris mo-  
 tibus violentis septum a motu proprio squa-  
 bili abreptum, aliorum musculorum, aut visc-  
 erum spasmis, aut impulsibus, ultra solitas me-  
 tas huc illuc contrahitur, aut abripitur: quod  
 sane in quopiam animalis, vivificationis tora-  
 ram diutius passio, aut altius moribundo, cum  
 respiratio languida aut inordinate peragitur,  
 oculis discernere licebit: Etenim vero ab inspi-  
 ratione vehementi, ac diutius protracta, quæ  
 subinde

subinde in moribundis contingit, Diaphragma primò cum fibris abbreviatis stringi, ac ad planum reduci, dein ultra hoc cum iisdem fibris magis usque ac magis extentis deprimi, ac versus insectina valde convexum fieri observamus. Cujusmodi septi motum, à pulmone longius inspirante, quid ni *Diastolen* ejus appellemus? Deinde verò, ut pulmones ab aere ita distenti, ad expirandum reduci possint, Septum versus superiora contrahi, & cum fibris contractis primò ad planum, dein ultra illud, cum iisdem relaxatis, in concavum referri videbimus: atq; ad hunc modum diaphragma pro inspiratione (qualis tunc regulitur) intensiore, sæpius distendi ac deprimi, ac dein pro expiratione fursum contrahi ac elevari, sensu percipiemus: Unde minus admirari subest, quod Arantius se in equa & visu & tactu observasse ait, diaphragma in expiratione constringi: & quidem in affectibus Thoracis convulsivis, septum utroque modo, sc. modò fursum modò deorsum inordinatè convelli, aut corripì observationes pathologicae extra dubium ponunt. Nam ut nihil dicam de Asthmate, Tussi ac Risu spasmodicis, nec ut historias à me olim annotatas, aliasque plures quæ quotidie eveniunt recolam, puellæ cujusdam, dum hæc scriberem, & alterius olim à me, curatæ, quæ latratu quasi canino afficiebantur, casus oppidò raros inferius subjiciam.

Quod autem statuis à diaphragmatis, aut pulmonum ascensu neque dyspnoeam, nec cordis oppressionem induci, & rationi, & communi omnium observationi repugnat: Nam in pectoris systole violenta, & diutius protracta, sequè ac in tali ejus diastole laborantes de suffocationis metu, etiam de cordis gravamine, & oppressionem magnâ, passim queri advertimus: nec mirum, quia præcordia, si quando aer inspirari, non minus quàm cum expirari nequit, pariter rigida, ac serè immobilia facta, sanguinem è corde non facillè exantlant, aut circulandum trajiciunt.

Ubi



Ubi nunc triumphus iste, quem ita fastuosè in septilogiam nostram egisti? Te sane ab hoc temperasse oportuit, donec quæ ad motum musculorum, septi fabricam, & actionem spectant, quorum nulla adhuc intellexisse videris, rectius didicisses. Clarissimus *Stemon* jamdudum questus erat, vix quidquam rectè in libris Anatomicorum, de vera diaphragmatis figurâ, & usu traditum fuisse. Expectandum erat, quod Tu celeberrimus Anatomicus culpam hanc (quam etiam mihi imputas) ipse aut olim, aut nunc demum exemisses; quantum verò ab hoc defeceris ex sequentibus patebit.

\* In omni motu (diciis) esse partem mobilem  
 \* atque partem immobilem, quibus termini finarum utrique figuntur, atque partem mobilem ad immobilem trahunt. Vellem exposueris quomodo hæc *Cordi* musculorum principi, aut intermediis septi carnibus applicari possint. Porro si musculorum quorumvis aliorum motus per vivisectiones examinaveras, prorsus contrarium vidisses. Enimverò fibræ carneæ, quæ tantum sunt motrices, neque versus partem mobilem, neque etiam immobilem trahunt, verum ab utraque recedentes, in sese, sc. ab utrisque ipsarum finibus, versus spatia intermedia feruntur. Quod igitur ita Dogmaticè, & tanquam ex Tripode pronuntias, \* Nullam fieri Attractionem, nisi ad partem immobilem, omnino falsum esse, *Averroës* pater. Quippe motus omnis muscularis, & \* principium & terminus ad quem, in ipsius medio, nempe in fibris carneis & plerumque in mediis ipsarum partibus consistit; Hæ namque spirituum ab utroque tendine accitorum incurfibus inflatæ, & utrinque aded in spatia breviora adactæ, simul intumescunt, & decurantur, quapropter dum undequaque trahunt, partem sequi habiliorem, quæ modò hic Tendo est, modò iste, & non raro alteruter vicissim, cum parte appensa versus se ducunt.

Cæterum



Ceterum si nulla sit attractio nisi ad partem immobilem, edicas velim, quomodo animal se totum movere & penitus de solo sublevare possit: quippe motus totius, sequitur motus singularum partium motricium. Quamobrem si tantum una versus aliam trahi, & non virtute quadam elastica, se totas efferre, & elevare queant, fateor me non intelligere quâ ratione, & quibus præterea Technis, Animal se totum humo attollere, & huc illuc proflire valeat. In mechanicis observamus, machinas elatere dentatas, uti sunt Peristochium, Horologia ponderibus actvata, & similia, meris tractionibus nihil admirandum præstare, quin & motore extrinseco semper indigere: Vtrum Automata, quæ sponte partes suas huc illuc proferre, & non raro se tota proripere, & exilire solent, præter contractionum motus, organa quædam elastica aut explosiva, à quibus attractiones omnes dependent, necessario requirunt. Pariter quoad functionem motivam Animalem, ex eo quod vivencia, interno motus principio donata, non solum progredi, at se tota efferre, ac ad distans proflire valent, arguere licebit, ad partes motrices actuandas, nixus expansivos, sive explosiones quædam exigi, & non meras contractiones sufficere.

Pag. 1.

Porro quod asseris, utrosque fibrarum terminos parti immobili figi, atque septi fibras non nisi ad partem immobilem, sc. ad costas aut infimum thoracis terminum attrahere, nullatenus verum est: quia fibræ motrices, quæ sc. contrahi ac abbreviari aptæ, solummodo sunt carnes, raro admodum immediate, sed sæpissimè tendinum, aut membranarum interventu, parti immobili figuntur, quod etiam Ingeniosissimus *Stenus* de *Septo* jampridem observavit, ejus nempe carnes posteriores membranarum & non fibrarum interventu, reliquis adherere denotans, in quantum tota, radios ejus inter & costas intercepta, Peripheriæ portio, si pleuram separaveris & peritonæum, omnino

\* omnino libera sit conspicienda, *Lib. De Musc. pag. 9.* Hoc cuivis septi fabricam intuenti, e-  
jusque in zootomiis motum observanti primo  
aspectu apparebit: nempe quod cùm musculo  
huic composito plures insint fibrarum carnea-  
rum series, harum duæ interiores ex utroque  
œsophagi transeuntis latere consitæ, nulla ex  
parte qua carnes sunt, infimum thoracis termi-  
num attingunt; insuper dum in motu sunt,  
non ad ipsum, velut partem immobilem con-  
trahuntur, sed in sese, nempe versus medium,  
in utroque fine contractæ, breviores, simulque  
tumidiores evadunt, proindeque ad musculi a-  
am, velut *Tympani velum*, arctius stringendam  
conducunt. Ex his planè constat ( *Vir Egre-  
gie* ) Te musculi motum, nec non \* *Diaphrag-  
\* matis conformationem & usum*, in quibus  
me erudiendum suscipis, nondum didicisse.

Insuper hinc colligitur, quàm invalidè ex  
eodem falso supposito circa \* *membrantarum*  
\* *motus contra me arguis*; namque viscerum  
\* *abdominis, intestinorum, & mesenterii mo-*  
\* *tus, tantùm contractiones esse, quas ad cen-*  
\* *trum immobile, nempe ad dorsum, tui affi-*  
\* *guntur, fieri contendis*: itaque supponere  
videris spiritus motores juxta extremitates fi-  
brarum confitos, ipsas, quasi toridem funes,  
versus se convellere; adeoque partem moven-  
dam cui appenduntur attrahere; aut si spiritus  
intra ipsas fibras scatere suas, illis solummodò  
depressionis, sive ad centrum tendentiæ, &  
non omnino expansionis motum concedes:  
quod quomodo illorum, quos postea *igniculos*  
*spirituales*, ac *atheres* vocas, naturæ congruat,  
fateor me non intelligere: Verùm enimvero  
è contra statuendum erit, *spiritus motores*, cùm  
non sint \* *organici*, nullam tractionem per se  
\* *efficere*; verùm in membranis, non secus  
ac in musculis fibrarum nixus motivos, omni-  
no à spirituum illos subeuntium expansione  
quadam procedere.

De *Membrantarum motu* alibi spectatim  
dicemus,

dicemus : in præsentiarum verò advertimus , istorum fibras, non uti musculares, duplicis esse generis, sc. partim carneas, & partim tendineas, sed per totum homogeneas, & texturæ ab utrisque illis nonnihil diversæ. Porro fibræ membranaceæ non semper rectæ, ut parallelæ incedunt, sed plerunque aut radiosæ sunt, aut spirales sive tortuosæ; cæterum non unicâ serie, sed duplici, & non rarò triplici disponuntur, quæ multifariam tendentes, se variè intercussant,

Ex hujusmodi fibrarum in membranis apparatu, varii illarum usus & officia designari possunt. Primò enim, multiplici serie disponuntur, quia motus diversi generis, sc. modò sursum, modò deorsum, modò contractionis, modò expansionis, eadem membrana obire debet. Secundò, Fibræ istæ per totum sunt homogeneæ, quoniam omnes ubique pariter sunt motrices; ut non opus sit, spiritus motores recondi, seu asservari in una parte, unde profluentes expatiari seu explodi possint in alia, quamobrem & visceris membranacei motus non ita subitò ac simul in toto peragi, sed à parte in partem successivè trahi solet. Ultimò, Visceris cujusque cavi fibræ ideo sunt spirales sive tortuosæ, ut dum paulatim contrahuntur, intestina cava, velut manicam colatoriam intorquendo, constringant, adeoque ipsorum contenta, à parte in partem lentè promoveant.

Enimverò juxta solennem naturæ ritum, spiritus animales intra prædictas fibras blandè scatentes, lenes aut contractionum aut vermiculationum motus ferè constanter obeunt, sin verò iidem spiritus plurimùm incitati, in fibras istas adpressi, aut tumultuariè insiliunt, ita ut densius aggesti, statim progredi, & pertransire nequeant, eas valdè distendunt, à se mutuo divellant, proindeque membranas quibus intextuntur dilatant, quin & ipsas, quasi à vento concluso inflatas, attolli & antèrius propelli

pellī faciunt : hinc ut mesenterii plicæ, à spiricibus elasticis agitatæ, extumescant, immo & cum subsultibus exilire, ac intra abdomen arietare videantur : nec minùs ventriculi, ac intestinorum tunicæ à spiritibus eo ritu expansis, ac impetum facientibus elatæ, in varias distentiones, ac inflationes urgeri solent, ac ita potius si juxta utramque visceris cavi extremitatem, spasmus inceptus simul utriusque generis fibras, se mutuo intercussantes occupabit : tunc enim propter ipsas adedò utrinque inflatas, & ab invicem divulsas, necesse erit membranas cavitatem, secundùm omnes suas partes exterius propulsam extumescere.

Quod autem objicitur, spiritus perturbatos, membranarum sæpe corrugationes & contractiones violentas, potius quàm distentiones inferre, quod equidem molestiæ sensus plane indicat : Dico horum utrumque interdum accidere, sed cum manifesto discrimine, cumque diverso affectu : nimirum in passionibus dolorificis, cum spiritus percussī fugantur, ac subito versus fibrarum principia resilire cogantur, ipsas ideo fibras corrugari, atque viscera cum doloris sensu contrahi faciunt : è contra autem, in affectionibus spasmodicis, ubi spiritus velut cæstro perciti aut explosi, in fibras motrices impetuosè irruunt, ipsasque adeo immaniter inflant, aut distendunt, viscerum intumescationes aut subsultus inducuntur. Propter hujusmodi subitos & violentos spirituum insultus, aut recessus, etsi membranas tendinibus careant, adsunt tamen iis plexus nervei hic illic passim dispositi, qui satis idonea spirituum promptuaria existunt, è quibus nempe dum spiritus inordinatè in fibras motrices prosiliunt, affectus convulsivi, dumque ex his in istos tumultuariè resiliunt, dolorifici inferri videntur.

Et quidem viscera membranacea præternaturaliter affecta, non solum contrahi & corrugari, sed interdum immaniter distendi, ad instar

vesicæ inflatæ extumescere, adhuc clariùs per observationes pathologicas, quæ infra subduntur, evincemus.

Pag. 8.

Quod itaque spectat ad Argumentum Tuum Herculeum, cujus unico velut ictu Te hypothesein nostram prorsus dejecisse consideras, quàm faciliè ad nihilum decidit? Nam quod assumpseras, tantùm duas motuum differentias in fibris omnibus esse, sc. contractionem & relaxationem, verum non esse vel ipse fateberis; e. g. Cum ventriculi parietes, sive à vapore intus concluso, & magis magisque rarefacto, sive ab aliâ causâ plurimùm inflari, ac ita ut totum attollatur epigastrium, intumescere advertis, utrum hîc fibras motrices contrahi, aut relaxari dices? Non prius, quia longiores evadunt; non alterum, quia in maximam tensitatem urgentur: Quin verò planè constat hic fibras plurimùm distendi, ab invicem divelli, totumque proinde viscus in majorem capacitatem ampliari, sive expandi. Porro cum

Exerc. pag.  
9.

Diaphragma, ne suo deesse officio videatur, fibras suas vehementiùs ac creberrimè stringere, & se in abdominis cavitatem qualibet contractione altius deprimere sinxeras: An commentitium hunc septi motum Tuum, ejus contractionem, aut relaxationem appellabis? Certè hic patellæ Tuæ operculum nimis angustum sinxisti: quippe nec relaxari hic septum dicas, quia motu contrario urgetur, nec etiam contrahi, quia si qualibet strictione, altius ac altius deprimitur, tandem fibræ ejus ultra solitam tensitatem depressæ, & versùs abdomen convexæ, longiores evadent.

Sed forsitan inquires, hos fibrarum motus præternaturales, & violentos esse; quinetiam, ita sunt illarum, dum spasmodicè afficiuntur: & quidem si fibris violenter distentis, ac in majorem amplitudinem dilatatis, illico spirituum incolarum major expansio, & velut rarefactio obsequitur, quid ni etiam spiritibus à causâ morbifica expansis, & velut explosio-

ne quadam rarefactis, etiam fibrarum dilatatio siue extensio succedat? Enimverò motus animales tum naturales tum præternaturales, respectu spirituum agentium, potius quàm fibrarum patientium habito, determinare oportet, atque illo respectu dicantur omnes esse spirituum aut excursus siue emanationes, aut recessus, à priori corporis motivi tum contractio tum extensio sæpe procedunt, a posteriori autem ejusdem relaxatio.

Hæc uti clarissimè in perfectiorum Animalium *Αυτοπλάσις*, ita non multum obscure etiam in motibus imperfectiorum, sc. vermium, aliorumque reptilium cernuntur. Quæ licet se tota simul efferre, & loco movere nequeant, tamen partes unà plures, non modò contrahunt, & relaxant, verùm & procul emittunt atque longè extendunt, etenim observare est, de Hirudinibus & Lumbricis, quòd dum progrediuntur, anteriora corporis prius contracta educunt, eademque interdum summè extensa de plano elevant & longissimè exporrigunt. Cujusmodi certè motus non est relaxatio, quia cum maximo nixu & tensitate peragitur, nec quidem est contractio ad partem immobilem, quin potius ab illa discessus est, & corporis extensi elongatio, quæ reverà propter contractionem postea habendam instituitur, nempe ut capite ad solidum affixo, posteriora corporis versùs ipsum ducantur.

Argumentum Tuum à levamine, quod ex sanguinis missione, hystericis nempe, contingere asseris, petitur, & ita crebrò inculcatum, nihilo felicius succedet. Nam ingenuè profiteor, mihi phlebotomiam in hystericis sæpius experto, successum istum, tam confidenter à Te promissum, defuisse. Urgente paroxysmo, haud minùs quàm instante febris crisi, sanguinis missio rarò indicatur: quippe natura cum hoste suo acriter decertans, quo minùs perturbatur, & citiùs, & meliùs se expedire solet. Semel cum accessio hystERICA diu-

Pag. 13:

ius perdurasset, memini me venam incidisse, è cuius orificio satis largo sanguis effluxit, non tenuis & flatulentus, sed crassus, & antequam frigeret, in pelvi crescens, nec tamen paroxysmus illico transiit, aut serenitas universalis, quam ita gloriòse spondes, omnino inducta est. Ex hoc remedio, si juvamen aliquod contigerat, aut fortan aliquando continget, quid ni materiam morbificam, à cerebro, aut ab origine nervosa per phlebotomiam evocando, interdum in hoc morbo, prout in *dow's* & epilepsia assolet, profuisse dicatur? Extra paroxysmum, multis hysteris sanguinem detraxi, at solummodò præcavendi gratiâ, ne sæculentus iste, & nimium turgescens materiam spasmodicam cerebro, & nervoso generi suffundat, at nihil interim minus metuens, quàm pulmonum ab incurso ejus subitò infarctum. Denique quamvis hoc remedium aliquibus temperamenti calidioris, non rarè emolumento fuit, ex eo tamen non in omnibus æquè, nec constanter ullis juvamen expectare licuit, quin frigidis, hydropicis, & valde cacochymicis fere semper nocuit. Plures ego novi invaletudinarias, quæ cum affectibus hysteris primò tantum levius, & rariùs obnoxie fuerint, post copiosas aut phlebotomias aut hæmorrhagias spontaneas, statim istius morbi paroxysmis gravioribus & crebrioribus infestari cœperunt.

Quæ fuerat nostra sententia de liquore cerebri & appendicem nervosam ifrigante, aut non satis intelligis, aut nimis callidè dissimulas, eumque prorsus alium quàm ego statueram finxisti: Quippe liquorem istum cum succo nutricao confundis, quem ego semper à nervoso distinguens, omnino per arterias deferri asserueram. Quare quod objicis contra 'doctrinam istam novam, de succo nutricao per nervos distribuendo, & cruoris oceanum, quasi 'magnificam & opulentam penum, invisibili 'nervorum vectigali, & copie umbratili, 'qua



'qua partes nutriuntur & crescunt, præfers  
 priorius nostram extra causam est. Proximo lo-  
 co pariter *Aspazysis*, larvamque umbratilem  
 ipse erigis, quam facilius deficias, ubi me-  
 dicentem introducis, impetum & explosionem  
 'non à leniore illo invisibili succo nutricao Pag. 13  
 'solum, sed præcipuè à partium heteroge-  
 'nearum cum illo commissione, & elisione  
 'violenta dependere. Quæ verba à me nul-  
 libi dicta, à te autem excogitata, nihil miror  
 si improbabilia esse facile ostenderis. Objicis  
 motus convulsivos interdum ab irritatione so-  
 lum, ut in nervi punctura, lumbricis, &c.  
 excitari posse, ergo non opus esse alterius  
 cooperantis, sc. copulæ heterogenæ: Dico  
 in ejusmodi casibus, ubi causa evidens for-  
 tis motum convulsivum per se excitat, al-  
 terum cooperantem nec requiri, nec sem-  
 per adesse, sed cum sine illo, spasmi im-  
 manes, non raro statim temporibus & juxta  
 peculiare symptomatum typos oriuntur, aut  
 à copula elastica, aut malo quodam Dæmo-  
 ne eos induci fateberis. Olim hanc objecti-  
 onem præoccupans, ostendi sub quo discrimi-  
 mine causa evidens solitaria, & quo ritu,  
 cum, vel sine hac, causa procatactica affe-  
 ctiones spasmodicas excitare solet. Tu planè  
 hic nodum prius solutum nectis, & denuò  
 solvendum opponis.

Verùm insuper contra succi nervosi existen-  
 tiam arguens dicis, 'spiritus animales tali Pag. 16.  
 'latice in quo fundentur non indigere, quia  
 'nimirum sunt igniculi spiritalis, subtiliores  
 'multò, magisque Ætherei, quàm ut liquore  
 'aliquo implicari possint: quinimò sicut lux,  
 'æther, ventus, aut flatus in nullo latice fun-  
 'dantur: Dico hanc ipsam ob causam, quia  
 spiritus animales adeò subtiles sunt, idcirco  
 latice, seu vehiculo, in quo subsistant, potissi-  
 mum egere. Secus enim quòd possibile est eos  
 ita æthereos, & avolare aptos, intra corpus ubiq;  
 pervium, & poris innumeris apertum manere,

quin citò erumpentes, tenues evanescerent in auras? Spiritus vini summè rectificatus de vase in vas, quin serè dispereat, transfundi nequit, ex eodem vase cui includitur, nisi firmè obturato, erumpit, & brevi totus evaporat: Quare ut spiritus animales, animæ corporeæ hypostasim constituentes, intra corpus animatum subsistent, & operentur, eos vinculo quodam frui, seu potius vehiculo aquoso dilui oportet.

Ultimò quod instas, Te non videre quomodo spiritus explosione jam factâ ad animi nutum in instanti revocari possint: si explosionem spasmodicam hic intelligis, fateor quidem nec me hoc videre, quoniam spiritus cum explodi incipiunt, non in instanti, immo non nisi post aliquot horas ac interdum dies, ad animæ nutum revocari solent, quin invitis omnibus, & voluntatis & naturæ dictatis, inordinationes suas contineant, aut subinde repetere coguntur, donec materia penitus elisa, plurimi spiritus absumentur, in quorum loca è promptuariis passim constitis novæ statim copias eliciuntur: Quòd si de spiritibus pro motu regulari explosis hoc dubium proponis, inferius, ubi de functione motiva animali agemus, solum habebis.

Pat. 8.

Jamque affectuum, qui dicuntur Hysterici, Pathologia spasmodica, contra responsiones, objectionesque Tuas omnes, vindicata, ut doctrinæ hujus veritas, quæ satis ad aliorum, adhuc clariùs ad Tui intelligentiam luceat, ejus illustrandæ gratia, libet hic, coronidis loco, Historias quasdam, & Observationes pathologicas subungere: Atque imprimis ut contra Te appareat, Diaphragma nonnunquam in paroxysmis convulsivis sursum rapi, & propter violentam pectoris systolen, diutius protractam, aut crebriùs iteratam, à libero descensu inhiberi. Illud casus sequentes oppidò rari, planè ostendunt.

Virgo in ætate 15. annorum fluxu &c

& *ἰσχυρὰ* convulsionibus admirandis laborans, sub cura nostra, dum hæc scriberem, tenebatur. Hæc à mensibus diu suppressis malè habebas, primò de crebra vertigine, item de inflatione circa ventriculum & hypochondria, conquesta, ad motum quemvis anhelata, & *δυσπνοία* evasit: postea in hypochondriis subsultus, & laterum versus superiora contractiones, cum respiratione difficili, infestantes, perpessa erat. tandem huiusmodi paroxysmis ingravescentibus, illa expirare sæpius, ac longius quam inspirare potuit; coacta, sonitum stridulum, & acutum, latratui canino simillimum edere, & subinde crebrò iterare solebat: hinc ut parentes & amici, eam veneficio læsam suspicarentur: At verò timor iste intra paucos dies evanuit; quæ morbus se latius explicans, speciem planè hysterica induebat, nam præter hypochondriorum subsultus, & pulmonum quasi latratus, qui ipsam ferè continuò exercebant, bis aut ter in die, in paroxysmos quasi uterinos incidebat; sc. post molis in abdomine ascensum, suffocatio cum respiratione impedita, dein *δυσπνοία*, ac ultimò membrorum spasmus oriebantur: Unde concludere licebat symptomata hæc omnia convulsiva fuisse, atque materiam morbificam ab *ἰσχυρὰ* in nervos delapsam, ab initio tantum eos, qui Thoracis systoli efficiendæ inserviunt, occupasse; quare muscoli Abdominis aliiq; cooperatores spasmodicè affecti, dum sursum convellerentur, & septum, & pulmones unà corripuere, adeoque propter subitam & violentam pectoris systolen, ejulatio istæc, quasi latrantis edebatur: postea cum plures alii nervi eadem labe afficerentur, spasmus graviores, in plerisque totius corporis partibus, quales sunt qui hysterici perhibentur, succedere. Puella hæc remediis Antispasmodicis juxta methodum nostram utens, intra duas septimanas multò melius habuit, & jam vix mense elapso, planè convalescit.

Antè biennium, Virgo alia 12 annos nata

latratu simili, sed crebriori acutiorique labrans, mihi curanda tradebatur : Hæc plures quotidie paroxysmos habuit, in quibus per horæ semissem & amplius *ιμωσιν* vehementem, & solito crebriorem obire coacta, quaque vice ejulatum valdè stridulum gannitui similem edebat ; interim de gravi dispnoea, & cordis oppressione maxima, quasi deliquio jamjam imminente conquesta, paroxysmo dein sensim transeunte, duarum aut trium horarum intervallis mediocriter habere solebat ; alio mox & subinde aliis latratus paroxysmis ordine succedentibus. Postquam remedia antispasmodica per unam aut alteram septimanam huic exhibueram, latratus omnino cessabat ; attamen paroxysmi convulsivi, & quasi hysterici tum in visceribus, tum in capite & in membris succedentes ipsam quotidie semel aut bis affligebant : ejusmodi verò medicamentis, addito crebro epispasticorum usu, diutius assumptis, intra sesquimensē perfecte convaluit, & etiamnum integrè valet. Profectò in his casibus, aut pectoris systolen violentam, cumque septo & pulmonibus sursum correptis, & non rarò aliquandiu suspensis, accidere concedes, aut symptomata istæ Dæmonis cujusdam præstigiis ascribere induceris.

Quod autem spectat ad globi in abdomine ascensum, crebrosque ibidem, aut subsultus, aut inflationes, facile hic esset historias & instantias medicas, quæ pathemata istæ omnino esse convulsiva, atque viscera affecta extumescere, ac inflari potius quam contrahi ostenderent, quamplurimas proferre. Ne tædio fuerim, tantum pauciores quasdam selectas hic breviter annotabo.

Olim pro femina Illustri quinquagenaria consulebar, quæ à frigore suscepto, circa imum dorsi ejusque viciniam, paralyti spuria, cum musculorum spasmis, quasi intertextis afficiebatur ; nempe illic loci, stupor & formicationis sensus, quasi in artubus incubatis, continuò infesta-

infestabant; cæterum aut contractiones dolorificæ, aut subsultus aut inflationes subinde oriri, & illinc in coxas & crura excurrere solebant, ita ut juxta partes istas, modò aliquid convelli aut corrugari, modò exilire, modò huc illuc instar vivi animalis prorepere, atque toto tractu carnes quasi Tetano affectas extendere videretur. Hic morbus, non obstante remediorum cujusque serè generis usu, indies ingravescebat, demum ut spasmi circa lumbos incepti, haud tantùm in musculos crurales, sed etiam in viscera abdominis translati, crebros in imo ventre subsultus, inflationes & extumescencias quasi hystericas producerent: quod proculdubio evenit propter eandem causam morbificam à nervis lumbaribus ad intercostales, cum quibus communicant, & exinde in plexus mesentericos propagaram: Nam sicut materies spasmodica primò circa spinalis medullæ finem, & nervorum cruralium origines defixa, ibidemque spiritibus accrescens, musculis omnibus, ad quos nervi isti perstringunt, diathesin convulsivam intulerat: ita cum ejusdem materiæ, se latius explicantis, portio quædam in nervos intercostales irrepserrat, propterea item, pares affectiones spasmodicæ Abdominis viscera occupabant. Hinc ut constet ventris inflationes, aliæque istius regionis symptomata hystericiis usitata in nervoso genere consistere, per nervos huc illuc traduci & propagari, proindeque omnino convulsiva existere.

Ut verò constet viscera membranacea præternaturaliter affecta non solum contrahi & corrugari, sed interdum subfilire, immaniter distendi, quin & instar vesicæ inflatæ extumescere, non opus erit privatas quasdam historias citare, quinimo hic densa laborantium agmina, quæ illud fere quotidie in seipsis persentiunt & experiuntur, in medium proferre licebit. Usitatum est in Hystericiis & Hypochondriacis, passiones, vulgò flatas dici solitas, excitari, quæ revera nihil minus quàm viscerum distentiones convulsivæ

convulsivæ esse possunt. Sæpius adverti à perturbatione in Abdomine, aut hypochondriis incepta, ventriculi regionem in tantum subito extumescere, ut necesse foret vestimenta accingentia statim laxari aut aperiri, interim licet stomachus quantum extendi potest extensus, magnos subinde ructus, aut rugitus edat, à flatu tamen copiosè emissio nihil levaminis succedit, donec spirituum expansione irregulari sedata aut demum finita, ista visceris inflatio sponte cessat; dumque omnia derepentè adeo in flacciditatem concidunt, haud major ructus aut ventri eruptio à ventriculo subito subsidente, quàm ab eodem priùs ad summum inflato, ac quasi rigido erumpebat, emittitur: indicio sanè luculento, stomachi intumescentiam istam non à vento incluso & parietes ejus distendente, sed à fibris subito inflatis, proindeque ab invicem divulsis, inque majorem capacitatem adaptis, excitatam fuisse.

Sæpius observavi, quibus intestina admodum tenera, & nimis facilè irritabilia fuerunt, ab enemate, licet tantùm lactis saccharati injecto, primò ventris tormina excitari, mox abdomen intumescere, demumque ventriculi inflationem cum rugitu ac vomitu immani succedere. Cujusmodi symptomata impossibile videtur aut humores fermentiscibiles, aut flatus sese huc illuc proripientes excitare posse: quia nimirum ab intestinorum cavitate inferiori (ubi Clyster operari incipit) ad superiorem rarè admodum transitus patet: Quare affectio spasmodica fibris membranosis impressa, solummodo illarum ubique continuarum ductu per tota intestina, sive ab una illorum regione ad alteram communicatur. In promptu hic esset similes intestinorum ventriculi ac œsophagi inflationes spasmodicas nonnunquam à pharmaco cathartico, aut emetico excitatas, etiam in singultu, oscitatione, & quibusdam aliis affectibus, eas interdum sponte contingentes ostendere. Verùm ad rem ita suà claritate conspicuam argumentorum

mentorū plures hic faces accendere, pent  
idem esset ac soli lumen inferre.

**H**Actenus Pulmones, & Sanguinem ab ef-  
fectus Hysterici labe immeris ipsi asper-  
sa vindicavimus, jam proximè incumbit  
Passionem Hypochondriacam ventriculo haud  
minùs iniquè imputari ostendamus, quod qui-  
dem facillioris negotii res erit, in quantum ipse  
nunc in primo Responsionis tuo aggressu locum  
cèdere, sive tergiversari videris: quippe Mor-  
bi Hypochondriaci causam immediatam, & se- Pag. 18.  
dem non uti priùs stomacho alligasti, verùm  
ipsi vitio vertis, quod ' sanguini acorem, calo-  
' remque alienum communicat, dein quod  
' sanguis è particulis chyli acidis, flatulentis, e-  
' lasticis constitutus, in secunda coctione non  
' ita corrigitur, ut suas qualitates in ventriculo  
' acquisitas exuere queat. Profectò, hæc ea-  
dem causa morbis fere quibusvis aliis assigna-  
ri poterit, quippe vulgò dicitur, ' primæ co-  
' ctionis vitia non emendari in secunda, sed  
sanguini, & visceribus modò his, modò illis  
noxam affigere: quin & ipse superius eandem  
prorsus rationem assignas, quare picà, & mala-  
cià affectæ, interdum morbo hysterico labo-  
rent, dicis enim ' à cibis præter naturam ali-  
' enis & pravis avidè semper petitis, succos  
' ejusdem naturæ elasticos & fermentiscibiles  
' sanguini communicari, à quibus cum æstus &  
' motus inordinatus, & quasi ebullitio exciten-  
' tur, profectò incertum est, utrum hæc causa  
hystericam, an hypochondriacam passionem  
parturiet. Nam illis, talem sanguinem Pul-  
monum infarctum minari, atque hic à ' fermen-  
' tatione concitata, cordis tremores, palpitatio-  
' nes, deliquia, & lipothymie metus superve-  
nire statuis.

Interim mirari subest, Te ' cordis tremores, Pag. 19.  
' palpitationes, & lipothymie metus fermenta-  
' tioni sanguinis attribueres, cum pathemata  
isthæc



isthæc solummodo motum cordis (qui mere animalis est) impeditum aut depravatum pertinencia omnino ad cerebrum & nervosum genus referri debeant.

Pag. 19.

A dolore & inflatione, quæ versus latus finistrum hypochondriacos excruciat, translata ad ventriculum culpa, lienem eximis, quoniam et si lien finistrum occupet latus, stomachitamen fundus (ut ais) usque ad latus finistrum, immo usque ad lienem, & pene ad umbilicum protenditur, quasi verò id unum ventriculi condemnationi sufficeret, quòd in loco suspecto inveniatur, cum interea innocentissimum hoc viscus, nisi reatu vacaret, culpam suam celare omnino non pouterit; neque enim cavitas ejus ad finistrum latus inflari, nec fibræ illic vellicari possint, quin ab utrisque per totum continuis, uterque affectus tum in medio, tum in latere opposito sentiretur.

Pag. 20.

Quòd Bibones, aliosque ventriculi debilitate, flatulentia & vomitione crebra laborantes, ideo, quoniam sæpius vomunt, à reliquis istius morbi symptomatis absolvis: miror Te non idcirco vomitum quotidianum pro hypochondriacis uti remedium certissimum præscripsisse: attramen affectum hujus contrarium observationes medicæ passim testantur, porro si materies morbifica constanter in ventriculo gigneretur, nulla vomitio præcavebit, quin propterea chylus aut crudus, aut labe ejus infectus, sanguini transmittatur.

Pag. 20:

Circa lienis officium, quem ventriculi calori fovendo natum olim asserebas, minùs jam confidens videris, quin mihi istudem concedis potissimam fore ipsius munus illud non esse, & sine fermento activo concoctionem fieri non posse fateris. Usque tamen calorem conjunctum moderatum requiris, quoniam usum, & necessitatem ejus in digestionem & fermentationem opera Chymica demonstrant. Verum enimvero ut daretur Tibi, ventriculi actionem nonni-

nonnihil à calore juvari; annon hepar, quod multo calidius est, & stomachum ferè totum arctius complectitur, aut etiam pancreas quod & substratum, huic usui magis accommoda videntur? nec quisquam tamen hæc viscera solummodo in eum finem condita, nempe ut ventriculum calefacerent, pronunciabit, quanto minus lienem, quem & ipse fateris, in multis animalibus, quoad maximam ejus partem, procul à ventriculo amoveri? porro cum pisces & multa reptilia actu frigida, liene donentur, in his, certè alium ejus usum, quam pro calore, quo prorsus destituuntur, exhibendo denotare oportebit.

Quod attinet ad Colorum differentias, & ipsarum rationes Hepati, Lieni & Pulmonibus à Te assignatas, licet me non posse ignorare supponis; attamen hac in re, & inscitiam meam, & dissensum fateri cogor: nam quod dicis, 'humoris biliosi colorem flavum hepatis parenchymati magis floridam conciliare tincturam, mihi quidem, ut ne quid asperius dicam, paradoxum videtur: quia nempe passim videmus, maximè floridum vultus & cutis rubore nitentis colorem, ab humore bilioso, in ictero suffuso protenus deleri, ejusque loco turpem flavedinem induci: quoad pulmones, cum postea ostendetur sanguinem intra ipsos accendi, & maximè efflagrare, quanto verisimilius erit, colorem quo præditi sunt subalbidum, ab ipsorum elixatione, potius quàm ab aere particulis membranaceis intertexto, deducere? dein quòd lienem ex puro puto sanguine cum omnibus suis partibus coagulato constituis, & propterea nigrescere affirmas, hallucinatio non simplex, sed errorum complicatio videtur: Nam imprimis Lien haud in omnibus nigrescit, quispe pueri, & impuberes eo sæpius florido, & rubicundo præditi sunt, in adultioribus temperamenti sanguinei, quos, uti in adagio est, splen ridere facit, colore etiam vivido imbuitur, in melancholicis, senescentibus, atque va-

letudinariis,

letudinariis, maximè nigrescit: quo sanguis impurius est, eo majorem lieni atredinem sæculentiis suis impertit, quodd verò in omnibus lienem ex puro puro sanguine coagulato constitui afferis, satis mirari non possum, quoniam & sanguis purus putus, dum calore vitali imbuitur, coagulationi minimè obnoxius est; insuper à sanguinis coagulatione, quam Tu lieni naturalem statuis, natura plurimum abhorret, utpote à qua sanguinis præpeditur circuitus, & crasis depravatur.

Pag. 23.

Circa Lienis officium differens, non invitè concedis, fermentationem hic aliquam sanguinis fieri, quæ ipsum forsan *Fermentum* quadam inspiraret, utinam innuisses ejusmodi Fermentum hic stabulari fines, quia quod ego statueram, nullo modo approbas; quare valde prolixa, & non minùs obscura argumentatione, opinionem nostram de lienis usu resellere laboras, cum multo compendiosius egisses, hypothesin tuam meliorem (si modò talem habueris) suggerendo.

Pag. 18.

Itaque imprimis me carpis, quodd Fermentum lienare ex portione sanguinis sæculentiore, scilicet ex materia terrestri, & sale fixo constitueram: in hunc usum Tu puriores sanguinis partes, magisque spirituosas, ut citius in fermenti naturam degenerent, seligeres, cujus rationem à pane & vino in fermenta alteratis petens, contra vulgarem, & quæ de trivio est, experientiam fermentum farinaceum magis acutum, ex pane puriori, & qui fursuris minùs habet, confici: etiam vina quo fortiora ac subtiliora, magisque spiritu abundant, celerius fermentationem inire, & cum acefcunt aciditatem insigniorem acquirere. Si panificos & œnopolas consuluisses, illi Te prorsus aliud docuissent; aut si rationem audire digneris, ipsa Te longè aliter instituat: quippe, ut massa farinacea in fermentum, & vina in aceta transeant, requiritur, ut spiritu depresso, partes salinæ exaltentur, quod certè ubi sunt majores

fores spirituum copiae, & tardius, & minus succedit. Dum spiritus præpollent, & reliquæ particulae subjugantur, fermentatio cessat, lioritur, cum inter particulas dissimiles pro domino certatur, porro spirituosæ vix omnino fermenti naturam induunt, etenim spiritus ardentes, & vina generosa massæ cuiuspiam, vel liquori fermentandis commissa, nullum organum cient. Attamen levum, austum, atque vini, aut cervisiæ fœces aut flores, particulas alias activas, in fermentationis motum citò excitent.

At verò ζύμωσις, quam modò lieni concesseras, eidem mox iterum detrahis, nullumque in eo fermentum reconditum latere asseris, quoniam à poris lienis haud satis strictis nec separari partes sanguinis fœculentiores, nec (si discerni queant) diu contineri posse contendis, Pag. 24.  
 quin perpetuis cruoris fluctibus eluantur. Pag. 25.  
 Miror Te qui suprà lienem è sanguine coagulato constitutum scripseras, mutatâ sententiâ tuâ hic statuere, sanguinem ita rapidè per ipsum traduci, ut nihil ibidem in transitu exuere, ac ne tantillum commorari permittas: verùm enim verò quisquis lienis fabricam perpendet, argumentum tuum non magni esse ponderis facile advertet: quippe in liene vasa sanguifera non sunt per totum clausa, & sibi mutò continua, verùm in lateribus cum sint plurimis foraminibus pertusa, & circa extremitates valde dehiscencia (prout D. D. Glissonius observavit) sanguinem in ipsius parenchymatis poros ubique passim emittunt, ab iisque excipiunt: quare sanguis lienem trajiciens, non uti in aliis visceribus & carnibus, simul totus continuato filo, in hos ductus ab illis immediatè transfertur, sed veluti rivus lacum percurrens, utrinque, ad latus divertit, ac intra cavitates licet minores, se infundens aliquandiu stagnat, interim pari ferè dimenso, ac una portio sanguinis per arterias intrat, altera propulsa per venas exit, hinc facile erit concipere,

pere, sanguinis partem sæculentiorē, extra flumen facilius protrudi, ac intra porositates diutius hære, donec ipsius visceris fermento (quod nempe à cruore stagnante recipit) inspirata, & mobilior facta, cruoris usque recentis appulsu sensim promota, demum in alveos venosos illabitur, ac paulò dein citatius effertur, certè hic minimè timendum erit, ne aut sanguis fermentandus, aut fermentum ipsum à perpetuis cruoris fluctibus eluantur, liquidem intra penitiores lienis recessus, sanguinem à stagnatione vix securum esse liceat. Hinc constat (Egregie Vir) quàm temerè atque incautè hypothesein tuam extruxisti: cui ut servias, coactus es inversis naturæ legibus, sanguinem intra pulmones torpidum, & stagnantem effingere, per quos ipsa voluit rapido, & pleno torrente decurrere, contra in Liene, ubi cruorem Natura iussit morari paululùm & lenè fluere, hic Tu cursu violento, & fluctibus omnia secum rapere, statuisti.

Pag. 15. Porro, ex eodem ut opinor supposito, negas pulsationem in sinistro hypochondrio, à sanguinis intra arteriam celiacam regurgitatione procedere, porro talem sanguinis arteriosi regurgitationem, aut impossibilem, aut malorum, quæ in lienis vicinia excitantur, insontem pronuncias.

Quoad prius vel ipse fateberis, pulsationem istam, quia cum corde rythmum observat, arteriæ cujusdam insignis esse, qualem in isto loco præter celiacam nullam invenies, hanc autem propterea tantum ita vehementer pulsare concedes, quia sanguine supra modum turgescēte impleta distenditur (quippe vasa sanguifera utpote partes membranaceas, proprio motu tantum contrahi aut relaxari, & non omnino distendi aut ampliari posse superius statuisti) quòd igitur sanguis in privato loco turgescens, arteriam celiacam distendat, ac immaniter pulsare faciat, unica causa esse potest, nempe quòd in obicem quendam alicubi

bi impingit, ac proinde cursu obstructo, plenius aggeritur, & quadantenus regurgitare cogitur: ob eandem rationem in phlegmone cum sanguis obstruitur, immanis arteriæ pulsatio circumcirca percipitur: ostenso igitur arteriam cœliacam, quatenus obstruitur, sanguine uberius aggesto impleri & distendi, proindeque vehementius pulsare, nullus dubitabit, quin obstructio ista in liene fuerit, ad quem scilicet præcipui, & majores istius vasis rami feruntur, ac in quo, præ quibuscvis aliis partibus stagnare aptus, sibi transitum præcludere solet: quod autem curiosius requiris, quo tempore, ac utro arteriæ motu, sanguis regurgitare possit, dico circa finem diastoles, nam quoad naturalem sanguinis pressionem, ac projectorum violentiam, pariter habet, motus scilicet directus quantum impeditur, tantum in reflexo compensatur. Quare cum iste, pleno uti soleat alveo, lienem subire nequit, ex parte resiliens arteriam distendit, & quâ datâ, per alios ejusdem vasis distenti ramos, via, in partes vicinas irrui, inque iis, partim quatenus fibras nerveas violento incursu divellit ac irritat, & partim quia sæculentias lieni destinatas illis affigit, affectus spasmodicos & dolorificos per totam lienis viciniam parit.

Tacitè me sugilla, quod lienem à plurimorum morborum abditorum culpis, & immeritò passim imputatis, vindicans, etiam ipse illum multis affectibus hypochondriacis, aut causam, aut fomitem præbere insinuem, quasi nihil intra hæc duo, scilicet lienem, aut mali omnis, aut prorsus nullius authorem esse, intersit, atque perinde sit ipsum causa indicta, aut palam ostensa reum arguere.

Pag. 26:

Porro quod ob sanguinis labem à liene acceptam, atque ad cerebrum, & nervosum genus translata, symptomata spasmodica interdum excitari statueram: urges Tu, propterea morbum ita productum, non esse convulsivum,

Pag. 27.

\*livom, sed à sanguinis dyscrasia dependere. Quasi nihil discriminis inter morbum ipsum ejusque causam conjunctam, atque causam ejus protatarcticam, five remotam fuerit: si quis ab immodico vini, aut aquæ ardentis potu, primò in vomitum cum ebrietate, deinde in febrem, ac ultimò in lethargum, aut apoplexi- am lethalem inciderit, dicetne hunc à nullo ce- rebri affectu, sed tantum à crapula interi- isse?

Pag. 27.

At verò rem totam, argumento invincibili, & apodeictico tandem esse Te confecturum suscipis: nempe ostendendo \*sanguinem, in \*hypochondriacis, aciditatem à ventriculo po- tius acquirere, quam à liene, quia talis aciditas in liene non generatur, verum in stoma- cho gignitur: porro quicquid acescit, non ob \*salis fluorem (uri nostra ferebat sententia) \*sed ob salis acidi dominium, produci afferis. Qua ratione hæc assumis, aut probas, & quid inde sequitur paululum expendamus,

Primò igitur hic supponis, Morbum Hypo- chondriacum cum toto symptomatum ejus ap- paratu, omninò ab aciditate provenire: quod tamen frequenter secus habere, observatio- vulgaris, & quotidiana experientia clarissimè e- vincit; nam præter effectus qui in toto cor- poris habitu, materiæ aut humoris modò attribilarii, modò acris, falsi, aut amari præ- pollentiam denotant; cujusmodi sunt vultus luridus, cutis subflava & quasi icterica, sudor falsus, & incrustari aptus, sapor oris modò sal- fugineus, modò amaricans, & non rarò vitrio- licus, aut aluminosus, urina modò lixivialis, modò aquosa & insipida; insuper ructus & vo- mitiones humorem non semper acidum, at sæ- penumero acrem, aut amaricantem, immo in- terdum mirè dulcescentem, & quasi sacchara- tum in ventriculo progigni, aut in eum suf- fundi testantur: hujusmodi humores, five ma- teriam in hypochondriacis morbificam, sicut in multis aliis præter stomachum locis, progigni- constat.



constat ( in quantum scilicet cruoris degeneris plusquam chyli recrementa, sanguini & visceribus majorem noxam imprimunt ) ita lienem, præcipuum quendam materiæ hypochondriacæ focum, sive mineram esse, rationes à nobis supra allegatæ, ac insuper Authorum cujusque seculi suffragia testatissimum reddunt.

Nec minùs à verò aberras, dicendo \* aciditatem in ventriculo potissimum, aut solummodo progigni; quippe, ut nihil dicam de liquore pancreatico, cujus acori nimis fermentiscibilli, nuperi Authores plurium morborum causas probabiliter imputarunt, advertere poteras salivam à tota massa sanguinea, in glandulas oris dimissam, valde acidam esse, in tantum ut pro hydrargyro in minutias dissolvendo, menstruum satis idoneum existat; quinimo & fermentum est pro cibis masticandis, & aliquatenus dissolvendis, fermento stomachali prævium; aded ut ipse ventriculus à duobus salivalibus aciditatis suæ prima rudimenta accipiat: porro sæpenumero observavi, propter materiæ morbificæ, à capite, à membris externis, ipsisque interdum visceribus quibusdam metastasin, in oris emunctoria factam, circa palatum, & gulam, immo in toto œsophagi ductu, inque ipso ventriculo succum acidissimum, cum ingenti catarrho suffusum fuisse, nonnullos hujusmodi casus in pathologia nostra spasmodica olim annotavi, pluresque alios ejusdem generis hic adjecisse, poteram; adeo ut ventriculus ipse ab aliis partibus humorem acidum mutuari potius, quam talem iis impertire videatur. Tantum abest, ut cum credamus vel solam vel præcipuam illius humoris scaturiginem existere. Quin & ipse in pathologia tua priori, licet viscosam pituitæ saburrâ in ventriculo aggestam acescere statuas, attamen illam, ut gravem & ponderosam, usque ibidem relinquis; ac interea chyli partes solum tenuiores & spirituosas in vasa lactea citò corripis, è quibus sanguinem

guinem non acidum, sed tenuiorem, & flatulentum, & nimis spirituosum generari dixeras: nunc autem quasi veteris hypotheseos haud satis memor, sanguinem à ventriculo aciditatem acquirere statuis.

Pag. 28.

Quòd verò aciditatem omnem non à salis fluore, sed à salis acidi dominio provenire statuis, non solum entia, sed & entium principia sine causa multiplicas: quippe non unum elementum salis, cujus salina omnia participant, sed totidem, quot sunt salium genera, scilicet acidum, nitrosum, salinum, vitriolicum, ammoniacum, & per plura alia supponere velis, unde in scientia physica, doctrina omnis de corporum naturalium compositione ac resolutione prorsus corruet: quo tamen jure non otium erit hic inquirere. Attamen super hac re, quoniam ad artis Chymicæ experimenta provocasti, illicet per hæc controversia decidatur.

Statueram egomet, aciditatem omnem à principii salini fluore, hoc est, à sale sui juris facto, sive supra alias particulas elementares e-  
 vecto, aut ab iis quadantenus separato procedere: Hujus probationem ab inductione amplissima, scilicet corpora omnia tum naturalia, tum artificialia complectente, institueram, nam de singulis ipsorum observatio hæc constans, & perpetua habetur, in quolibet sub-  
 jecto quando spiritu ac sulphure depressis, aut evaporatis, particulae salinae vehiculo aquoso potitæ, sese reliquorum jugo expedire, iisque præpollere valent, acorem sive aciditatem induci: hujusmodi versus aciditatem mutatio in liquidis, ac corporibus minus compactis, aut sponte, aut levi *tyxaphon* facillè succedit, prout observare est in vino, lacte, mulso, herbarum succis, aut infusis, vegetabilium, aut carniū, decoctis in cremoribus & pultaceis omnibus, quorum sapes cum prius varii & multiplices fuerint, postea omnes in acorem transeunt, porro subjecta solidiora, quæ sale abundant,

abundant, uti sunt ligna ponderosa, & pleraque mineralia quoties per destillationem ab igne resoluta, particulas salinas copiosas emittunt, idem stigma acidum constanter exhibent, ac interim in capite mortuo, levi admodum facto, parum, aut nihil salis relinquitur: indicio quidem certissimo, & quasi apodictico, idem esse in quibusque mixtis elementum salinum, quod varia licet in singulis sub larva obscuratur, quamprimum suæ potestatis fit, eandem omnibus communem aciditatis suæ indolem fateatur.

At verò huic generali observationi refragaris, Pag. 28.  
quia non intelligis quomodo separatio elementorum ab invicem, saporem illum specificum proprietate naturali inhaerentem, alterare in diversum poterit. Parcas (Vir Egregie) ignorantiae meæ, si Te in Chymia versatissimum, hic non intelligo, nec quidem concipere datur, quomodo mixti sapor specificus, qui omnino à plurium elementorum crasi dependet, quando illa ab invicem separantur, conservari possit, nisi forsàn accidens sine subjecto, aut illud idem numero manens, ex uno in aliud migrare posse contendis.

Verùm instas 'particulas salinas ab invicem' Pag. 28.  
'solutas magis salvas existere. Sed qualem hic salis analysin designas? Illam puto quæ sit solvendo in aqua fontana, & dein evaporando, ubi idem usque mixtum a fæculentiis liberatum perstat. Vera salis resolutio, quæ tantummodò per destillationem ab igne perficitur, ipsum omnino in stigma acidum reducit.

Dicis 'in salium omnium extractione ex herbis, terris, &c. saporem salinum conservari, & quo perfectior fuit separatio, eo puriores, acutiores, magisque salvos fieri sales: Unquamne igitur deprehendisti eundem saporem, salinum scilicet lixiviale, qui in sale fixo reperitur, in planta unde extrahitur præfuisse? Quia sapor tuus salvus, à specifico misti sapore multò magis alienus est, quàm noster acidus: porro

porro ipsius elementi salini in salem fixum resolutio, nec perfecta, nec ultima est, quia nimirum sal fixus, sive alchali, destillatione violenta propulsus in acidum transit, & deinde ulterius resolvi nequit.

Pag. 29.

Verum enimverò non unicum salis elementum, sed plura, & diversimoda statuens, censum eorum nobis egregium tradis: nempe salia alia sunt salsa, uti sal commune, & herbarum salia [ quæ, cum toto genere differunt, nescio quo jure copulasti ] alia sunt acida, ut Vitriola & Tartarum (miror quo palato sapias, qui vitriolum acidum denuncias) alia sunt dulcia ut saccharum, alia austera ut alumen, nonnulla etiam insipida, quæ tamen ut salia coagulantur & solvuntur [ quid per salia insipida intelligis divinare non possum ] aliaque innumera nobis non ignota.

Qualem modò, & quanto sale conditam halographiam nobis apposuisti, alii dijudicent: Mihi interim te interrogare liceat, annon rerum naturalium principia, quo pauciora & simpliciora assignantur, eo melius naturæ instituta, quæ regulariter & compendiosè semper agit, explicare, & scientiæ physicæ, quæ circa corporum syntheses & analyses tradendas potissimum occupatur, plus conducere videntur? cum itaque de corporibus sale copioso repletis evidentissimè constet, quòd à particulis salinis, aut intra idem subjectum dominio positis, aut resolutione ultima illinc depulsis, & quantum resolvi possunt, resolutis, aciditas perpetuò inducatur, eequid probabilius affirmari possit, quàm saporem acidum elemento salino essentialem, ejusque propriam passionem esse? nec mea tantum ita fert opinio, verum & Monsieur de Claves æquè in Philosophia, acchymia peritissimus, nuper idem statuit. Sed Tu contra experimenta Logicam apponis, nihil dat quod in se propriè non habet, sal nihil dare potest præter falsedinem: modò negaveras omnia salia esse salsa, verum alia scida,

da, vitriolica, & quædam alia insipida esse  
dixeras, utrum & hæc falsedinem dare con-  
cedes? quomodo Te Tibi hic reconciliem, me  
nescire fator.

Experimentum de salium destillatione à me  
annotatum falso supposito fundari asseris:  
etenim verum est [inquis] quod liquor iste  
violento igne à sale propulsus, valde acidus e-  
vadit; sed illud, quod caput mortuum vocas, à  
quo liquor iste propellitur, saporem suum sal-  
sum non amittit, hoc linguae testimonio evin-  
cis, immo falsedinem ejus in cauterii naturam  
exaltari, porro totum ab aere humido rursus  
salsum evadere, & salem per vasis parietes  
terreos in strias oblongas erumpere, non  
solum propria, sed plurimorum experientia  
didicisti. Super his ut paulò certior fias, dig-  
neris modò ab experientia mea aliquid amplius  
addiscere. Cum à sale quopiam ab igne rever-  
berii destillato, stigma acidum emanavit, &  
tamen caput mortuum salsum remanet, signum  
est destillationem nondum satis peractam fuisse,  
quin plures relinquuntur particulae salinae, quæ  
si igne intensissimo diutius urgerentur, omnes  
propulsæ in recipiens acidæ evaderent, capite  
mortuo insipido prorsus relicto: sal verò à de-  
stillatione partiali relictus, acrior existit, ob  
particulas mitiores, quibus demulcebatur, ab-  
actas, earumque in loco igneas subingressas,  
dein aer humidus accedens, rursus igneas abi-  
git, atque salis cum terra conjugium redinte-  
grans, eundem ac priùs salem resuscitat, at ve-  
rò non totum inde caput mortuum, sed tantum  
partes quædam sale & sulphure residuis imbutæ.  
prioris concreti formam recuperant: hic cui-  
piam advertere licebit, cum post imperfectam  
vitrioli destillationem colcothar aeri exposi-  
tum ex parte in vitriolum redit, quippe non  
totum sed hic illic calcanthi glomeres quos-  
dam reperiens: sin. verò, ut semel expertus fui,  
destillationem vitrioli communis igne violento  
aliquandiu continuaveris, cum aqua & spiritu,  
C oleum

oleum rubicundum, acidissimum, & causticum extillabit, & caput mortuum elegantissime purpureum prorsus insipidum, quodque non omnino ab aere deliquescit, nec ab humido, aut aqua affusa, in vitriolum redit, habebis.

Quod autem (quasi oppidò rarum esset) Te, & alios observasse innuis, à destillatione salinum strías oblongas vasis terrei parietibus accrescere, satis tritum est, & Tyronum quorumcunque observationi quotidie obvium, nempe stigmati acidi vi ignis propulsi particulae quaedam, retortae poros subeunt, ac inter penetrandum densius aggestae, in chrystallos mixto approprios coagulari incipiunt, adeoque dum ab ipso vase particulas quasdam terrestres, & ab aere humiditas sibi consciscunt, prioris concreti formam aliquatenus assumunt, attamen sal ita concresecens, & terra minori contentus, & sulphure pene orbatus, purior existit, & in acorem vergit.

---

**FINIS.**

---

## Sanguinis Incallescencia

SIVE

## ACCENSIONE,

*Exercitatio Medico-physica.*

Am diu est, quod circa reliquam cerebri & nervosi generis pathologiam meditationes meas Typis destinarem : Sed cum plures istius generis morbi spiritus animales, & non raro integram animæ corporeæ hypostasin, immediatius quam humores, aut partes solidas afficiant : Idcirco necessarium duxi, de istius animæ natura, & subsistendi modo, nec non de partibus & potentiis ejus disquisitiones præmittere, ut ex istis ritè præcognitis, demum pathemata ejus præternaturalia melius innotescant. Super his autem, velut summè arduis, & extricatu difficillimis, cum Theorias probabiles ac (ut opinor) rationales condere cœpissem, satis vidi, eas utpote insolitas & paradoxas, aliquibus non arrisisse, quod equidem haud dēet Me ægrius ferre, quinimo unicuique semper liceat suo sensu abundare, ac in omnibus judicium usque liberum, ac in nullius placita seductum habere : è multis verò conjecturaliter (ubi non aliter licuit) à me propositis, imprimis contra hæc duo præcipui instituuntur Elenchi, nempe quod sanguinem pro vita prorigunda accendi, atque spiritus animales propter actus motivos explodi statueram : quæ vocabula, etsi asperius forsitan, aut impetuosius sonare videantur, quam ut œconomiz Animalis applicari debeant ; attamen si Rationes & Argumenta quæ utriusque sententiz veritatem



suadent, perpendat quispiam, nullus dubito, quin aut assensum suum præbebit, aut mihimet meum faciliè condonabit. Imprimis igitur, quia de sanguinis incallescencia tam varie feruntur opiniones, quatenus nimirum, alii hunc affectum calido innato, alii cordis flammulae, nonnulli cum massa sanguineae fermentationi, aliique ejus accensione attribunt, idcirco rem penitus introspicere, ejusque causam genuinam, tametsi valde abstrusam, ratiocinio, quo licet, certiori erudere admittar.

Olim de Anima ista, quæ Brutis perfectioribus cum hominis subordinata sive inferiori communis est, differentes, tam diversa corporalem esse, atque binis constare partibus ostendimus, harum unam in sanguine radicam, flammeam, atque alteram in Cerebro, & nervoso genere gliscentem, lucidam appellavimus. Cum de priori tantum hic loci sermo instituitur, puto non difficile esse, ejusmodi rationes ac instantias proferre, quæ verè aut saltem verisimillimè concludent, primò, sanguinem Animatum esse; dein secundo, Animationem istam in ipsius accensione, aut in affectu huic maximè analogo consistere.

1. Sanguinis animationem, non solum placita Philosophum, sed indubitata Sacrae Scripturae testimonia plane asserunt: nimirum in Lege Mosaiica sanguinis usus interdicebatur propter hanc rationem, quia Sanguis est Vira, sive Anima, quod etiam ex observatione Clarissimi Harvei sensui constat, utpote cujus motus oculo discernendus, indicat ipsum primò vivere, & ultimò mori. In ampliorem hujus probationem satis vulgò notum est animalia tantum, quousque sanguis in debita copia & motu peritat, vivere; hujus autem si aut nimia detrahatur quantitas, aut motus supprimatur, protinus interire.

Quoad secundum verò propositum, nempe sanguinis efferventis Animam, sive Vitam ab incendio ejus pendere, satis hoc probabile videbitur,

debitur, si ostendero, primò, Sanguinis liquorem in perfectioribus animatis plurimum incallescere debere. Secundò, Incallescèntiam istam nullo præter accensionem modo in sanguine produci aut conservari posse. Tertiò, præcipuas quasdam affectiones, sive proprias ignis, flammaeque passionès, soli præterea sanguinis incalëscèntis vitæ competere. Quartò, denique his clarè ostensis, accidentia & proprietates quædam aliæ minùs insignes, quibus flamma vulgaris ac vita communicant, subduntur, tum etiam quatenus, & quo respectu, inter se differunt explicabimus.

Quoad prius, advertimus sanguinem in cunctis animalibus perpetim moveri, insuper in perfectioribus æstuarè, sive actu incallescere: Revera motus ejus indifcontinuu requiritur, tum propter ipsius sanguinis crasin conservandam, ejus liquor alioqui stagnationi & putredini obnoxius foret, tum præterea, ut in toto corpore circumactus, tributa singulis partibus debita erogare possit. Quippe sanguinis munia, saltem in perfectioribus animalibus, diversimoda & multiplicia existunt, sc. materiam pro spiritibus animalibus cerebro, & nervoso generi instillare, succum nutritium in partes quasvisque solidas dispensare, copulam elasticam partibus motivis suggerere, insuper retinentiaqueque, & particulas effectus discernere, ac in emundatoriis idoneis deponere.

Quantum autem in minùs perfectis animalibus merus sanguinis motus, aut saltem modicus ejus turgescèntia, qualis in vino, aliisque liquoribus in fermentationem agitata cernitur, præterea coctionem sustentare, & exequi valeat, quatenus animaliam & cruoris licet frigidi rivo, in singulas totius corporis partes jugiter affluente, & nutrimentum crudius ubique suscipitur, atque spiritus pauciores, crassioresque velut percolatione secreti, cerebrum & nervosum genus et copia subeunt, qualis pro motu locali, & sensuum pauciorum organis

ruditer actuandis sufficiat: attamen sanguis animalium perfectiorum corpora irrigans, quo longè præstantius istiusmodi munia exequatur, non tantum motu perenni & rapidiori circumagi, sed plurimum turgere, immo actu effervere, seu incallescere debet: eum nempe ob finem, ut compage ipsius valde laxata, particulas respectivas varii generis à se ubique deciduas, copiosius emittat, & hic illic, juxta naturæ usus & indigentias disponat.

Imprimis verò, siquidem spiritus animales, ex a ingenti è massa sanguinea jugi suppeditari, & particulas elasticas ad functionem locomotivam requisitas, exinde in musculos omnes perpetim suffundi opus fuerit, perquam necesse viderur, liquorem è quo supplementa hæc multiplicia, & generosa decedunt, actu incallescere, seu potius deflagrare, nempe ut prædictæ particulae è liquore compage, non nisi per calorem aut incendium satis rescranda, liberrimè se foras proripiant: Quod equidem liquet, quoniam è vino, atque etiam ex ipso liquore sanguineo, aliisque quibuscunque spirituosus, humor subtilis & spirituosus, non nisi per destillationem, calore aut igne peragendam, copiose prolucitur. Quinimò particulae sulphureæ, quamvis è liquore quovis ad exhalandum minus aptæ fuerint, attamen per subjecti accensionem promptissimè erumpunt: Ex his propter functionis animalis, atque etiam vitalis perfectionem, sanguinis incallescendi necessitas apparet; Cæterùm ut constet quo ritu hoc fiat, sc. utrùm per accensionem aut fermentationem, aut alio quopiam modo, primò in genere inquirendum erit, quot modis, & quibus de causis liquida quævis incallescere solent, dein considerare oportet, cuinam ex istis sanguinis incallescencia attribui debet.

Super his advertimus, esse Tres tantùm Modos, sive totidem causarum genera, à quibus liquida fervorem concipiunt, sc. primò, à Calido

Calido admoto, ut cum aqua super ignem æstuat aut ebullit, vel à solis, balnei, aut æstuarii cuiuspiam calore, aut calcis vivæ dissolutione effervet, quorum omnium instantiæ satis vulgò notæ sunt. Propter eandem rationem Aquæ Thermales æstuarè videntur. Nam ut de nostris Bathonianis instemus, illæ nimirum, nec sulphure, nec sale fixo imprægnantur, pro ut eas destillando, evaporando, & liquores præcipitatorios infundendo, planè expertus sum, quinimo cum sulphurea dissolvendo, & multiplici alio respectu, Aquæ Calcis simillimæ existunt; illas pariter ab eadem causa se. corpuscula ignea alicubi intra tellurem recondita imbibendo, incallescere putamus. Super his, ni *ἡ ἀπορροή* esset, disquisitionem ampliorem, alibi forsitan tradendam, hic inserueram. Secundò, cum salina corrosiva, quæ diversæ indolis sunt, aut invicem, aut sulphureis commissa in se mutuo agant, cumque ingenti particularum lucta & agitatione, non raro calorem, immo aliquando fumum & incendium excitant; uti cum spiritus & butyrum Antimonii, vel cum aqua stygia salibus lixivialibus deliquatis, vel cum oleo Terebinthinæ aliisve destillatis confunduntur, porro cum liquores corrosivi corpora metallica exedunt, sæpe incallescunt. Tertius, ac solus præterea (ut opinor) quo liquidum incalescit, modus est; quando humor quispiam sulphure, aut spiritu plurimo imbutus, à flamma admota incendium concipit, adeoque deslagrando effervet. Hoc passim cernitur in liquoribus oleosis aut valde spirituosissimis accensis & inflammatis.

Restant alii quidam calefactionis modi, scilicet fermentatio, putrefactio & attritio, à quibus copiosa crassiora, aut solida non raro fervorem concipiunt, in liquidis verò talem effectum minime producant: Dum massa farinacea fermentatur, particule activæ in motum concitæ, sese quaquaversus explicant, & subjecti molem attollunt, interea quatenus particule

sulphureæ simul agitatæ se mutuo prehendant & combinari incipiunt, calor quidam, licet remissus, excitatur, pariter à putrefactione simus aut fœnum madidum ardorem concipiunt, in quantum sc, particulæ sulphureæ intus conclusæ, densius agglomerantur, dein simul combinatæ, turmatim foras erumpunt: attamen nulli uspiam liquores, sive tenues, sive crassi, utut fermentescentes, aut putrescentes, propterea incallescunt: Etenim vina dum fermentescendo dolii latera diffingunt, aut cum ingenti strepitu & ebullitione vasis ora exundant, non actu effervescunt, immo ne minimùm intepestunt: Sanguis corpore eductus, ac in viris idoneis quovis modo ad fermentandum aut putrescendum dispositus, calorem actualem non omnino adipiscitur. Revera sanguinem in viventibus fermentari, & fermentando depurari, quin & alia quædam œconomie animalis munia obire concedimus: porro olim ostendimus à fermentatione ejus impedita, aut nimis aucta, vel aliàs depravata, diversa morborum genera produci: Attamen sanguinis calorem per fermentationem excitari negamus. Quia nec frigidorum animalium sanguis, nec vina, nec quavis alii liquores utcumque summa fermentatione, exagitantur, propterea actu incallescunt. Et quidem ratio satis evidens videtur, nimirum quia in subjectis crassioribus particulæ sulphureæ exuscitatæ, licet se mutuo prehendant, & densius agglomeratæ calorem cient: Attamen in liquidis ejusmodi particulæ quantumvis concitæ aut agitatæ, ab aquosis semper intervenientibus disjunguntur prorsus, ac à mutuo amplexu aut combinatione prohibentur, aded ut per se fervorem actualem producere nequeant: Propter eandem rationem corpora dura invicem affricta, aut violenter attrita, non modò calorem, sed & ignem sæpe produciunt, cum tamen liquida, utut plurimùm concussa & agitata, haudquaquam intepestant. Cum itaque sunt tres tantum modi, quibus calor actualis

actualia in liquoribus quibusvis progigni possit: inquirendum erit, cuinam ex istis incallescantia sanguinis ascribi debeat.

Primo, Quod primum, ex sententia tam veterum, tam recentiorum quorundam, sanguis ob rei calidæ admotionem incallescere perhibetur, nempe dum illi calidum janatum, atque hi flammulam in corde stabulari, & sanguinem pertransluentem excoalfacere statuerunt, verum utraque harum opinionum facile concidit, ex quo liquet Cor interum esse musculum, nec in se fomitem ullum pro flammula, aut calido (nescio quo) implantato perennandis idoneum, continere: Nam licet fatendum sit à continuo hujus visceris motu (qui tantum animalis est) sanguinis circulationem dependere, calorem tamen Cor omnino à Sanguine, & non Sanguis à Corde mutatur.

Secundo, Quod spectat ad secundum liquidi excoalfaciendi modum, quo sc. à salinis corrosivis invicem, aut etiam oleosis, vel corpori metallicis corrodendo commissis, fervor ingens excitatur, neminem opinor esse qui serid assere, à tali causa sanguinem effervere, utpote ejus liquor in statu naturali semper homogeneus existit, & quamquam sale copioso, tamen eo volatili tantum, miti ac benigno refertur; Caterum neque in Corde, nec in alio quopiam foco mineram salinam, aut alias heterogeneam detegere licebit, in qua liquor sanguineus agendo vel corrodendo, fervorem concipiat: nempe istiusmodi aut mineram, aut corpus corroddendum perpetuo renovari oporteret, quoniam ebullitio & fervor à salinum lieta excitatus cessat, quamprimum sales combinantur, aut corpus corroditur: Si quando in corpore nostro humorum particule salinæ à recta crassi desistant, atque enormes & effrateriores evadunt, propterea sanguis, quoad calorem & motum, anomalias quasdam subit, atamen impossibile videtur, ipsas à salium congressu & colluctatione, aut corrosione

roſione originaliter & perpetim eſſervere:

Tertiò, Quoad Tertium, quo liquida effer-  
vent, modum, licet durus videatur ſermo ſan-  
guinem accendi, attamen cum nulli præterea  
poſſumus, quid vetat huic cauſæ incaleſcentiam  
ejuſ attribuire? idque ed magis, quod propriæ  
ignis flammæque paſſiones, ſoli præterea ſan-  
guinis vitæ competant.

Enimverò præcipua, & maximè eſſentialia,  
ad flammam perennandam, requiſita ſunt hæc  
tria. Primò, ſc. Ut huic quampriù accen-  
ditur, libera & continua aeris acceſſio conce-  
datur. Secundò, Ut pabulo ſulphureo con-  
ſtanti fruatur. Tertiò, Ut recrementa ejus  
tum fuliginofa, tum craſſiora perpetim aman-  
dentur. Proinde ſi oftendere hæc eodem ritu  
flammæ ac vitæ, iſdemque ſollis competere,  
extra dubium habendum eſſe arbitror, vitam  
ipſam flammæ ſpeciem quandam eſſe.

Primò, igitur ut flamma accendatur, mane-  
atque accenſa, libero & indiſcontinuo aeris ac-  
ceſſu opus eſt, idque non ſolum ut effluvia va-  
poroſa, flammæ ſuffocationem minantia, foras  
convehantur, & perpetim decedant, attamen  
longè potiùs, ut pabulum nitroſum propter cu-  
juſvis rei incendium neceſſariò requiſitum, ab  
aere ſuppeditetur: Enimverò omnis ignis  
ſublunaris, ac potiffimùm flamma omnino con-  
ſatur à particulis ſulphureis, è corpore com-  
buſtibili conſertim erumpentibus, atque nitro-  
ſis, quæ ubique in aere ſcatent, iis in occur-  
ſum datis: Quando ſulphuris particula tardè  
aut impedite erumpentes, nitroſas pauciores  
tantùm, propè conſitas ſibi conſciſcunt, ignis,  
qualis in carbone vivo conſpicitur, produci ſo-  
let: Cum verd priores impetioſius, aut ſponte  
emanantes, aut à ſtatu ſubactæ, ſtatim plurimas  
nitroſas in toto ambitu ſcatentes, apprehen-  
dunt, oritur flamma: Profectò univerſa hæc  
aeris regio corpusculis nitroſis abundè re-  
ſeruitur, quæ ubique ad ignem vel flam-  
mam conſtituendam præſtò ſunt, iſque ubi-  
via



vis accensis, fluidorum more occurrunt, licet non pari semper more aut mensura, quippe observare est, quibusdam temporibus, præsertim in frigore brumali, quando aer plus nitro abundat, ignem aut flammam intensius ardere, & calorem longius diffundere: è contra autem in pluvioso cælo, etiam cum solis radii æstivi focum illuminant, adeoque aeris vicini nitrum dissipant, ignem aded retundi, ut vulgò dicatur, ipsum à sole extinguat: Si quando nitrosæ aeris particule subjecti cujuscvis, sulphureis, inter accendendum erumpentibus præcludantur, & flamma & ignis citò disparent, quod exinde constat, quoniam hic aut ista vitro imposita, post aerem suctum vel exclusum, citissimè expirant: porro in aere aperto, licet ignis nudus, ignem in re cremabili merito contactu propaget, attamen flamma, vix sine flamma admota, aut igne valdè intenso accenditur, quia sc. ad flammam excitandam plurius aeris nitrosæ particule circumcirca constitæ simul accendi debent, veruntamen si nitrum & sulphur commune simul trita commisceantur ( quoniam ambo incentiva conveniunt ) vel minima scintilla, tali mixturæ incidens, flammam maximè impetuosam gignit, quæ insuper pabulum nitrosum haud ulterius desiderans, in quovis loco, nempe subter aquas, in spatio aere vacuo, æquè libere ac sub dlo accenditur. Pariter si nitro in crucibulo ignito, ac fuso, res minus sulphuræ, utpote ligni ponderosi frusta injiciantur, eadem primo statim contactu flammam concipiunt, eandemque, donec penitus consumuntur, continuant: Quod autem ignis & flamma spatio aere vacuo inclusa, propter subductam nitri pabulum, potius quam à propria fuligine suffocata, expirant, Vir Illustrissimus D. Rø. Bo. plurimis experimentis clarissimè demonstravit. Namque locerna accensa globo vitreo capacissimo & vase obstrato, quamprimum aer per

Exp. Phys.  
mcc. 50.

Exper. 13.

• ampliam exagebatur, flamma expirabat: Porro, quod pro hypothefi noſtra concludit, obſervavit ille. Flammam à prima facta exuſtione, ſecundum omnes ſuas dimensiones ſe contraxiſſe; dein poſt aeris exanſati ſecundum aut tertium hauſtum, flammam, ab extrema ſummitate exceptam, cæruleam admodum apparuiſſe, ac à ſebo magis, magisque reſeſſiſſe, donec tandem ſummum elychnii cacumen attingens, expiraret: eadem rursus lucerna accenſa, & recipienti incluſa, expertus eſt Vir Doctiſſimus, uſque quo aere non exhauſto, poſſit lucem ſuam ſuſtinere, & comperit multo diutius, quàm prius perduraſſe lucidam. Ex his manifeſto liquet, flammam incluſam non tam propria fuligine ſuffocata, quàm nitroſo aeris pabulo deſtitutam, expiraſſe: nam in priori experimento, ab aere exhauſto, plus ſpatij, fumo & fuligini, ne mox flammam obſcuerent, concedebatur; & tamen hæc citius in recipienti vacuo, quàm in eodem aere pleno interibat, porro flamma interiens cærulea evaſit, quatenus, ſc. plus ſulphuris, quàm nitri particeps fuit, inſuper ſebum relinquens, juxta elychnii cacumen expirabat, in quantum, hæc pabulum ſuum maximè neceſſarium, ſc. nitroſas aeris particulas, quouſque poterat, inſequuta eſt: Idem experimentum in carbonibus vivis, factum pariter ſucceſſit, nudus ſc. ignis, poſt ſubduſtum nitri pabulum, citò diſperit: huc etiam facit, quod lucerne flamma in cryptis ſubterraneis, ubi aer nitroſus aut deſcit, aut diſpellitur, primò contractior & cærulea evadit, dein paulò poſtea expirat.

Exper. 78.

Hoc argumentum ideo fuſius proſequutus ſum, quoniam ad ſanguinis vitam ſuſtinendam ſimili prorsus ritu, atque ad flammam contrivandam, par utrobique ſit aeris, hauriendi neceſſitas: calidiora enim animalia, ſi respirati-  
one prohibentur, citò expirant, quare maxi-  
mè vulgaris & promptiſſima eadem interhe-  
cudi ratio eſt, ſpiritum præcludere, quo pe-  
nitus

nitus obstructo, vita, aut flamma, peris: Quod si obijciatur, suffocatos interire, quia fuligines, retentæ massam sanguineam inflant & intumesciunt, quæ proinde, mole aucta, & serè immobilis facta, cordis sinum opplet, ejusque motum inhibet: dico hoc improbabile esse, quoniam si arteriæ ubique in artubus, & circa collum ligaturis constringantur, ut sanguis, quoad circuitus sui abitum, coarctatus, circa præcordia plurimum constipetur (plus certè quàm à mera fuligine retenta evenire potest), propterea tamen neque statim mors, neque lethalia symptomata insequuntur: hinc ut constet, respiratione prohibitos interire, quia sanguinis flamma vitalis nitroso aeris pabulo destituitur, potius quàm eadem à propria fuligine defensa obruitur: Quod etiam Clarissimus *Bailius* experimentis extra dubium posuit, Namque observavi ille: calida animalia globo vitrea imposita, & occlusa, longè citius ab aere extracto, quàm ab eodem intus relicto expirare, licet in priori casu, plus spatii pro fuligine, ne retenta sanguinem citius constiperet, suscipienda relinquantur. Utcunque tamen, si calor & incallescencia sanguinis, à fermentatione, aut particularum dissimilium congressu, aut ab ebullitione propter calidum admissum, aut à quavis alia causa, præter accensionem, oriretur: profectò tantum abest, ut effectus iste propter aerem exclusum inhiberi aut suppressi posset, ut parius è contra multò inde intensior evaderet. Namque observatione maximè vulgari constat, liquores maximè fermentiscibiles, quo strictius vasi occluduntur, plus effervere, & ab aere per foramen apertum admissio, mox ab orgasmo cessare: porro Experimenta Boiliana clarissimè ostendunt, effervescentias è particularum dissimilium ebullitione, aut corrosione excitatas, item aquæ ferventiæ ebullitionem in sphaera vitrea, post aerem exuctum supra modum augeri. Experimentor. Physicomach. 41. 42. 43.

Exper. 41.

Inge-

Ingeniosissimus iste prædicti Authoris Tractatus, multa experimenta suppeditat, quibus abundè constat, intestinos particularum istarum, cujuscvis ferè rei, præterquam ignis, & vitæ motus, intra spatium aere vacuum plurimum intendi; horum verò actus illico post aerem subductum extingui; hinc ut rectè cum ratione concludere liceat animalis vitam esse aut ignem, aut aliquid ei valdè analogum: Horum affinitas adhuc clariùs observatur à mineralium fossilibus, qui passim experiuntur, in cryptis subterraneis, ubi vel nitrum deficit, vel à vapore quodam alieno abigitur, si quando animi deliquium imminet, vel planè urget, eodem tempore lucernæ flammam diminui, cæruleam evadere, & demum expirare.

Secundum flammæ sustinendæ requisitum, est constans pabuli sulphurei, quod continuò depascatur, supplementum, quo subtracto, aut propter inæstigram mixturam depravato, flamma extinguitur, uti cernitur in Lampade, quæ, oleo denegato, aut si aqua vice ejus suffundatur, expirat: porro prout sulphureum pabulum istud magis aut minus, utque modò uberius, modò parcius suggeritur, flamma magis aut minus intensa, etiam modò clara, modò fumosa producit, interea pabulum incendio continenter absumptum, partim in effluvia vaporosa abit, partimque in cinerem, qui terræ, salis, & sulphuris aliquot particulis constat: Sed multò secùs habet, in liquoribus ad fermentandum expositis, quibus si novæ particulæ continuò suggeruntur, atque veteres decedunt, fermentatio inhibetur, aut perturbatur.

Eodem planè, quo flamma, ritu, calidorum animalium sanguis ( & è cunctis naturalibus, præter ignem hic unicus ) pabulum sulphureum, constans & copiosum exigit, illudque brevi strerens, magnè ex parte in effluvia vaporosa absumit, capite mortuo terræ, salis, ferè idique sulphuris

sulphuris relicto ; interim è pabulo suo per accensionem attrito, particulas quasdam in alios usus necessarios disponit. Sanguinis vitam, siue flammam alimento continuo egere, nullus est quin quotidie in seipso experitur : Nam si aliquandiu illud denegatur, sanguinis vigor minuitur, quin & partes solidas atterens, eorum ramenta, aliosque corporis humores, quibus depascatur, in sinum suum rapit : Si nutrimentum ab assumptis, quotidie suggestum, tenuis nimis, & aquosum fuerit, sanguinis fervor instar flammæ jejuna remitti solet, si pabulum valde sulphureum, ac spiritu vinoso turgidum, copiose ingeritur, cruor statim inflammatur, ac non raro in Febrem, quasi apertius incendium erumpit : interim ex isto sanguinis pabulo, uti videtur per accensionem attrito, effluvia calida, cum fuligine & vapore copiosissima decedunt, quæ juxta Sanctorii computationem cætera quæque totius corporis excrementa longè superant, &, quod ipsorum indolem plane igneam testatur, non raro linguam & fauces correfaciunt, &, velut caminum, ardine inficiunt, porro sanguine confligente, faeces adusta, instar capitis mortui, in vesticam fellis, lienem, & alia forsitan emunctoria amandantur.

Tertio. Ut flamma accensa aliquandiu permaneat, juxta eventilationem opus est, nempe ut effluvia ejus fuliginosa continenter avolent, quæ secus in vicinia densius aggregata & detenta, ignem suffocant, in quantum sc. corporis accensi poros obstruendo, materiam sulphuream inflammandæ eruptionem impediunt. Quamvis hæc conditio cum altera potentiori, sc. pabuli nitrosi ab ære hauriendi necessitate, sæpiissime coincidat, ut vix ab ea distingui possit, attamen plane cernimus, à fuligine detenta, & circa ellychnium accreta lucem extinguere : quam ob causam Lampas, cujus ellychnium alumine plumoso, aliave materia incombustibili constat, non (ut promittitur) longa tempora

tempore durabit, quia se, fuligo ellychnio ad-  
hærens, olei ad flammam accessum inhibet:  
propter hanc rationem, ab aere, ventique as-  
tatu, fuligines abstergente, flamma non modo  
redditur clarior, sc. fumo, ac vapore crasso ma-  
gis libera, sed & pabulo satis concessio, durabi-  
lior evadit.

Pariter ac flamma, etiam sanguinis vita, even-  
tilationem continuam exigit, in quem finem  
præter majora tracheæ spiracula, minuta in-  
numera, sc. pori cutis, ubique per totum cor-  
pus hiantes, effluvia à sanguine affluente deci-  
qua, copiose emittunt, quos si constipari ac  
nimis occudi accidit, propterea sanguis, quasi  
fumo & vapore oblitus, inordinate effervescit:  
porro necesse habet, circuitum suum corrumpere,  
ut crebriori vice pulmones pertransiens, illac  
totam, quæ licet, fuliginem suam dispellat:  
Cum flagrantem coelo, aer quasi immotus  
stagnare videtur, circa præcordia plurimum æ-  
stare solemus, in quantum sc. cruor pabulo  
nitroso pauciori relictus, non tam clare arde-  
scit, sed incendio magis intrinseco & suffoca-  
tivo gliscit: porro in quantum aeris particulae  
minus agiles, quando inspirantur, expirantur-  
que vaporosa sanguinis effluvia, haud ita prom-  
ptè foras convehant, hinc est quod fiavello au-  
ram ventilamus, ut mobilior facta, è præcor-  
dibus nostris fuliginem uberius, celeriusque edu-  
cat.

Restant adhuc aliae quaedam Ignis & Flammæ  
considerationes inferiores, utpote non tam Ef-  
fectuam, quam Productionem & Extinctionem  
utriusque respicientes, quæ insuper an & qua-  
tenus, sanguinis vitæ conveniant, breviter dis-  
quiremus.

Ignis aut Flamma, duobus modis produci  
soles, nimirum, aut ab alio igne vel flamma  
excenditur, vel ab intestino particularum sul-  
phurearum motu progignitur: utriusque speci-  
es, & hendi modos in Tractatu nostro de Fer-  
mentatione sua ostendimus (excepio tantum  
quod

quodd pro ipsis sustinendis, necessarium pabuli nitrosi accessum illic omisimus): pariter ac Flammam etiam sanguinis incalcentis vitam duplici modo produci observamus, nempe aut ab alia vita five anima succenditur, uti in viviparis, vel particulæ intrinsecæ ad animationem prædispositæ, à diuturno caloris externi fotu, demum cum sanguine in vitam suscitantur, prout in oviparis.

Quodd si ampliùs inquiritur, quando & quomodo Flamma vitalis in sanguine primò accenditur? Dico hujus parva quædam initia, ab ipso conceptu, in humore genitali deponi, nempe tunc animæ corporeæ rudimentum, à parentum animis delibatum, velut scintillula à flammis istis excussa, in materia idonea reconditur, quæ deinceps à calore materno exuscitata, parùm gliscere & micare incipit; atque postea cum sanguine producto, & sensim aucto indices dilatata, corpori, quodd actuat & animat, coextenditur: attamen quamdiu fœtus Ovo, aut Utero includitur, ignis vitalis pabulo aereo paucò admodum, aut vix omnino potitus, nondum in flammam apertam erumpit, verùm instar titionis cinere obvoluti, tardè ac minutè solùm ardet; & calorem vix ullum dispergit; quapropter embryonis tum formatio, tum accretio, à caloris materni, aut alius analogi fotu plurimùm dependet, quodd destitutus periret: quamprimùm verò fœtus, partu tempestivo in lucem editus spirare incipit, ignis vitalis pabulum nitrosum illicò accipiens, se latè explicat, ac per totam massam sanguineam effervescentia excitata quaquàdam quasi flammam accendit; & quia sanguis tum primò in pulmones irruens, ibidemque aeris accessu potitus, extrudescere incipit, visceris istius caro prius rubicunda, mox in subalbidam, instar carnis elixæ, mutatur, atque sanguis ipse insignem alterationem subit, nam quodd dextro cordis sinu vasa pneumonica præparatus fuit, inde statim à pulmone

reduç.



reduz; colorem coccineum & quasi flammeum induit; adeoque rutilans finistrum cordis sinum, & arterias appendices pertransit.

Profectò, quod in recens natis, pulmonum color tam subitò mutatur, sanguini illic primò apertius accenso, eorumque carnes velut elixanti aliquatenus deberi arbitror, quanquam insuper mera pulmonum inflatio, in embryone mortuo, similem effectum producat, in quantum sc. pulmonum membranæ, & parenchyma distenta & in majorem capacitatem aucta, sanguinem stagnantem discutunt, adeoque in rivulos minores, & vix conspicuos distrahunt.

Quod autem spectat ad colorem sanguinis, inter circulandum ab atro purpureo, in coccineum, & ab hoc in illum, tam variè immutatum: dico hujus causam immediatam esse, aeris nitrosi cum sanguine admixtionem, quod certè constat, quia mutatio in coccineum ibidem loci incipit, ubi sanguis aeris accessu maxime potitur, sc. dum ex arteriis pneumonicis in venas transfertur, nam in istis atropurpureus, in his per totum floridus apparet, prout Doctissimus D. D. Lowerus observavit: Porro hanc coloris alterationem ab aere admixto procedere, adhuc amplius liquet, quoniam iste color coccineus in superficie cujuscunque sanguinis extravasati, propter aeris occursum succedit, & si flos eximitur, mox suboritur alter, insuper sanguis è vena extramissus, & virgula plurimùm agitatus, per totum coccineus evadit: pariter & viventium sanguis primò intra venas pneumonicas, scilicet mox ab aeris per tracheam influxu rutilat; & exinde propter easdem aeris succensas particulas, adhuc retentas, omnes arterias usque floridus pertransit, interim ab aeris nitro, particulis sulphureis admixto, cumque iis confligente, sanguis valdè rarefactus, & revera in flammam expansus, intra totos venas pneumonicas, & magnum arteriæ ductus impetuosè surgebat, hanc copiosus, &

& effluvia calida, à se dimittens; ad fines verò, arteriarum delatus, & versus cor redux, ut strictiora venarum oscula subeat, particulas aereas adeo turgidas & efflagrantes deponit, statimque sedatior factus, & semi-extinctus, proindeque tum vigore, tum etiam colore mutato, per ductus venosos repeditur, ut denud pulmones incurrens, incendium suum redintegret; juxta hunc modum, ut sanguis accensus flamma perenni, & æquabili per totum corpus deflagret, ac in omnibus suis particulis accensionem successivè renovet, ab accensionis foco, in partes omnes, & ab his in istum perpetua vice circumferri debet: Propter hunc finem cordis machina; tanquam embolo aut syphone opus fuit, quod sc. duplici sinu instructum, sanguinem recens accensum, à toto pulmone in se recipiat, quem adhuc flagrantem, mox in singula totius corporis partes propellat, simulque sanguinem deflagratum, & semi-extinctum, à toto corpore reducem, suscipiat, quem succo novo inflammabili imbutum, pulmonibus re-accendendum tradat.

In hoc munere exequendo, licet Cor meum sit musculus, & motu tantum animaliter excitus, solummodo sanguinis circulationi intersive videtur, interea tamen ad moderandam sanguinis accensionem, ejusque incendium juxta passionum operis, aliaque corporis animati opera & usus dirigendum, tantum confert, ut vitalem, sive flammicam animæ partem, in corde & pulmonibus sedem præcipuam, & quasi imperialem habere putemus: In omni affectu ut Doloris, Gaudii, Timoris, & similium, perit in morborum paroxysmis, Cor vario modo disponitur, atque hinc efficit, ut sanguis influens actu diversimodo fluctuet & accendatur, de quibus alibi, cum de passionibus agetur, erit opportunior dicendi locus.

Interim advertimus sanguinis incendium, proindeque

proindeque vitalem, sive flammeam animæ corporeæ partem, non eodem modo aut mensura semper, aut in omnibus vigere; attamen juxta varias ipsius sanguinis constitutiones, prout nempe plus aut minus sulphureus, spirituosus, salinus, aut aquosus existit, quinimo juxta diversas tum pabuli, quo hæc flamma nutritur, tum spiraculorum, quibus eventilatur, ac insuper ipsius Cordis, quo huc illuc corripitur, & agitur constitutiones & conformationes, nec non propter alias accidentium quorundam rationes, accensio sanguinis in singulis variat, nimirum ut flamma ejus modo sit magna, clara, & expansa, modò minuta, contracta, aut nebulosa, modò æquabilis, & ordinata, modo inæqualis, ac sæpe interrupta, quin & multis aliis mutationibus obnoxia evadat; propterea item ipsamet Anima variam indolem nacta, diversasmodas affectiones & mores concipit, de quibus postea dicemus: quippe haud minimum est, quod à massæ sanguineæ temperamento, ejusque accensionis gradu & modo, totius animæ dispositio pendear.

Ignem & Vitam pluribus modis pariter interire, sive extinguere ex superioribus satis liquet, nempe de utrovis actum est, si aut pabuli nutritiosi accessus, aut effluviorum decessus inhibentur, vel si alimentum oleosum sive sulphureum utrique requisitum absumitur, nimis subducitur, aut ab indole inflammabili pervertitur; de singulis ita clarè liquet, ut explicatione ulteriori non opus fuerit.

Ostenso hætenus Sanguinis vitam, sive animæ partem in eo gliscantem, flammæ speciem quandam esse, jam porò videamus quo ritu ad efflagrandum disponitur, & quatenus ad Lucernæ sive Lampadis ardentis similitudinem accedit.

Lampas vulgaris, sive ad calcificiendum, sive ad illuminandum destinatur, ut plurimum eodem modo conformari solet; nempe oleum, olivæ, pergerim affluens pabulum flammæ

continuum suppeditat, quare cum sit unus  
sive lucis, sive caloris focus, utriusque actio loco  
tantum uni limitatur, proindeque, quoties  
plura simul loca, aut diversas ejusdem spatii  
aut corporis partes, aut illuminare, aut cal-  
facere opus fuerit, plures lucernas simul ac-  
censas hic illic disponimus: Verum enimvero  
si instrumentum summo artificio elaboratum  
(cujusmodi quidem est corpus animatum) uni-  
co liquore intus contento, per totum excalfac-  
cere, & semper calidum servare incumberet,  
liquorem istum, haud in ellychnio tantum,  
sed in tota superficie leviter accensum, per  
Tubos idoneos ad universas machinae partes  
derivari oporteret, dein siquidem liquor ar-  
dens secundum omnes suas partes, aeris nitrosi  
accessu frui, effluvia, aliaque recrementa de-  
ponere, quin & constantis impendii supple-  
menta resumere deber, cujusmodi munia non  
passim ubivis, sed tantum in statis quibusdam  
locis obiri possint, idcirco liquor efflagrans,  
perpetua vice per totum circumferri debet, ut  
singula ejus portiones, singulis istis privile-  
giis successivè fruerentur, simulque machinae  
continentis totam capacitatem, sc. tum interio-  
res, tum exteriores recessus calfacerent: pro-  
fectò hujusmodi Thermautomaton artificiosè fa-  
brefactum, circuitus sanguinei, & quæ in ipso  
ardet, biolychnii mechanicen planè divinam,  
satis aptè representaret.

Quod autem objicitur, sanguinem ex sua na-  
tura minus inflammabilem videri, porro cum  
nulla hujus efferventis flamma oculis conspici-  
tur, meritò dubitari, an talis reverà subeat,  
necne: Dico imprimis cruoris Analysin Chy-  
micam plures sulphuris, ac spiritus particulas,  
quinimò olei inflammabilis uberem satis penum  
exhibere, cui tamen alia crassiora elements,  
utpote nimia accensionis frang, in justa proporti-  
one commiscantur, nempe ut liquor iste minutim,  
& per partes tantum pauciores, pro viræ lam-  
pade benigna & mitiori constituenda, deflagra-  
ret,

ret; quare sanguis è vena eductus, & igni candenti affusus, aliquatenus ardescit, licet non uti spiritus vini aut terebinthinæ oleum, totus in flammam agitur; porro haud tota sanguinis massa, uti lampadis oleam cremari debet; quinimo incendium ejus in eum finem instituitur, ut dum particulis omnibus mixtione liberatis, quædam sulphureæ & spirituosæ efflagrando absumuntur, plures aliæ subriles, pleno agmine manumissæ in necessarios regiminis animalis usus erogentur, simulque aliæ crassiores & nutritiæ, velut coctæ aut assatæ in partes omnes alendas dispergantur, insuper effectæ omnes, & recementitiæ per idonea emuctoria amendantur, aliis in eorum loca per nutritarum constanter substitu-  
tis.

Interim vero, quod flamma vitalis, quam tot muniis destinatam, in sanguine accendi supponimus, (secus ac flamma vulgaris quæ maximè conspicua est) non omnino appareat, ratio saltem probabilis assignari potest, quod eadem tenuissima cum fuerit, ac in corde, & vasis appendis, quasi in receptaculis serè clausis ardeat, non clarè efflagret, sed forsitan sub fumi, seu vaporis, aut halitus specie permaneat; quinimo etsi sanguis aperte efflammaret, tamen fieri posset, fulgorem ejus, utpote tenuissimum, à visu nostro haud percipi; prout sub clara diei luce, nec ferrum ignitum candens, nec incendulas micantes, nec ignes fatuos, nec ligna putrida, nec multa alia noctu lucentia, conspiciere possumus; cur non ignis vitalis, vel istis tenuior, visum nostrum omnino fugiat? Quamvis interdum calida animantia Ignem, sive Flammulam quandam noctu solummodò conspicuam emittere solent: Quippe novimus in quibusdam sanguine calido & vaporeto præditis, cum vesperi cubitum ituris vestes interiores prope Ignem aut Lucernam exuerentur, Flammam pertenuem & candentem emicasse, quæ totam inferiorem corporis regionem occupavereit.

cupaverit. Cujus affectus ratio prorsus eadem videtur, ac cum tedæ recens extinctæ, fumus evaporans, à levi quovis succendiculo in Flammam reducitur, & manifestò arguit Flammam aliam hujus extrinsecæ radicem, intus in corpore latere: Propter hanc in eadem causam est, quòd ex equorum jubis, felium, aliorumque calidorum animalium pellibus succussis, scintillulæ, quasi Ignis exiliunt, & non raro Flammæ in tenebris solum conspicuæ accrescunt. Insuper hic advertimus in febre caufa, item ab immodico vini aut aquarum ardentium potu, sanguinem, quasi Flamma ejus plurimum adaucta supra modum effervere, halitus siccos & effluvia caloris acerrima, qualia reverà neutiquam è liquore ebulliente, aut fermentante, sed tantum ab accenso procedere solent, emittere: quid quod nonnulli febricitantes Ignes arduos Flammæque omnino oculis observari imaginantur, quod quidem arguere videtur, sanguinis Flammam valde intensam, etiam in Cerebri claustra penetrare. Novi quendam calidioris Cerebri ingeniosum, qui asserbat se à pleniori vini potu, etiam sub atra nocte literas clarè perlegere potuisse, hinc etiam colligitur Sanguinis pariter & liquoris ardentis accensionem, iisdem prorsus modis intendi ac augeri, sc. partium agitatione, & a pabulo sulphureo uberius affuso.

Ceterum quòd in calido viventium sanguine, Ignis seu Flammæ proprietates, affectiones atque multa accidentia, absque forma aut specie ejus manifesta reperiuntur, quid si dicamus in causa esse, quod sanguinis Flamma vitalis, formæ alteri, sc. animæ corporeæ subjugatur sive subordinatur? Quare licet Flammæ vulgaris qualitates præcipuas & affectiones retinet, attamen Flammæ aut Ignis speciem amittit: Nam in omni mixto naturali, forma superior in particulas quascunque inclusas, utut ex se efferas, & indomitæ, jus & principatum exercet, easque

easque specie propria exuens, in actiones isti  
 concreto peculiare ordinat & disponit: Quando  
 ignis forma præpoller, iste cum fulgore ardens,  
 ut fines suos late propaget, objecta quavis in-  
 flammabilia destruit & consumit: Sin verò  
 igni intra sanguinem accenso, animæ corporeæ  
 forma superinducitur, hinc sine fulgore, aut  
 subjecti destructione efflagrat, ejusque flamma  
 invisibilis, & quasi subjugata, pro vita & mu-  
 niis ejus sustinendis ordinatur: enimverò cor-  
 porum naturalium formæ providentia divina, ab  
 ipsa mundi creatione prædestinari videntur,  
 nempe ut totidem quasi Typi extiterint, juxta  
 quos unaquæque portio materiæ concrecionem  
 subeuntis, sive animata, sive inanimata, modi-  
 ficari possit: ita nimirum ut massæ, juxta semi-  
 num latentium virtutes, hoc aut illo modo di-  
 spositæ, forma lapidis, plantæ, aut bruti, aut  
 alterius cujusquam speciei accedat; dein for-  
 mam ipsam, actus, & affectiones tali speciei  
 appropriatæ, consequantur. Cum itaque vita,  
 sive anima perfectiorum animalium, in ejusmo-  
 di functiones destinatur, quibus peragendis,  
 sanguinem, ritu liquorum ardentium, perpetuò  
 incallescere, & velut accendi oportebat, quid  
 vetat, quin vitæ sive animæ istius corporeæ  
 actus ( particularum subtilissimarum, & maxi-  
 mè agiliū motu, & agglomeratione constans)  
 massæ sanguineæ incendium quoddam, sive  
 ignis perennis dicatur? Cui licet ignis vulga-  
 ris accidentia, & qualitates præcipuæ insunt,  
 tamen forma ignis obscuratur, utpote formæ  
 nobiliori, sc. animæ corporeæ, subjugata: non  
 multum absimili ritu, veluti cum aqua in glaci-  
 em, aut nivem congelata, aquæ speciem ad  
 tempus deponit, atque ad usus longè alios, &  
 à fluiditate diversos, applicari potest.

At verò licet Animam corpoream sanguini  
 inhaerere, haud tamen huic adæquatam & limi-  
 tatam esse statuimus: quippe dum crassior ejus  
 portio, tanquam Arboris cujuspiam radices  
 telluri affixæ, massæ sanguineæ inseruntur,

pars



pars ejusdem animæ nobilior, veluti rami altiores, in Cerebro ac systemate nervoso expanduntur; seu, quod priùs innuimus, cum pars animæ vitalis, sive flammea in Sanguine, ejus portio animalis sive lucida in  $\epsilon\chi\sigma\phi\alpha\lambda\phi$  ejusque appendice continetur, quò utriusque sphæra justo limite definiatur, nec Flamma vitalis regionem animalempetuosè perrumpat, ei frigidior, simulque translucida, cerebri substantia, tanquam obex glacialis, aut vitreus opponitur, cujus interiorem compagem sanguinis nonnisi exiles & minutissimi quidam rivuli, caloris fovendi gratiâ, subeunt: at verò è lactice ejus juxta cerebri oram ubivis aggesto, ibidemque quasi ad extillandum deposito, particule spirituosæ copiosissimè dimanant, quæ quidem  $\epsilon\chi\sigma\phi\alpha\lambda\phi$  ubertim immersæ, magisque exaltatæ, materiam suggerunt, è qua procreantur spiritus animales per nervos in varias corporis regiones derivandi.

---

*FINIS.*

---

D

DE  
MOTU MUSCULARI  
*Exercitatio Medico-physica.*

Cum duæ primariæ sint animæ corporeæ facultates, nempe sensitiva & motiva, utriusque generis, potentias quasdam exteriores, quæ potissimum in nervoso genere, atque alias interiores, quarum exercitia intus in Cerebro peraguntur, quales nempe sunt Imaginatio, Memoria, Appetitus, &c. assignavimus. De sensibus tum internis, tum externis, quæ olim publicè disseruimus, aliquando forsan in lucem edenda, publici juris fient: interea temporis, quoniam de motu tum naturali, tum convulsivo, in me lites inferuntur, in præsentī opportunum erit, quæ de potentia motiva meditatū fueram, quamque hypothesin de re tam ardua, summeque intricata conceperam, hic in medium proferre.

Facultas motiva, aliufmodi animæ corporeæ gestu ac sensitiva, sc. cum diverso spirituum animalium aspectu, & tendentia exerceri solet. Quippe omnis sensus est passio quædam, in qua Anima, aut quædam portio ejus exterius percussa, nutare, atque spirituum undulatione introrsum factâ, versus ἐντὸς respicere cogitur, è contra autem, motus omnis quædam actio est, in qua anima se totam, aut sui partem exerere, atque spirituum πρὸς seu fluctuatione extrorsum factâ systasin educere, & quoddam quasi membrum suum extendere videtur. Porro dum anima se, aut quandam sui partem, ita exerit, ut designata tunc opera exequatur, spirituum animalium aggeries, ubique in partibus motivis dispositas, nunc unam, interdum

interdum plures exuscitat, qui proinde cum impetū quodam expansi, ac velut explosi, corpora continentia instant, adeoque eadem quoad crassitiem aucta, & quoad longitudinem decurtata, membra appensa attrahere, & motu locali ciere faciunt,

1. In omni motu hæc tria considerari debent, scilicet primò actionis origo, sive prima motus obeundi designatio, quæ semper fit in cerebro aut cerebello. Secundò, ejus instinctus, sive incepti ad partes motivas transmissio, quæ spirituum intra nervos scatentium com meatu perficitur, ac Tertiò, ipse impetus motivus, seu spirituum partibus morricibus insectorum, in vim sive contractivam, sive elasticam exertio: Ex hoc triplici fonte, nimirum prout in singulis istorum res vario modo geruntur, plures motuum species ac differentię deducuntur,

1. Quoad motus originem seu principium, annotamus, quòd iste qui à cerebro, appetitu conscio ac auspice, procedit, spontaneus appellatur, qui autem à cerebello, ubi lex naturæ præsidet, excitari solet, cujusmodi sunt Pulsus, Respiratio, cum multis aliis, merè naturalis, seu involuntarius vocatur: uterque horum vel est directus, qui ab hoc aut illo principio, per se, & primariò cietur, ut nimirum, quoties appetitus ex propria quadam, &, ut ita dicam, intestinà deliberatione hoc, aut illud experit, ac motus respectivos elicit, pariter item quando juxta solennem naturæ ritum functionis naturalis, ac vitalis munia ordinaria perficiuntur, vel motus utriusque generis est reflexus, qui scilicet à sensatione prævia, tanquam causâ evidenti, aut occasione immediatius dependens, illicò retorquetur; ita blanda cutis titillatio ejus fricationem ciety & præcordiorum æstus pulsum & respirationem intensiores accersit.

2. Quoad instinctus vehiculum, quod omnino per nervos fieri supponimus, quatenus illud per nervum singularem aut simul per plures perficitur, dicitur motus aut simplex, aut complicatus; dein quatenus nervi alii aliis plus aut minus, prius aut posterius ciendo motui operam conerunt, dicitur hoc aut illud membrum primum aut per se, atque aliud per consensum, moveri: quinimo & consensus iste cum partibus vicinis aut remotis, idque cum diversimodo respectu peragi solet: Sed varias hujusmodi motuum sympatheticorum instantias, nec non singularem causas, & fiendi modos alibi fusè ostendimus.

3. Subest altera, eaque insignis motuum distinctio, à varia partium motricium constitutione desumpta: nimirum partes fibræ nerveis præditæ, ac in quibus spiritus motivi scatur, aut sunt muscoli, qui motus locales exequentur, aut corpora membranacea, quorum motus in seipsis terminantur, quos ideo intestinos dicamus. Quod spectat ad motum localem, de quo solummodo in præsentia agimus, licet apud omnes in confesso sit, actioni huic cerebrum aut cerebellum, atque nervos, simulque musculos, unum aut plures, junctis quasi viribus contribuere; quanquam etiam satis intelligatur, motus obeundi inceptionem in cerebro aut cerebello designari, ejusque instinctum omnino per nervos convehi; attamen qua ratione musculi longè supra virtutem quamvis mechanicam, illud opus peragunt, explicatu difficillimum videtur.

Motum localem tractione perfici, ac à muscoli contractione pendere, non tantum vulgaris opinio est, sed etiam *avro* patet; attamen de contractionis modo, & causa efficiente, plurimum ambigitur, & inter Authores variè contrahitur; nonnulli satis dixisse arbitrantur, ipsam animam præsentia sua, musculum actuare, & fibras ejus tanquam retia protensa huc illuc contrahere aut deicere. Verum enimverò  
hoc

hoc esset animæ sensitivæ virtutem supernaturalem, & quasi divinam attribuere. Nempe quod ea lem mero affatu suo, corpora gravia ac mole prægrandia, quo libitum erit, deflectere aut cogere posset. Porro quem ob finem organa motiva tñm miro artificio & multiplici discrimine fabricantur, nisi ut machinarum ritu, concinna partium structura & apparatus quasi mechanico, operationes suas perficiant? Profectò, non difficile erit musculi; immo totius functionis exercitia, ad mechanicæ leges revocare, & juxta regulas & canones ejus explicare, quod priusquam aggredior, non abs re fore arbitror, de ipsius musculi fabrica, conformatione ac usu, in genere quædam præmittere. Veteres Anatomici, uno fere omnes consensu, musculi corpus in caput, ventrem & caudam dividerunt; accipientes pro capite, musculi extremitatem parti ad quam fit contractio connexam, pro cauda, musculi finem seu portionem, partimovendæ insertam; pro ventre denique partem musculi intermediam, quæ carnum mole tumidior conspicitur; dein pro motu obeundo, supponebant musculum circa caput & ventrem intumescere; & proinde quoad longitudinem decurtatum, partem appensam sibi propius attrahere; attamen quo ritu, & quam ob causam, musculi venter intumescit, nullus adhuc elarè explicavit.

Porro licet Myologia, ab Anatomicis cujusquo ævi exercitatissimis, in tantum excoleretur, ut musculis omnibus totius corporis (uti creditum fuit) exactè recensitis, & officia assignarentur; & nomina iisdem exprimendis planè monstrosa adaptarentur; attamen vera musculi fabrica aliis nondum perspecta, nuper ab ingeniosissimo D. D. *Stenone* primò tradi cœpit: hic in omni musculo, duos tendines oppositos, in quos fibræ utrinque abeunt, comperiit, quin easdem omnino fibras, quæ arctè invicem connexæ tendinem componunt, laxius junctas carnem constituere edocuit; ita tamen, ut

alix aliis superimpositæ, musculi crassitiem, sive profunditatem, aliæque alias juxta positæ, ejus latitudinem componant: priores fibras ordines, alteras autem versus appellat, dein musculi partibus, & compositione ad hunc modum detectis, figuram ejus ad matheseos regulas aptè reducit, & juxta canones inde desumptas actionem explicandam innuit: Quippe animadvertens ille, in musculo simplici rectilineo, fibras carnosas omnes, inter se parallelas, & plerumque æquales, ab uno tendine obliquè in alterum deferri; ipsosque tendines in oppositis carniū finibus aut angulis conseri, perquam ingeniosè describit musculum esse fibrarum morricium collectionem, ita conformatam, ut mediæ carnes parallelo-pipedum obliquangulum constituent, tendines verò oppositi, duo prismata tetragona componant: Hujus figuram in plano delineatam, accommodè repræsentat instrumentum, quo pictores, in describendis simul pluribus ejusdem rei exemplaribus, utuntur: Quippe styli angulis oppositis affixi, tendinum insertiones, ipsumque parallelogrammum, musculi partem carneam, exprimunt: Quando enim angulis oppositis, ab invicem ad maximam distantiam adductis, & acutioribus factis, duo latera propius accedunt, areamque longiorem, sed angustiore reddunt, musculus non contractus denotatur: Sin verò iisdem angulis, propius adductis, & obtusioribus factis, duo latera longius abscedant, proindeque musculi aream breviorē, sed & latiorē efficiunt, musculus contractus repræsentari videtur, interim in utroque prædicti parallelogrammi situ, laterum quantitas, sive longitudo non mutatur, sed tantum eorum positio, & angulorum amplitudines variantur: Utrum ita in musculo etiam habeat, inferius patebit. Interim ex ejusdem Doctissimi *Stenonis* observatione annotamus, musculum esse vel simplicem, qui unico ventre, & binis tendinibus constat, cujusmodi

ejusmodi plures in brachio & crure, qui sunt digitorum motores, quin & fere ubique passim in aliis partibus corporis prostant, vel compositum, qui plures habet ventres, quorum singulis duo tendines oppositi appenduntur; ita tamen ut cum ipsi tendines compositi, sc. duo simul conjuncti fuerint, unus tendo compositus medias carnes ingrediatur, ac alter medias utrinque amplectatur carnes. Hoc in musculo Massetere, Deltoide, & quibusvis aliis evidentiissimè cernitur, in quibus omnibus, pariter ac in musculo simplici, dum fibræ carnes (ad quas solas potentia motiva spectat) contrahuntur, anguli oppositi, juxta tendinum insertiones ampliantur, proindeque ventres breviores, simulque crassiores facti intumescunt,

In musculo simplici, juxta quod tendo unus, vel simul uterque, vel alteruter vicissim attrahi debent, porro juxta quod pars attrahenda tenuis aut lata, etiam prope vel procul confita fuerit, & propter alios quosdam respectus, venter carneus diversimodè conformatur, cumque figura ejus maximè regularis sit Rhomboides, illa tamen præterea, modò triangularis, modò trapezialis, pyramidalis, spiralis, semilunaris, aut alijs speciei irregularis existit: Verùm in ejusmodi musculis quibuscunque fibræ carnes juxta positæ omnes, dum simul contrahuntur, intumescunt, & ab utroque fine versus medium corrugantur, licet in musculis omnibus, non pari semper modo & dimensione; nam si uterque tendo simul attrahendus sit, contractio ab utroque fine carneo plerunque æqualis est; sin eodem tempore, unicus attrahitur, ab altero immobili, contractio sit minor, ac interdum, sc. ubi caro sine tendine notabili ossi immediate cohæret, fere nulla.

Musculi compositi varietate longè majori distinguuntur, nam præter diversimodas illorum figuras, quas singulas enumerare operis



immensū esset ; insuper juxta quod magis aut minus compositi sunt, atque ventres plures aut pauciores serie multiplici, cum fibris modò ejusdem, modò diversi ordinis, huc illuc protensos habent, plurimū discriminantur.

Musculus tenuior ac minus compositus, cum ventres forsan duos aut tres, in eodem plano dispositos, sortitur; fibrarum carnearum series, plerunque diversè spectantes, tendines quosdam exteriores musculi finem unum amplexantes, aliosque intermedios, circa finem alterum immersos habet; adeo ut singulæ cujusque ventris fibræ carnae, tendinem unum extremum, aliūque intermedium parallelæ interficeant, musculus crassior & magis compositus, ut motus pernicea, simulque arduos, ac diuturnos perficiat, ventres plures, in planis diversis constitos, atque fibrarum carnearum ( quæ omnes brevissimæ sunt ) series multifariam spectantes obtinet: Horum compages, etsi valde intricata fuerit, ut ventres omnes vix enumerare, multò minus eorum ad se invicem habitudines, mutuas dependentias, & connixuum rationes observare liceat; attamen ad hanc normam plerisque communem, quodammodo reduci possunt; nimirum in magnis musculis compositis, quales sunt torosi illi, qui mediis brachiis & cruribus robur ingens & vires elasticas contribuunt, advertere licebit, in uno fine, duos vastos tendines exteriores, totam fere musculi superficiem obtegentes, qui statim in plures fissuras divisi, intra latum unguem ad musculi extremitatem alteram prætenduntur; dein ex opposito, circa hunc finem alterum, tendo ingens medias ingreditur carnes, qui etiam mox in plures laminas, per totum musculi ventrem interiorem distributas, finditur: Cumque hæ laminæ interiores exterioribus occurrentes, & fere ad finem oppositum protensæ, multifariam spectant, atque superficies quaquaversus obversantes habent, aliæ ubique aliis oppositis destinantur, ac per  
inter-

intervenientes fibrarum carnearum series com-  
mistantur: Talem musculum, cujus plurimi  
ventres, in diversis planis constituti, multifariam  
spectant, nullo modo, quin aliquæ fibrarum  
carnearum series in medio disrumpantur, fin-  
dere aut divellere licebit: Musculi ita valde  
compositi ventres, etsi multiplices, attamen  
prætenues existunt, utpote quorum fibræ car-  
neæ brevissimæ, cum laminis tendineis, angu-  
los semper æquales, sed obliquos habent, pro-  
indeque attractionem validissimam efficiunt.  
Quippe numerosæ fibrarum carnearum series,  
videntur quasi totidem distincti vectes, ad  
pondus quoddam movendum simul adhibiti;  
seu potius, in quantum uterque magnus Tendo  
mox in plurimas laminas ita scinditur, pariter  
habet, ac si funis ingens dictarius corpori ad-  
ducendo appensus, statim in plures funiculos,  
quibus multi homines simul attrahant, dirima-  
tur: Namque dum singulæ carniarum series  
simul corrugantur, laminarum tendinearum si-  
milis omnium angulos oppositos ampliant, pro-  
indeque totius musculi ventre intumefacto,  
finem utrumque, aut eum quicquid obstat, ver-  
sus medium fortiter adducunt.

Unicuique musculo, & simplici & composito;  
integumentum membranaceum quaquaversus  
obtenitur, porro cujusque fibræ carneis di-  
rectis myotricibus, fibrillæ aliæ transversæ, sc.  
membranaceæ intertexuntur, quæ illas singulas  
investiunt ac unâ compingunt, quinimo (uti  
probabile videtur) tum fibræ omnibus carneis  
eundem motûs obeundi instinctum communi-  
cant, tum spirituum influorû copias à nervo  
exceptas, ad tendines deferunt.

Arteria & vena cujusque musculi medio in-  
sertæ, furculos quaquaversus, fibras motrices  
obliquè secantes, emittunt, è quibus propa-  
gines minores, per carniarum interstitia dispersæ,  
eas omnes sanguinis affluxu & refluxu ubique  
irrigant: Nervus autem cujusque ventrem  
carneum subiens, furculos quosdam minores

tantum in vicinia distribuit, quasi tantum actionis imperatae symbolum deferens, illius executionem inferiori fibrarum carnearum, fibrillarumque membranacearum fatellicio mandaret.

Musculorum cujusque fere generis Iconas, juxta naturales ipsorum ~~modis~~ exarandas destinaram: Sed cum, Typographo festinante, cadaveris humani dissectandi copia non statim daretur, musculos tantum pauciores quosdam crure bovino exemptos, ad vivum delineatos, infra exhibebimus: Quamvis & hoc pensum Clarissimus *Stenon* jamjam satis accuratè perfecit. Cujus figuras, si quis ad matheseos regulas nimium deslexas suspicatur, facili negotio, eandem musculi, qualem Ille descripsit, conformationem in ipsis carnibus intueri possit: Nam si musculus simplex, regularis, è quocunque animali exactus, ita collocetur, ut tendinibus hic illic ad latera conspectis, fibræ carnae inter ipsos, angulis obliquis & æqualibus interceptæ, ad planum horizontale deprimantur, carnes parallelopipedum Rhomboides exactissimè referent: Dein si ejusdem musculi situ mutato, atque tendinibus sub & supra positis, tendinem inferiorem perlongum secabis, partesque ab invicem divellens, totum musculum lacerando in binas portiones divides, videbis statim elegantissimo spectaculo, fibras omnes carneas unica serie dispositas, quin & inter se parallelas, ac ejusdem longitudinis, ab uno tendine in alterum procedere, & utrinque angulos semper obliquos & æquales facere, ceteri musculos compositos, quorum ventres multiplices diversa obtinent plana, hoc modo diffindere haud licet, tamen eos aut crudos aut coctos curiosè dissecanti, facilè constabit, singulis carnum parallelogrammis binos adaptari tendines.

Quod spectat ad musculi actionem, in vivisectionibus (quæ solummodò hanc ceterant) planè



nem quandam carneam cum forcipe, tribus aut quatuor scissuris transversis, ad latitudinem pollicis divisi. Quò factò, portiones in utroque sine abscissæ, corrugationes quasdam leves & inordinatas, brevi tantum spatio inibant, mox immobiles factæ: Alteræ musculi ita discissi, extremæ portiones tendinibus cohærentes, multò vegetius ac diutius contrahi, sed irregulariter & convulsivè, sc. cum fibrarum intortione quadam pergebant: Profectò in fibris ita abscissis contractionis vestigia quædam parumper manebant, partim ob motus instinctum per fibrillas membranaceas, quibus adhuc cum carnibus integris cohærebant, traditum, & partim quatenus spiritus animales fibris carneis insiti, jam à reliquis divisi, & sine influxu derelicti, nixus suos ultimos solito more contractivos exerebant. Propter hanc rationem nonnunquam in corde exempto, inque mucrone ejus abscisso, etiam in aliis musculis post nervos & vasa sanguifera resecta, contractio & relaxatio aliquandiu perstant. Fibræ alteræ tantum discissæ, ob spirituum è tendinibus accessus & recessus, adhuc aliquatenus contrahi & relaxari poterant.

Cum in Diaphragmate fibras plures singulares ab aliarum nexibus liberaveram, quid ligaturæ variis illarum locis injectæ efficerent tentavi. Nonnullæ igitur circa medium ligatæ, pariter ac fibræ integræ contrahebantur, sed cum aliquali circa ligaturam intumescencia. Cum alias circa fines, ubi tendinibus cohærent modò unum, modò alterum filo constrinxeram, motus præcipuè ac serè tantum, circa finem, liberum peragebatur: Porro in fibris circa utramque simul extremitatem ligatis contractio præstus cessabat.

Contractio & relaxatio, non tantum in corde, verum in septo, aliisque musculis respirationi dicatis, & quidem probabile videtur, quòd in omnibus juxta naturam instinctus agentibus vicissim, ac ut plurimum æqualiter: (sicet

non paria sint in omnibus motuum intervalla J-  
peragi solent, Quin & musculi functioni vo-  
luntariæ inservientes, sæpe contractiones spon-  
taneas ineunt, nisi ab Antagonistis suis inhi-  
bentur, uti constat in quantum spasmos unius  
musculi, alterius paralyfi supervenit. Con-  
tractio & relaxatio celerius in corde, quam in  
respirationis musculis, ac ita forsitan in his, quam  
in quibusdam aliis iterantur. In moribundis  
illarum vices panniculus carnosus, subculturibus  
innumeris ubique tremulus clarissime exhi-  
bet.

Quod spectat ad humores, quibus musculi  
fibrae omnes, sc. carnae, tendineae & membra-  
nosae, illarumque intercapedines, aut irrigari,  
aut impleri, aut inflari videntur, eos revera  
saltem binos ( nempe sanguinem & liquorem  
nervosum ) si non plures assignare licebit: Ex  
primò sanguinem fibras omnes carneas, & qua-  
his intertextuntur, membranaceas perlucere, sen-  
su indice manifestò liquet: Quippe si arteria  
ad muscolum quemvis pertinenti spiritus vini  
atramento tinctus injicitur, vena interim con-  
stricta, fibrarum omnium carnearum, fibrilla-  
rumque transversarum superficies atredine in-  
ficientur, tendinibus interim vix omnino in co-  
lore mutatis, hinc ut constet sanguinem carnes  
omnes, easque fere solas ubique exterius irriga-  
re. Utrum verò sanguis fibras carneas peni-  
tius subeat, aut liquorem subtiliorem à se decidu-  
um ipsis insillet, etsi posterius hoc maxime  
probabile videatur, nullo adhuc certo indicio  
comperimus, at verò fibras omnes, sc. car-  
neas, tendineas & membranosas, in quantum  
à spiritibus animalibus, aut insitis, aut influxis,  
perpetim & copiose actuantur, eas itidem li-  
quore nervoso, qui spiritibus vehiculo est, con-  
stanter imbui statuimus: Quatenus verò, aut  
quantum, praedicti humores ad facultatum ani-  
malium exercitia conducunt, haud facile con-  
stat, quoniam absque liquore nervoso spiritus  
animales consistere nequeant, & à crasso  
pluri-

plurimum dependet, ipsum potentiae motivæ a-  
ctuandæ nonnihil inservire concludamus, id pro-  
pter etiam perennem sanguinis affluxum nihil-  
ominus requisitum esse, experimentum ab In-  
geniosissimo *Stenone* citatum, & nuper ab aliis  
probatum, planè confirmat. ‘Observavit Ille  
‘quòd in cane vivo, ligatâ Aortâ descendente,  
‘sine prævia sectione, posteriorum omnium  
‘motus voluntarius cessaret, quoties vinculum  
‘stringebat, iterumque tot vicibus rediret quot  
‘nodum laxaret.

Hæc sunt præcipua Phænomena circa muscu-  
li fabricam, & actionem in Zootomiis tum  
viventium, tum etiam mortuorum, aut mori-  
bundorum factis observanda. E quibus tamē  
juxta positis, ac inter se collatis, quàm diffici-  
le sit functionis motivæ animalis Ætiologiam  
constituere, vel hinc constet, quòd Ingenio-  
sissimus *Stenon*, postquam Myologiæ suæ ele-  
menta à se primò inventa perquam accuratè  
tradiderat, ab hypothesi tamen ex iis conden-  
da prorsus abstinuit, utpote qui etiamnum du-  
bitat, utrùm musculi per rectangulum explicatio  
in omnibus naturæ conveniat; quare cum mul-  
ti contractionis muscularis modum à fibrarum  
repletione, & nonnulli ab inanitione, alique  
ad utrumque confugiunt, de hujus causis veris  
ipsi non liquere ingenuè profitetur.

Et quidem de materia hac abstracta, etsi me  
quicquam certius quàm alios indagare aut pro-  
ferre posse minime confidam: Attamen sicut  
in mechanicis, cum Automati cujuspiam motus  
observare, ipsamque machinam in partes diri-  
mere, & singularum artificium perpendere li-  
cebit, de phænomenon ejus causis & modis, si  
non omnium, saltem præcipuorum eruendis,  
haud dubitare solemus: Pariter cum muscu-  
li structuram & partes, fibrarum motricium  
conformationes, dumque in motu sunt ge-  
stus, & alterationes oculis intueri ac animad-  
vertere datur, quid est cur de functionis  
motivæ



motivæ rationibus, aut veris, aut quæ veris proximæ sunt, extricandis desperemus? Quamobrem liceat mihi super hac re conceptus & notiones meas, haud temerè quidem, nec quoddam priori nostræ *ἡγεμονία δόξα*, aut alienam quamvis oppugnare vellem, assumptas, hic in medium proferre, quæ si non omnibus satisfaciant, saltem aliquos ad meliora invenienda excitabunt.

Hic verò imprimis repetendum erit, quod superius innueram, sc. potentiam, sive virtutem, qua musculus movetur, à cerebro proficisci, per nervos convehi, ac à fibris carneis contractis, proindeque abbreviatis perfici. Posterius hoc *αὐτοκίνητος* comprobatur, quinimò, vim motivam, etiam à prioribus istis pendere, ac ita longo ductu transferri ex eo patet, quod spirituum influxu in origine suppresso, aut in via intercepto, propterea motus designati exercitium inhibeatur: Porro advertimus impetum motivum longè majorem esse in musculo, sive termino, quàm in principio aut medio: Quippe cerebrum, ac nervi appensi, cum tenera & fragili substantia consent, nihil fortiter convellere aut attrahere possunt, musculus autem vim contractivam validè exrens, fere vectis aut trochleæ vires adæquare videtur. Quandoquidem igitur motus localis sit actio composita, à pluribus organis, quæ in diversis locis consistent peragenda, cumque virtus ejus longè robustior sit in fine, quàm in principio aut via, inquirendum erit, qua ratione velut mechanica impetus motivus ita in progressu augeri, seu multiplicari possit, dein quid à singulis organis, ad motum conferatur.

Quoad prius, in Artificialibus, cum ad motum facilitandum, atque vires motrices augendas, plurima excogitata sint instrumenta, cuncta illorum, aut saltem præcipua, ad duo hæc capita reduci possunt, sc. primò, aut eadem vis, sive impressio, sine cujusvis novi impetus additione,

additione, ab uno termino ad alterum, siue à primo motore ad mobile continuatur, quæ tamen in via plurimum augetur, prout gravitatis centra, aut elongantur, aut multiplicantur, etenim quò longius à primæ gravitatis centro motus incipitur, eò fortius procedit, uti cernitur in vecte, aliisque ad vectem reducibilibus: Dein si ultra primum gravitatis centrum alia successivè ante motus terminum disponuntur, sicut in peritrochio, eadem vis motiva plurimum augeri solet: Atamen ad hoc requiritur, ut motus instrumenta, toto ipsorum tractu, satis robusta ac tenacia fuerint: nam seu impetus motivus adauctus eadem disrumpens intercidit, priusquam actio designata perficitur. Secundò, Subest alter impetus motivus in immensum, etiam ad magnam distantiam multiplicandi modus, qui cum virium novarum, siue copiarum recentium additione peragitur, Nempe cum particule elasticæ, siue impetum facientes, in privatis locis, ac velut cellulis dispositæ & conclusæ, postea pro data occasione, per levi agentis remoti contactum aut afflatus, in libertatem motus, quem impigrè perficiunt, mittuntur: Hac ratione aer compactus & conclusus, cum dato exitu foras se proripit, glandem plumbeam, aliudve objectum impetuosè adigens, longè propellit: Satis notum est quàm ingentes & sæpe horrendos impetus pulvis pyrius circa finem explosus edit, cum in primo succendiculo vis per fumum ignariam transmissa, admodum imbellis, levi manus pressione restingui poterat. Sunt & alia varii generis corpuscula explosiva, quæ in thecis idoneis recondita, cum à fomite vel irritamento in motum suscitantur, vim sæpe incredibilem exerunt: Proinde hic demum inquirere oportet, utro ex his modis evenit, vim motivam in musculis tam longè excedere impetum, à cerebro per nervos transmissum, siue utrum motus muscularis sit alio more contractivus, an potius elasticus, ac quidam motus explosivus.

Super his imprimis manifestò liquet, musculos attrahere, sc. abbreviatis, tendinem cum parte appensa versus se ducere, porro in quantum opus est tractionis munera nunc fortius, interdum debilius, ab ipsis perfici, gravitatis centra, modò propius, modò longius à principio motus habere consita, hinc musculi qui femur extendunt aut flectunt, præsertim psoæ, ac glutæi fibras carneas motrices altius intra corporis truncum recondunt: Qui verò circumagunt femur, juxta ossis tibiæ aut foramen, aut tuberculum, aut alicubi in vicinia constituentur, pariter observare est, in cæteris quibusque membris muscoli ventrem, ab articulo, seu motus cardine, pro ratione motus aut fortioris aut debilioris obeundi, situm remotiorem aut propinquiorem obtinere: At verò hoc minimè tenet, quoad reliquas partes motrices, nempe cerebrum & nervos, quæ cum musculis in actu motivo cooperantur: Quippe licèt vis motiva longo ductu per cuncta hæc organa feratur, tamen impossibile videtur, contractionem ita fortiter à musculo peractam, à cerebro tenero ac immobili inchoari, perque nervos exiles & fragiles continuari, quin necessariò supponendum erit, particulas quasdam motivas in musculo recondi, quæ pro data occasione, juxta instinctum à cerebro, per nervos traditum, velut explosione quadam in motum concitantur: Quales verò illæ particulae fuerint, quo ritu in motum instigantur, & quomodo musculi contractionem inducunt, explicatu difficillimum videtur,

Profectò in musculis, particulas elasticas, & se movere aptas contineri, ac ubique intra fibras recondi, ab effectu concludere licebit, quia sc. viventium Anatome, non rarè motum in musculo separato, quinimo in fibris ejus ab invicem divisis detegit: Animalium quorundam corda avulsa diu pulsant, musculi interdum abscissi contractionum motus obeunt: In jumentis mactatis aut moribundis, corde

ac cerebro licet exemptis, panniculus carnosus plurimas contractionum & relaxationum vices aliquandiu peragit. Ex his manifestò liquet, intra musculum particulas quasdam agiles, & *αὐτοπόρπυς* congeri, quæ licet œconomia animalis valde perturbatâ aut eversâ, suâ sponte motum ineunt, in statu tamen tranquillo, nullas actiones, nisi à cerebro aut cerebello imperatas, & per nervos traditas, perficiunt.

Dum musculus contrahitur, vivisectio ostendit fibras tantùm carneas, per se motum inire, sc. tumidiore, asperiores, simulque breviores factas, muscoli ventrem ampliare, ac interea tendines, ex se quasi immobiles, sc. nec quoad longitudinem aut crassitiem alteratos, solummodo quatenus à fibris carneis convelluntur, moveri, partemque movendam secum adducere; unde constare videtur, spiritus animales, sive particulas elasticas, qualescunque fuerint, dum motum muscularem perficiunt, intra fibras carneas solummodò aut potissimùm agitari: Porro hinc quispiam fortè putarit, tales particulas in fibris tendinosas, aut non omnino contineri, aut prorsus otiosi, nam siquidem advertimus tendinem, in actu motivo non immutari, suspicari fas sit, eum instar unci tantùm habere, quo mediante, fibræ carneæ contractæ, membrum movendum ab ipsis distitum, versus se ducant.

Verùm enimverò, spiritus animales, sive particulas elasticas intra fibras tendinosas, & quidem longè uberius, quàm intra carneas hospitari, indiciis satis luculentis constat, hoc imprimis sensus, nimirum tactus, qui multò acutior, & longè præstantior est in tendine quàm in carne, manifestò indicat. Quinimò irritatio quævis, aut solutio continui, in ista parte contingens, non modò sensum molestissimum, sc. dolorem valde atrocem infert, verùm insuper in carnibus vicinis tumorem, & non rarò convulsiones gravissimas excitare solet, unde necessariò concludimus spiritus animales copia ingenti

ingenti fibras tendinosas incolere; quid verò illic agunt, & quo ritu functioni motivæ inserviunt, jam proximè disquiramus.

Quoties musculi viventis motum intuitus, quo ritu fibræ omnes carnes vicissim contrahuntur ac relaxantur, adverterem, ac mente perpenderem, nihil hinc colligere aliud, aut animo concipere potui, quàm in singulis contractionibus, spiritus, sive particulas quasdam elasticas, ab utroque tendine fibras carneas irruere, easque intumescere, ac in se propius adigere; dein iisdem mox particulis, è carne, in tendines recedentibus, musculi relaxationem contingere: In musculo nudato, cum modò fibram carneam singularem, modò istarum manipulum toto ductu ab aliis separarim, microscopio adhibito, tumorem utrinque à carnium finibus inceptum, velut à spiritu hic illic simul ingressò, versus medium deferri, apertissimè deprehendi, porrò (quod superius innui) fibra singularis circa medium ligata, adhuc quasi libera, & cum aliis compacta, contrahebatur; sed ligatura pariter fini alterutri injecta, supra locum constrictum flacciditas constanter accidebat: Verùm super hac re ne ampliùs dubitare possem, circa eundem fibrarum carnearum fasciculum, ligaturas binas à medio & extremis æquidistantes adhibui; quo factò, utrinque ab extremo carneo ad loca constricta contractio & intumescencia, statim assurgens, non ultra pergebat; parte interim intermedia immota prorsus & flaccida manente, unde concludere liceat, in omni contractione musculari, spiritus animales, sive particulas elasticas è fibris tendineis in carneas profilire, & vicissim in relaxatione, ab his in illas recedere.

Attamen, hoc licèt probato atque concessò, plurimæ adstuc circa motum muscularem difficultates restant; primò enim, inquirendum, quomodo spiritus animales, qui tacitè, ac sine ulla incitatione aut timore fibras tendineas subeunt,

carneas

carneas aded inflare, simulque in spatia breviora impellere queant.

Ad hunc effectum produeendum, spirituum & fibrarum tendineis insilientium copiarum, non videntur per se solae sufficere; verum insuper aliusmodi particulas quasdam fibris carneis insitas, supponere debemus, quibuscum altera & tendinibus afflatus occurrentes, illico luantur, unde mutua ipsarum rarefactio & turgescencia, corporum autem continentium subita inflatio, simul & abbreviatio oritur, haud prorsus dissimili ratione, ac cum ignis corpuscula corrigiam subeuntia, ejusque insitas particulas (quibus mox irretiuntur) varie huc illuc impellentia, ipsam aded infarciunt & corrugari faciunt, pariter etiam spiritus animales, effundentes, ubi solitarii sunt, immotos (sicut caloris effluvia intra metalla & corpora sicciora) pertranseunt; in carnes vero delati, quatenus ibidem cum particulis aliusmodi elasticis congressi expanduntur, fibrarum continentium subitas inflationes & corrugationes inferunt. Tales autem particulas, spirituum indole prorsus diversas atque heterogeneas, satis copiose ac facile musculis suggeri posse, alibi ostendimus. Enimvero *Avicenna* patet, sanguinem fibras omnes carneas ubique perfluere & exterius irrigare, quas insuper, siquidem non modo nutrire, sed & circa tensionis animalis munera actuare deprehenditur, ecquid minus suspicari possumus, quam eum in illarum tubos, liquorem quandam subtilem instillare, cujus particulae a spiritibus subinde insitis agitantur, & simul rarefactae, fibras (sicut modo innuimus) infarciunt, easque propter insultum utrinque factum intumefactas, in spatia breviora compellunt?

Quod autem musculi venter carneus, dum contrahitur, intumescat, non est ut quispiam omnino dubitet, quoniam in vivisectionibus hoc visu & tactu evidentissime percipitur, & Normo omnes carnes simul corrugatas, tumidiores;

res & asperiores sunt, proindeque musculum breviorē, sed & crassiorē latiorēque reddunt: In certiorē hujus fidem, cum è fibris carneis, à reliquarum nexu separatis, quasdam ligarem, aliasque iis proximas solutas relinquerem, in omni musculi contractione, inter illas flaccidas atque has intumefactas, notabilis differentia apparebat.

Sin verò inquiratur cujus naturæ, sc. an spirituosalinæ, prout opinari fas sit, aut cujusnam alterius indolis sint spiritus animales è cerebro in musculos derivati, & deinde utrum latex alter iis immediatius à sanguine suggestus, sulphureus aut nitrosus existat: Super his, quia sensui non constat, nihil temerè aut positivè pronunciamus. Quandoquidem autem in aliis naturalibus, particulæ activæ varii generis, quæ inter se dissimiles, aut mutuò effervesce-re, aut ab invicem elidi, aut aliàs rarefieri, aut expandi aptæ sunt, reperiuntur, cumque solummodò à talium congressibus motus corporum intestini ac præsertim elastici, quales sunt musculorum contractiones, procedere possunt; certè præsumere liceat, has omnino à tali causa pendere.

Circa motum igitur muscularem in genere, conjecturâ satis probabili ad hunc modum concludimus, sc. spiritus animales ab  $\delta\chi\sigma\phi\lambda\alpha\sigma$  nervorum ductu ad unumquemque musculum advehtos, ac (ut verisimile est) à fibrillis membranaceis exceptos, harum comœatu in fibras tendineas deferri, ibidemque velut in promptuariis idoneis, ubertim recondi, qui spiritus, cum naturâ agillimæ ac elasticæ fuerint, quousque valent ac permittuntur, sese expandentes, fibras carneas insiliunt; dein impetu peracto, mox subsidentes in tendines relabuntur, ac ita vicissim: Dum verò iidem spiritus animales ad datum motus obeundi instinctum, è fibris tendineis in carneas profiliunt, illic particulis aliis indolis activis, è sanguine suppeditatis occurrunt, & statim mutuò effe-



effervescunt, ita ut ex ambarum lucta & agitatione, fibræ carnes, utpote laxæ & porosæ, infarciuntur & in corrugationes agantur, à quibus omnibus utrinque simul corrugatis, totius musculi contractio procedit; contractione finitâ, spiritus sinceri qui resident, iterum maxima ex parte in fibras tendinosas recedunt, particulis alteris intra carnes relictis; harum impendia sanguis, sicut illorum nervi refarciunt: Quo instinctu contractio muscularis incipit ac desinit, mox disquiretur.

Ut spiritus animales è fibris tendinosis effluentes carneas omnes æqualiter subeant, in omni simplici musculo bini habentur tendines, qui juxta oppositos angulos ita constituuntur, ut spiritus à duplici meta accurrentes, evestigio totum musculi ventrem impleant, atque motu subinde peracto, mox citissimè recedant: Si contractio versus medias carnes indifferenter peragi debet, tendines ut plurimum sunt æquales; sin motus versus unam aliquam carnis regionem magis inclinatur, tendens alter (qui sc. majores spiritum copias suppeditat) alterum magnitudine excedit. Si musculus, quo sit robustior, magnus & mole ampla præditus existat, in plures quasi lobos, sive ventres dividitur, iisque singulis duo ordinantur tendines; in eum nempe finem, ut spiritus animales ubique per ductus brevissimos, è tendinibus in fibras carneas ferantur, resiliantque: Quippe musculus compositus non semper plures fibrarum motricium series ideo continet, ut motus unâ plures & diversimodos, quin ut eundem sæpe motum cum majori robore perficiat: Nam, prout supra innuimus, cum simplex musculus sit quasi vectis singularis, compositus videtur quasi plures vectes eidem corpori movendo conjunctim inservientes.

Porro hinc observare est in quibusdam musculis, qui simplices & regulares habentur, ut fibræ omnes carnes sunt æquales, ita & tendinosas

tendinosas unius extremi omnes simul sumptas, etiam omnia alterius simul sumptis æquales esse; attamen eas singulas, quo breviores sunt in uno tendine, esse longiores in altero, atque ita disponi, ut fibra tendinosa utrinque summa & infima, quoad longitudes suas, excessus rationes habeant inversas, simulque æquales; nempe ut hic longissima brevissima, atque illic vice versa, brevissima longissima superimponatur; in eum sc. finem, ut licubi in hoc aut isto muscoli latere, aut sine motus robustior edi debeat, in eas partes è longioribus fibris tendinosis spiritus uberiores confluant, & è contra: Quare in nonnullis musculis minùs necessariis, ubi carnum pars ossi accrescens, aut immobilis evadit, aut vacuis tantum spatiis implendis inservit, tendo unus brevior aut minor existit, & non raro in duritiem cartilagineam aut osseam degenerat: Porro quoad alios musculos robustos, & maximè motivos, observare est, illorum tendines non ita disponi, quasi essent fibrarum carnearum stabilimenta tantum, aut ansulæ, uncive appensi; ita namque solummodo in extremis finibus constituerentur: Attamen fibræ tendinosæ, quo fiant aptiora spirituum Animalium promptuaria, fere in omnes musculi partes exporrectæ, utrosque carnearum fines ubique excipiunt; quod equidem in musculis compositis adhuc manifestius apparet, in quantum sc. unus tendo compositus, extremas amplectitur carnes, atque alter medias ingreditur carnes, prout supra ostensum erat.

At verò spiritus animales, dum è fibris tendinosis in carneas profiliunt, ipsis corrugandis per se haud sufficere, sed copulam alteram è sanguine elasticam requirere, multis rationibus arguere licebit. Hoc imprimis ex eo constare videtur, quòd iidem spiritus solitarii intra tendines, densissimè licèt confiti, dum in iis moventur, nihil aut tumoris, aut contractionis cièt, quare intra fibras carneas in minori copia delati, & spatium  
amplius

amplius nacti, nisi aliis particulis congressi expanderentur, multò minùs impetum contractivum ederent. Porro cum tendini solutio continui, aut molestia gravis inferitur, musculi venter, seu pars carnea tumore aut spasmo potissimùm afficitur; nam spiritus irritati non tam inter se, sed ubi in particulas heterogeneas impinguntur, maximos tumultus ac inordinationes concitant: Verùm insuper cum fibræ carnes humore sanguineo supra alias partes, & plus quàm iis nutriendis sufficiat, continuò perfundantur, et quis alius usus assignabitur, nisi ut functioni motivæ contribuat? Præsertim tam advertamus in corporibus macilentis, quæ parciùs enutriuntur, musculos sanguine uberiores perfusos, motuum nixus robustissimos edere: Porro non constat qua præterea via, spirituum in musculo continuis motibus aut laboribus arduis absorptorum, impendia refarciantur, ni præter exigua per nervos supplementa, alia satis copiosa è massa sanguinea suppeditentur: His accedit, quòd membra solito cruoris affluxu destituta, in debilitatem aut paralyin facillè incidunt, quodque ex observatione D. *Stenonis* in cane vivo, Aortæ trunco descendente ligato, membra omnia posteriora de repente motu privabantur: Et quamvis mihi nondum satis constet, utrum sanguinis à spinali medulla, an ab ipsis musculis, vel simul ab utrisque exclusio, in causa sit, verùm ut eunque in idem fere recidit, quatenus nimirum spiritus animales intra *ἡμίστιον* procreati, atque per appendices medullarem ac nervosum in membra quæque exporrecti, absque sanguinis concursu, potentiam locomotivam exequi haud potuerint.

Explicato hæcenus quo ritu musculus in parte carnea quoad fibras simul omnes contractus, functionem motivam exequitur, jam proximè quæ sit ratio instinctus, quo motus omnis tum regularis, tum irregularis obiri solet, inquirendum erit: Super hoc in genere imprimis

imprimis constat, motus omnis regularis, Immo & quorundam irregularium impulsus, intra cerebrum aut cerebellum conceptos, illinc per nervos ad unumquemque musculum transmitti: Hoc ab effectis & consequentis, prout alibi ostendimus, evidentissime declaratur: Attamen magna hic difficultates subsunt, quomodo nimirum per eosdem ductus, à capite ad unumquemque musculum spirituum animalium copiae recentes, simulque pro veteribus exercendis, animae imperia convehuntur, quo insuper discrimine, & spirituum influorum gestu diversimodo utrumque hoc munus nervi exequentur.

Super his ut conjectare pergam, videtur quoddam spiritus animales, qui jugiter ab *ἐκκεφάλῳ* afflui, pro reficiendis infusorum copiis, per nervos ad musculum ferantur, cum facile & pacatim adpellunt, ibidemque procius à fibris membranaceis excepti, in tendines secedunt: Cujusmodi vectigal, etsi mole perexiguum fuerit, quia tamen ritu constanti dies noctesque insertur, ad penum pro tendinibus continuo implendis, sufficientem facile assurgat: Quod autem spiritus, ita perpetim musculo allatos, per fibras membranaceas, & non per carneas, ad tendines transferri supponimus, ratio est, quoniam si has primò subirent, copulae elasticae statim occurrentes, musculum in motus continuos accierent: Porro siquidem in corde, & respirationis musculis, fibrae carnea exercitio perpetuo agitantur, illae insuper pro spirituum recentium ad tendines commeatu minimè vacarent.

Quod spectat verò ad motus muscularis, sive obeundi, sive sistendi, aut quovis modo alterandi, instinctus per nervos ab *ἐκκεφάλῳ* traditos, super his imprimis considerare oportet, spiritus animales motores, quorum aggerica animae corporea Hypostasin constituunt, duas hasce proprietates ipsorum naturae quasi insitas habere, nimirum ut donec vegeti, copiosi, ac

liberi fuerint, sese exerere sive expandere affectent, dein impetu peracto, illi paululum diminui, se sponte recipiant & quiescant, postea autem resecti, denud exiliant, ac ita vicissim: Hoc satis manifestò declarant vigilie ac somni, operis ac otii alternationes cunctis animalibus ingentæ. Quapropter ad quorundam musculorum (qui sc. vice perpetua contrahi & relaxari solent) impulsus sive instinctus, vix quidquam amplius requiritur, nisi ut illorum tendines, constanti spirituum animalium per nervos influxu suppleantur, ipsi autem spiritus, ex propria indole, siquidem uberes, & expediti, sua sponte in fibras motrices profiliunt, dein nisu peracto, post leve impendium, mox recedunt, & subinde statim recreati, rursus expanduntur, ac ita vicissim: Porro illorum actiones (quæ imprimis sunt pulsus & respiratio) juxta caloris gradus aut affectuum variè immutantur, in quantum spiritus per nervos advecti, modò remissius, modò uberius, aut incitatus à cerebello mittuntur.

Porro in quibusvis aliis musculis appetitus imperio subjectis, cum spiritus animales expansionum & recessuum vices naturaliter affectent, tantum opus erit, motus imperati sive obeundi, sive sistendi signum dari, quorum utrumque spiritus insui, vario ipsorum ad musculum appulsu, insitos in varios aspectus, sive tendentias ordinando, facillè perficiunt. Quando musculus contrahitur, spiritus insiti ab utroque fine, versus medium, dumque relaxatur, acie mutatà, à medio versus utrumque finem aspiciunt, tenduntque. Dum itaque spiritus insui contractionis obeundæ symbolum ferunt, illi intra nervum ad præteritum incitati, finem ejus musculo insertum, (ubi densius agglomerantur) plenius insistant, & proinde ibidem contrahi, & abbreviari faciunt, quo fit, ut iidem spiritus insui musculum ingressuri, tunc temporis mero aggestu sistantur, seu potius versus nervum intumefactum revocentur, quapropter

propter mox tota spirituum infitorum series (hinc porro ipsorum mutata) etiam eò spectat, proindeque tendinum incolæ, è cellulis suis in fibras carneas profluentes, contractionem motivam efficiunt: Dein motus abruptus, aut cessat, quamprimum spiritus, versus nervum prius revocati, denudò in musculum tendunt, adeoque exercitus facie rursus mutata, infitorum copiae illicò in tendines coguntur. Rem ita quadantenus habere, non mera Hypotheseos concinnitate, verum ex observatione Anatomica mihi persuasum est: Quippe olim catulum vivum dissecans, cum fortè cervicis musculos quosdam divisos & sepositos intuerer, eodem instanti quo fibræ carneæ, etiam nervi illis inserti, simul contrahi, ac intumefacti abbreviari videbantur.

Ad promovendos, dum musculus contrahitur, spirituum è fibris carneis in tendines recessus, fibrillæ membranaceæ, quæ ubique carneas transversim secant & densissimè intercussant, conducere videntur: Harum textura nunquam satis admiranda in musculo fibris amplis pædito, sc. bovino, ad teneritudinem cocto melius percipitur. In tali etenim, si fibras carneas leniter aperiens, eas in tota serie ab invicem diduces, singulis harum tubis fibrillas, velut capillares, confertissimè superextensas videbis, quæ sc. priores non modò investiunt & connectunt, quin & singulis illarum seriebus superstratæ, & obliquis angulis secantes, ipsæ etiam omnes parallelæ, situ ad carneas opposito, à tendine in tendinem feruntur: Dum itaque musculo contracto, fibræ carneæ intumescunt, fibrillæ eas amplexantes, ut locum cedant nonnihil distenduntur, dein quamprimum intumescencia remittit, hæc ad solitam strictionem redeunt, carnes ubique comprimunt, easque spiritibus utrinque expulsi, ad pristinam longitudinem reducunt. Huc facit, quod dum musculus contrahitur, spiritus

per nervos influi à fibrillis membranaceis defistunt, quare hæc depletæ, & laxiores facilius distendi poterunt; dum verò musculus relaxatur, spiritus fibrillas denud subeuntes, eas implent, & quod melius carnes stringant, breviores reddunt.

Motuum à musculis obtundorum instinctus, ita per nervos traditi, aut à cerebro, appetitu jubente, aut conscio, vel à cerebello missi, juxta naturæ leges, nobis plerunque inscili, peraguntur: Verùm insuper, musculi nonnunquam præter, vel contra, appetitus aut naturæ placita, in motus anomalous, sc. violentos, & convulsivos, aguntur, idque variis modis, & propter diversas causas accidit. Super his olim fassus differentes, ostendimus plures motuum convulsivorum species & differentias ex eo oriri, quod materies spasmodica, vel alicubi defixa, circa nervorum principia, mediata, aut fines, subsisteret; vel quod eadem vaga & soluta, per totos nervorum ductus, huc illuc discurreret, adeoque affectiones spasmodicas è loco in locum variè transferret. Verùm præter istas diversimodas convulsionum species, quæ propter vitium ipsis nervis alicubi inherens excitantur, Myalugia hæc nostra quosdam alius generis spasmos, à musculis præcipuè affectis oriundos, detegit.

Enimverò advertere licet spiritus animales intra ipsos musculos dispositos, propter labem aut à cerebro, aut à sanguine, & forsitan non raro simul ab utrisque derivatam, particulis quibusdam heterogeneis inscili, propter quas in loculis suis subsidere & requiescere nequeunt, quin irrequieti semper, & agitabundi, è fibris tendinosi in carneas sua sponte profluunt, proindeque spasmos crebros, & non raro immanes producant. Hoc autem duplici modo fieri observamus, sc. primò, in quantum spiritus copula elastica onusti, intra tendines haud diu maneat, quin subinde in fibras carneas profluentes musculi spasmos frequentes, sed & breves,



breves, seu quasi subsultus inducunt, vel secundo, quod spiritus animales, etiam si intra tendines satis placide interdum quiescunt, ex ipsis tamen in carnes inordinate correpti, ibidemque immaniùs explosi, haud statim reprimi, in ordinem cogi, aut in tendines reduci possunt, quin nobis utut invitis diu expansi persistunt, proindeque musculi contractionem diurnam, & valde dolorificam pariunt. Cujusmodi spasmus satis vulgò notus, nostro idiomate (*Cramp*) appellari solet.

Prior affectio (subsultus spasmodicus) dicta, tum in febribus malignis, tum in Scorbuto familiaris existit. Quoad istas, passim advertimus, quando crisis aut nulla, aut mala obtigerit, demùm à sanguine & succo nervoso plurimùm vitiatis, particulas heterogeneas non tantùm in visceribus (quorum crases & functiones pervertunt) sed ubique fere in musculis deponi, ibidemque spiritibus accrescentes, eos velut cæstro quodam afficere, proinde ut simul pacatè consistere, aut intra tendines requiescere nequeant, quin divisi, & ab invicem distracti, manipulatim subinde in carnes profiliant, ibidemque spasmos minores, sed & creberrimos cieant: Pariter, ob spiritus musculorum incolas, copula elastica ipsis ibidem accrescente, onustos, nonnulli scorbuto inveterato laborantes, membra in eodem situ haud continere valent, quin necesse habent manus aut pedes modò extendere, modò huc illuc agitare, variè transferre, ac interdum illorum cæstra, cursu, saltu, aliisve duris laboribus subigere.

Olim de motibus convulsivis ex professo agentes, spasmi permanentis, sive Tetani Aetiologiam, fere in totum omisimus, utpote quæ à musculorum doctrina postea tradenda penderet: Tunc fere tantum innuimus, ejusmodi contractionem exoriri in uno musculo, quoniam alter Antagonista ejus resolvitur, quod

equidem in facie, & quibusdam membris sæpe numero accidit; in quibus dum partes unius lateris Paralyfi afficiuntur, oppositæ alterius, velut frænis solutæ, nimis contrahuntur: Attamen huiusmodi spasmus ut plurimum sine dolore est; porro hic non statim aut facillè, sicuti nec etiam paralyxis, quæ illius causa est, pertransit, aut curatur.

Quod itaque ad spasmi (apud nostrates *Cramp* dicti) rationem formalem pertinet, unusquisque hoc affectu laborans, in seipso musculum unum aut plures involuntariè ac validissimè contrahi, eosque aliquandiu ita summè distentos, & quasi rigidos manere persentit; ac interea, in quantum fibræ carneæ immaniùs contractæ tendinem utrumque, eum sc. qui parti immotæ, forsan haud minus quàm alterum qui parti movendæ affigitur, violenter convellunt, dolorem molestissimum inferri. Quandoquidem autem hic spasmus, propter spiritus animales sese in fibras carneas impetuosè proripientes, excitatus, minimè cessat, donec iidem spiritus in tendines regressi, carnes relaxari sinant; idcirco proximæ ejus causæ erunt, spirituum animalium intra fibras carneas tum major impetuositas, qua illuc injussi profluant, tum diuturnior mora, in quantum tardius ac difficiliùs in tendines recedunt. Pro causis secundariis, tum mala spirituum animalium dispositio, tum prava tendinum conformatio, sc. modò hæc, modò ista, & non rarò simul utraque haberi debent.

Quoad prius, hic affectus, prout cæteri spasmodici, exoriri videtur, in quantum spiritus animales particulis heterogeneis, sive copula elastica onusti, demum irritati, ad ipsam elidendam incitantur; quæ tamen siquidem crassa & viscosa, proindeque tenacior fuerit, non citò, nec facillè discutitur, quin spiritus eadem usque irretiti, atque intra fibras carneas conclusi, diutiùs in expansione detinentur: Quod quidem

quidem non abſimili ritu forſan contingat, ac cum aqua & aer conjuncta bullam conſtituunt; quæ ſi ab aqua, in qua aliquantulum ſaponis diſſolutum ſit, exciterur, tenacior illa, multò amplior & permanentior evadit, quam quæ ex meris aquis producitur. Proinde obſervamus eos, qui humoribus craſſis & tartareis abundant, hujusmodi ſpasmis maximè obnoxios fieri; ipſosque inſuper à potu aut cibis craſſioribus, poſt crapulam, aut imprimis ſi lautiori coenæ mox ſuperdormiunt, atrociores iſtius morbi inſultus pati; verùm aliquando & ipſi tendines in culpa eſſe reperiuntur, quatenus conſtricti nimis aut obſtructi, ſpiritus à fibris carneis redituros non facilè admittunt: Tendinum obſtructio in cauſa eſt quod Arthritici & Scorbutici, quorum nempe tendines, humores ſalſi, & tartarei facilè incurrunt & obſtruunt, hujusmodi ſpasmis dolorificis immaniùs tentari ſoleant: Conſtrictionem autem Tendinum, quandoque hunc morbum parere, ex eo patet, quod ſceminæ quædam gravidæ (uti ſæpiùs advertimus) ultimis geſtationis menſibus, propter Abdominis muſculos nimis extenſos, crebris ſpasmis tantummodo in ventre excitatis, moleſtari ſoleant. Ad Pathologiam hanc illuſtrandam, liber hic caſum ſequentem adjicere.

Fœmina Illuſtris, juvenis ac venuſta, olim affectibus hystericis, & jam ſupra biennium convulſivis, & quodammodo epilepticis obnoxia, nuper ob crebriores, atrocioreſque morbi inſultus, etiam cachectica & paralytica evaſit, ut tandem Abdomen Aſcite, & eura tumore cedematoſo afficerentur, & denique partes omnes inferiores, infra coxendicem motu privarentur; hinc quoties paroxyſmi convulſivi inſeſtant, non jam corpus aut membra efferre, & huc illuc agitare ſolet, ſed partes modò hæ, modò iſtæ Tetani correptæ, variè ſeſuntur aut intorquentur, interim ut ipſa in cathedra aut lecto inſidens, rigida ac ſere immobilis

mobilis peritet. Haud pridem est, quod paroxysmi unius Typum integrum videns, diversimodas spasmodorum subinde alteratorum vices & mutationes, non sine summa admiratione observavi. A primo insultu, oculis paululum huc illuc celeriter obvolutis, statim *aristoteles* corripiebatur; deinde mox capite versus partem aliquam inclinato & contracto, simul brachii & cruris, modò lateris unius, modò utriusque artus omnes inflexi aut extenti, statim rigidi fiebant: Post 4 aut 5, forsitan horæ minuta, his spasmodis tum in capite, tum in membris remittentibus, evestigio alii plerunque oppositi succedebant, quibus pari sæpe spatio finitis, alii longè diversi oriebantur, adeoque per duas vel tres horas, spasmi longiores, cujusque fere generis & moris, in toto corpore excitati, se vicissim excipiebant, aded ut capite ad dextram & levam, atque *hypochondria* & *hypochondria* per vices convulso, quin & membris omnibus, huc illuc introrsum deflexis, aut extrorsum distentis, unius paroxysmi cursus, gestus quoscunque spasmodicos exhibuerit. Si quando spasmi unius generis in capite, & membris solito diutius durabant, ministrorum astantium mos erat, Nicotianæ fumum, magno cum impetu, Ægrotantis Dominæ naribus insufflare, quo facto, cum spiritus intrò revocarentur, spasmi præsentis illic remittebant, aliis quibusdam novi generis evestigio succedentibus. Nuper hujus crura à resolutione ita debilitantur, ut stare, ac incedere nequeat, quin & tendines sub utroque poplite, tumidiore, brevioresque facti, aded contrahuntur, ut crura in rectum non possint extendi.

Circa hunc Nobilissimæ Ægrotantis Casum, inquire potest, quamobrem paroxysmo convulsivo ingruente, nullæ, uti in plerisque spasmodicis aut epilepticis assolet, corporis aut membrorum jactationes, sed spasmi tantum permanentes, à partibus aliis ad alias variè translati oriebantur? Pro cuius solutione referri debet,

debet, materiem spasmodicam non tantum in cerebro & nervis, verum in ipsis etiam musculis congeri, atque spiritibus tendinum incolis accrescere: Cumque materia illa tenax, spiritus autem debiles fuerint, & rali copula citò, aut facilè elidendæ impares, idcirco hi quoties irritati à tendinibus in carnes profluunt, musculis primò occupatis contractiones fortes & diuturnas inferunt, musculis interim aliis, præsertim Antagonistis à motu impeditis & obstrictis, donec priorum spasmi remittantur; Hinc membra utut convulsa, loco moveri nequeunt: Quippe totius corporis & membrorum quorumvis *opæl* sive lationes non nisi multorum musculorum auxilio aut obsequio perficiuntur, dum ipsorum alii aliis, aut ritè cooperantur, aut saltem obsequuntur, ita nimirum ut muscoli quidam respectivi debitam *superpacti* observantes, simul contrahantur, dein illis relaxatis, contractio mox aliorum succedat. Sin verò qui dispare & *adversari* fuerint, simul contrahantur, illique fortiter convulsi, ita diu persistent, proinde ut alii interim muscoli contrahi nequeant, necesse erit membra huc illuc deflexa, aut extenta, secundum se tota rigida manere. Quodd autem spasmi præsentis à Nicotianæ fumo naribus insufflato, semper remitterent, ratio est, quia animæ corporeæ regione, sive parte aliqua vehementius affecta, si forte passio nova æquè violenta parti alteri inferatur, prior statim aboletur, aut cessat: Enimverò constanti observatione apparet, ubicunq; major aut recentior molestia est, illuc majores spirituum copias illicò se proripere, & tumultum facere: Quocirca in cerebro aut ejus meningibus, nova aliqua irritatione concitata, inter musculos alia quæcunque exterius incepta, protinus evanescit aut obscuratur, dein quæprimùm recentior illa pertransit, denuò statim exterius, sed in aliis partibus, ubi plures materiæ spasmodicæ nondum absumptæ aggeries præstant, convulsionem oriuntur. Quod autem spasmi diuturni, aut ob spiritus copula tenaci-

ori onustos, aut propter tendines materia viscosa vel tartarea obstructos, aut simul ob utrumque oriuntur, hinc constat, quoniam hoc morbo ingravescente ( prout in Dominæ hujus Illustrissimæ casu, & passim in multis aliis contingere advertimus ) tendines à materia morbifica uberè aggesta, ita demum infarciuntur, ut breviores ac rigidi evadant, proindeque spiritibus pro functionis motivæ actibus constanter obeundis, vix ac ne vix spatia concedant.

Hæc de motu musculari tum naturali, tum convulsivo, quorum utriusque rationes, summa qua licuit diligentia erutas, experimentis Anatomicis comprobavimus; si quis verò objiciat, ex eo minùs firmas esse, quoniam in vivisectionibus advertimus, cor & respirationis musculos, atque panniculum carnosum aliquandiu, postquam nervi, & arteriæ resecantur, contractionum & relaxationum vices continuare, unde contra hypothesin nostram arguitur, illorum motus non à constanti sanguinis & spirituum animalium influxu pendere. Huic obvium erit referre, quòd in moribundis, ita interdum contingat, quia anima tunc distracta, & dissolutioni appropinquante, spiritus simul omnes insiti, ab influorum commerciis præcisi, sese sponte exerunt, & solitos ( quousque valent ) motus suos perficiunt, quibus aliquanto spatio perennandis non opus est recentium copiarum subsidiiis, quia veterani, donec penitus atterantur, pensâ assueta obeunt; quin & vetus copula sanguinea donec tota absumatur, illorum amplexus, constanti vice excipit & dimittit: Hoc verò in aliis musculis appetitus imperio subjectis, & pro data occasione tantùm exerceri solitis, rariùs succedit.

Porro cum motuum obeundorum instinctus ab *ἐκπαίδει* ad musculum omnino per nervos deferri statuimus, cumque ejusdem nervi singularis truncus, sæpe in plures surculos diramptus,


remptus, eos variè distribuens, ad plures musculos destinatos mittit, jure ambigitur quomodo spiritus animales, motus obeundi symbolum vehentes, cum delectu quodam, hos, aut illos tantum surculos, seorsim ab aliis ejusdem ramis aduent, & non indifferenter omnes ejusdem propagines subeant, nempe ut sanguis arteriæ truncum, ejusque ramificationes ex æquo singulas pervadit. Doctissimus Regius, ut hunc nodum solveret, supponit in nervis valvulas quasdam, perfimiles iis, quæ in organis musicis reperiuntur, quatum apertura spiritus ad partes has aut illas speciatim admittat, cæteris occlusis: Atamen ostendere debuisset, si non ipsas valvulas, saltem quo instinctu, & quali directione, modò hæ, modò illæ referatur, aliis obstrictis: Verùm enimverò hic dicendum erit potius, quòd nervorum surculi omnes, ac minores propagines à partibus quibus inferuntur usque ad origines suas inter se distinctæ & singulares persistant; ita nimirum ut à cerebro, ejusque medullari appendice, ad unumquemque musculum, partemque nervosam, peculiaris spirituum orbita, sive commeatus via pateat: revera nervi licet juxta principia sua, truncis majoribus exoriri videntur, si tamen truncum & ramos istos aperias, facilè constabit, quòd in illis plures tantum nervuli, capillamentorum instar, melioris conductus gratia, in eundem fasciculum colligantur; quinimo involucris separatis, sæpe nervulos quosque singulos ad partes & membra respectiva quibus destinantur, prosequi licebit.

Interim verò, licet plerique nervi sint spirituum animalium ductus singulares, sive canales inter se distincti, tamen alii cum aliis per surculos & propagines invicem emissas, variè communicant, quod quidem ita fieri oportuit, ut cum plures simul nervi æquè ac musculi ad motum aliquem requiruntur, isti omnes propter commercia inter se mutuo habita, in eadē



dem actione conspirent; hinc in quibusdam membrorum motibus, ut imprimis in citharæ pulsatione, aliisque actionibus valde complicatis, muscoli plures admiranda celeritate cooperantur, ita ut, plurimis licet simul occupatis, absque ulla tamen confusione singuli pensa sua absolvant. Porro nervos inter se mutuo communicare opus erat, propter membrorum, & partium quarundam motus sympatheticos, neque enim aliam ob causam diaphragmatis nervus ramis brachialibus inosculetur, quam ut animalium exercitia, præsertim in cursu ac volatu juxta respirationis tenorem, proportionentur. Hinc item procedit, quod in passione quavis, præcordiis constrictis aut dilatatis, vultus & faciei aspectus, immo manuum & membrorum gestus patheticè configurantur: Hujusmodi instantias in particulari nervorum historia satis multas proposuimus, ut non opus sit hic plures adjicere.

Quod superest, ad Myologiam nostram illustrandam, quatuor hic figuras, quæ musculi simplices & compositi *quodammodo* utraque, sc. tum exteriores, tum interiores, veras & naturales ad vivum representant, addendas curavi.



**FIGU-**

## FIGURA I.

Exhibet musculum simplicem regularem, juxta ~~adon~~ naturalem, descriptum, in cujus ventre fibræ carnes apertæ ab invicem deducuntur, et fibrillæ membranaceæ melius conspiciantur,

A. Tendo dexter.

B. Tendo oppositus sinister.

C. Venter carneus, cujus omnes fibræ carnes æquales & parallelæ, utrumque Tendinem angulis obliquis, sed paribus interjacent.

D. Apertura fibrarum carnearum, quibus deductis, fibrillæ membranaceæ eas confusimè decussantes, apparent.

## FIGURA II.

Exhibet musculum simplicem, post Tendinem discissum, ejusque portiones divulsas, in medio fissum, ut interior fibrarum carnearum series, earumque cum Tendinibus commissuræ appareant.

A. A. Tendo dexter supra collocatus, cujus divulsi utraq; portiones aliquatenus apparent.

B. B. Tendo oppositus sinister subter confusus, cujus divulsi utraq; portiones, quoad margines solum conspicuæ, maxima ex parte sub carnibus latent.

C. D. Ventris carnei portiones divise & sepositæ, quæ prius (hæc illi impossibilia) coherebant, in quibus utrisque fibræ

fibræ omnes carneæ æquales pariter obliquè ab uno tendine in alterum procedunt.

- E. Fibrillæ quædam membranaceæ carneas densissimè decussantes representantur.

### FIGURA III.

Exhibet musculum quendam minus compositum, cujus binis ventribus carneis, etiam bini Tendines compositi, (quatuor simplicibus æquales) destinantur.

- A. Tendo exterior compositus utrasque carnes complectens, qui marginibus fere tantum conspicuis, maxima ex parte sub carnibus latet.
- B. Tendo interior compositus medias ingrediens carnes, qui fibras carneas ab utroque tendinis exterioris latere missas utrinque excipit.
- C. Fibrarum carnearum venter primus, cujus fibræ omnes æquales, & parallele, tendinum latera opposita angulis obliquis, & paribus interjacent.
- D. Carnium venter secundus, cujus fibræ omnes pariter conformatae eodem ac istæ alterius ventris spectant.
- E. E. Tendinis compositi exterioris, utraque extremitas.
- F. Tendinis compositi interioris extremitas, pariter ac altera opposita, à muscoli fine æquidistans.

## FIGURA IV.

Exhibet musculum regularem compositum in medio divisum, & apertum, ita ut utriusque ventris facies interior appareat.

- A. Tendo compositus exterior quadripartitò fissus.
- B. B. Lateris unius Tendinei divisi, portiones ab invicem semotæ.
- C. Lateris alterius Tendinei pariter divisi, portiones juxta positæ, quæ maxima ex parte sub carnibus latent.
- D. D. Ventris unius carnes divisæ, & procul ab invicem sepositæ.
- E. E. Ventris alterius carnes etiã divisæ, & juxta positæ.
- F. Tendo compositus interior medias carnes ingrediens.
- G. G. Eiusdem Tendinis divisi, portiones ab invicem cum portionibus ventrii, quos excipiunt, sepositæ.

## *Elenchus Materia.*

### *De Affectibus Hystericis & Hypochondriacis.*

**O**stenditur affectus, qui dicuntur Hystericis, a pulmonibus sanguine stultulentis, ad rigiditatem infarctis, oriri non posse. Pag. 2, 3.

Imprimis, Quia sanguis nunquam ita turgescit, ut cor & pulmones penitus infarciat. Hoc constat tum ratione, tum ex partium fabrica & usu. P. 3, 4, 5.

Secundo, Quia dyspnœa & præsecatio, aliisque pulmonum affectus, non sunt morbi hystericis propriæ passiones. P. 6, 7, 8.

Tertio, Quia pulmones, etsi gravissimè laborantes, non possunt in aliis partibus reliqua morbi hystericis symptomata excitare. P. 8, 9, 10.

Hoc duæ historiæ impuberum a polypo cordis obeuntium confirmant. Ibid.

Contra primam adversarii responsionem ostenditur, sanguinem nunquam immodicè in pulmonibus ebullire, quin pariter in toto corpore effervescat. P. 10, 11.

Picâ & malaciâ affectas, non ob sanguinem copiosum, aut nimis elasticum anhelas fieri, sed è contra. P. 12.

Cordis anxietas & palpitatio, non ad sanguinem, sed ad genus nervosum pertinent. P. 14.

Septus motus explicatur, ipsumque in convulsionibus interdum superius contrahi manifestò declaratur. P. 14, 15, 16.

*Motum.*

Motum muscularem non solummodo attra-  
ctionem esse ad partem immobilem. p. 17, 18.

Nec ad alterutrum musculi extremum, sed  
ab utroque. Ibid.

Membranarum motus tum naturalis, tum  
convulsivus explicatur. p. 19, 20, 21, 22.

Phlebotomia non omnibus hystericis pro-  
dest. p. 23.

Convulsiones non semper ab irritatione  
solitaria excitari. p. 25.

Succi nervosi existentia ideo requiritur,  
quia spiritus animales sunt maxime subti-  
les. Ibid.

Recitantur duo casus hystericarum, la-  
tratu velut canino affectarum. p. 27, 28.

Altera historia mulieris, in qua motus  
convulsivi, & lumbis in Abdomen translati,  
Symptomata quasi hystERICA excitabant.

p. 28, 29.

Observatione crebra & vulgari constat,  
viscera abdominis spasmodice affecta in-  
flari & extumescere. p. 29, 30.

Passionem hypochondriacam ventriculo in-  
ique imputari. p. 31.

Non esse lienis officium ut soti ventricu-  
lum calefaciat. p. 32, 33.

Ejus colorem non à sanguine puro coagu-  
lato. p. 33, 34.

Munus ejus fermentativum vindicatur.

p. 34, 35.

Pulsationem subtus ventriculum, esse  
affectum arteriæ celiacæ, propter lienem  
obstructum. p. 36, 37.

Aciditatem band solummodo in ventricu-  
la progigni, nec inde tantum sanguini alii-  
que

qui humoribus communicari. P. 38, 39.

Aciditatem à satis fluore provenire, & salem ex elementis, quibus naturalia constant unum esse, contra objectiones adversarii experimentis evincitur. P. 40, 41, 42, 43.

## *Elenchus Materie*

### *Exercitationis de Accensione Sanguinis.*

**I**N quibusdam morbis spiritus animales, aut ipsam animam immediatius quam humores, aut corpora solida affici. P. 45.

Animam corpoream duabus constare partibus, scilicet flammea in sanguine, & lucida seu spiritus in cerebro & nervoso genere, radicatis. P. 46.

Ostenditur sanguinem animatum esse. ib.

Animationem istam, seu vitam ab incendio ejus pendere. P. 46, 47.

Ad hoc probandum, primo declaratur, sanguinem in perfectioribus animalibus propter œconomiam ejus, actu incallescere debere. P. 48.

Liquida, è quorum censu est sanguis, tribus tantum modis actu incallescunt, scilicet primo, à calido admoto, secundo, à salinis aut sulphureis quæ diversa indolis sunt commissis, tertio, ab accensione. P. 48, 49.

Alii calefactionis modi, scilicet fermentatio, putrefactio & attritio ad crassiora tantum, aut solida, & non omnia ad liquida pertinent. P. 49, 50.

Sanguis



*Sanguis non aestuat à calido admotu ,*

*P. 51.*

*Nec à salium aut sulphuris congressu & lucē.*

*ib.*

*Accendi videtur, quia propriæ ignis flammæque passiones, soli præterea sanguinis vitæ competunt—*

*P. 52, 53.*

*Ad flammæ subsistentiam, primo, requiritur pabulum nitrosum, quod variis experimentis probatur.*

*P. 54.*

*Ejusdem pabuli nitrosi accessus, etiam ad sanguinis vitam sustinendam necessarius.*

*P. 55, 56.*

*Secundum flammæ sustinendæ requisitum, est pabuli sulphurei constans supplementum, quod etiam à sanguine exigitur.*

*P. 56, 47.*

*Tertiò, Flamma accensa eventilationem desiderat, pariter etiam sanguinis vita.*

*57.*

*Ignis aut flamma vulgaris, vel ab alio igne succenditur, vel ab intestino particularum motu producitur, pariter quoad sanguinis flammam vitalem in viviparis & oviparis habet.*

*P. 58, 59.*

*Pulmonum coloris in recens natis mutatio, item sanguinis venosi & arteriosi diverse tincturæ, sanguinis incendium quodammodo declarant.*

*P. 60, 61.*

*Quantum cor præstat ad sanguinis accensionem diversimodè alterandam, & quæ sint flammæ vitalis differentie.*

*P. 61, 62.*

*Quo ritu lampadis oleum disponatur, ad imitandam sanguinis intra cor, & vasa ejus accensionem.*

*P. 62, 63.*

*Ostenditur sanguinem particulas ad accendendum aptas, in se continere.*

*ibid.*

*Flamma vitalis secus ac vulgaris non apparet,*

paret, quia forma ejus formæ alteri superiori, scilicet animæ corporeæ subordinata est. p.65,66,67.

## *Elenchus Materiae*

### *Exercitationis de Motu Musculari.*

**A** Nimæ corporeæ parti lucidæ duæ insunt facultates, motiva, & sensitiva, utraque tum exterior, tum interior. p. 68.

Quomodo motus & sensus differunt. 68, 69

In omni motu tria consideranda, scilicet, actionis origo, instinctus, impetus motivus. 69.

Motus origo, sive principium fit in cerebro aut cerebello. Ibid.

Motus designati instinctus deferitur per nervos, unum aut plures. 70.

Impetus motivus perficitur per musculos aut membranas. ib.

Motus muscularis sive localis tractione perficitur, sed non uti à veteribus traditum fuit. 70, 71.

D. Stenon primus musculi fabricam rectè tradidit. 71.

Musculi descriptio, ejus partes sunt tendines & fibrae carnae. 71, 72.

Aut simplex aut compositus est, in utroque singulis carniū ventribus binis destinantur tendines. 73.

Ad musculum etiam spectant membrana, fibrillae membranaceae, quae fibras carneas decussant,

decussant, item arteriæ, venæ, ac nervi.  
75, 76.

Musculorum figura à Stenone descriptæ,  
quemodo in ipsis musculis conspiciantur. 76.

Musculi actio per vivisectionem optimè  
detegitur: in quibus advertere est, fibras  
carneas tantum contrahi, tendinibus immo-  
tis: Illas verò ab utroque fine versus medi-  
um adduci, adeoque abbreviatas intumesce-  
re. 77, 78.

Varia experimenta Anatomica, quibus fi-  
brarum carnearum motus observentur. 78.

Musculi omnes in contractionum & re-  
laxationum vices sponte sua quodammodo  
sunt proclives. Humores quibus musculi  
imbuuntur, sunt liquor nervosus, sanguis,  
& latex è sanguine in fibras carneas in-  
stillatus. 79.

Ex musculi phenomènis quàm difficile sit  
functionis motivæ ætologiam condere. 80.

Motus localis est actio composita, cujus  
virtus robustior in fine est, quàm in principio,  
aut via. 81.

Quibus modis virtus motiva in mechani-  
cis augeri solet, & qualem cum his ana-  
logiam impetus motivus in musculo auctus  
habeat. 81, 82, 83.

Facile constat particulas elasticas intra  
musculum recondi. 84.

Tales intra fibras carneas plus agitan-  
tur, intra tendinosas verò uberius aggerun-  
tur. ibid.

Particulae istæ sive spiritus animales, dum  
musculus contrahitur, è tendinibus in car-  
nes prosilire, dumque relaxatur, ab his in-  
itlos recederè videntur. 85.

Spiritus

*Spiritus intra tendines quieti, fibras carneas, quatenus ibidem cum alio humore, nempe sanguine colluctantur, inflant, ac intumesfaciunt.* 86.

*Dum musculus contrahitur, fibras carneas abbreviatas intumescere, &c. huc patet. ib.*

*Cujus indolis spiritus animales, cujus item latex sanguineus videntur esse.* 87.

*Musculi tum simplicis, tum compositi conformationes, plane indicant, spiritus ab utroque tendine, utrosque carnum fines incurrere, & ab his in illos recedere.* 88, 89.

*Meri spiritus animales, sine copula altera sanguinea vim motivam exequi nequeunt.* 88.

*Spirituum motorum copiae subsidaria per nervos ad musculum delatae, à fibris membranaceis, non carneis excipi, perque illas ad tendines seu promptuaria conveyi videntur.* 91.

*Quomodo motus muscularis pugnandi aut sistendi instinctus, per nervum musculo imprimatur.* 91, 92.

*Ad hoc munus quid fibrillae membranaceae conferunt.* 93, 94.

*Motus convulsivos ob vitium non tantum in nervis, sed in musculis latens interdum oriri.* 94.

*Spasmodum à musculis oriundorum binæ sunt species, nempe aut breves & crebri sunt subsultus, aut permanentes, uti tirax & affectio dicta (Cramp)* 95.

*utriusque causæ & fiendi modi explicantur.* 66.

*Casus notabilis posterioris affectus naturam illustrans.* 96, 99.

Ob-

*Objectiones contra Myologiam prædictam  
solvuntur.*

100, 101.

*Figure musculorum quosdam ad vivum re-  
presentantes explicantur.*

103, 104, 105.

---

**FINIS.**

---

... ..  
... ..  
... ..  
... ..

21417







F M 1708